

NATIONAL ASSEMBLY OF SEYCHELLES

Sitting of Friday 26th November 2021

The Assembly met at 9am

Moment of reflection

Mr Speaker in the Chair

DEPARTMENT OF TOURISM**MR SPEAKER**

Bonzour tou Manm Onorab. E bonzour nou piblik ki pe swiv nou. Mersi pou zwenn nou parey labitid. Mersi osi nou staff ki'n asiste nou. *Sergeant-at-Arms* a pas dan Staz Komite pou nou apel delegasyon. E Madanm reporter ou ava apel delegasyon pou *Department of Tourism*.

Bonzour e byenveni Minis Sylvestre Radegonde ki Minis pou *Tourism ek Foreign Affairs*. E nou swet la byenveni osi delegasyon Mrs Sherin Francis *Principal Secretary for Tourism*, Mr Terrence Max *Director General Seychelles Tourism Academy*.

E lo kote Minister Finans mersi pou zwenn nou Mrs Irene Croisee *Comptroller General* e Mrs Ruth Pool *Senior Finance Analyst*.

Nou pe pran Bidze pou *Department of Tourism* ki enkli *Seychelles Tourism Academy* lo paz 429 ziska 438 pou en total 198milyon R899mil. Minis nou ava ekout ou lentrodiksyon sa Bidze silvouple.

MINISTER SYLVESTRE RADEGONDE

Mr Chair bonzour e Mr Chair, Manm Onorab. Departman Tourizm in ganny en alokasyon Bidze 198milyon R899mil pou lannen 2022. En sonm R58.1milyon an plis ki sa lannen 2021.

Sa sonm 58.1milyon i enkli 28.7milyon ki *STB* ti'n deza depanse depi zanvye ziska Zen sa lannen avan restriktirasyon ti pran lefe. I annan osi 25.6milyon ki reprezent en koupir dan Bidze, ki ti'n ganny aprouve pou *STB* pandan legzersis *Mid-Term Review*.

Fodre not ki tou lede sonm ki fer en total R54.3milyon, pa pe reflekte dan sa Bidze revize pou 2021. An realite ler ou gete, Departman Tourizm pe ganny en ogmantasyon selman R3.8milyon. Dan sa 3.8milyon 1.1milyon i al pou *wages* ek *salaries* ki reprezent saler bann travayer seksyon Finans ki pe ganny entegre dan Departman Tourizm.

E R2.7milyon i al dan *goods and services* ki relye prensipalman avek logmantasyon dan kou transportasyon pou bann etidyan Lakademi Tourizm.

Pou note ki Lakademi Tourizm in fer en rediksyon R12milyon lo son kou loperasyon aletranze. En legzersis ki ti konmans an 2020 par STB e ki'n terminen avek restriktirasyon boner sa lannen.

Rezulta sa de legzersis i kapab ganny vwar dan sa bidze ki devan nou ozordi. Bidze Departman in ganny re partaze dan en fason pli ekitab e stratezik tou an gardan en lizye lo bann lobzektif stratezik pou sa lannen ki pe vini.

Re distribisyon dan Bidze pou programm *marketing* i demonstre en korelasyon logmantasyon dan Bidze programm *product planning and development*, avek menm resours finansyel e nou'n prioritiz nou zefor Departman pou asire ki son lobzektif stratezik i ganny realize.

An dot mo nou pe fer plis e nou pou kontinyen fer plis avek menm resours. An plis ki sa, Bidze Departman Tourizm pe osi soutenir lokasyon lofis pou en Minister ;- setadir Biro kot nou ete *Botanic House* malgre nou pey tou *rent*, i annan en *floor* ki ganny okipe par en lot Minister.

De plis sa sonm in ogmante 2022 konpare avek 2021, kot nou ti ganny en rediksyon 12.5poursan an vi lenpak COVID-19.

Lakademi Tourizm Mr Chair, i annan en loptik vreman pozitiv pou sa lannen ki pe vini an vi bann plan e linisyativ ki nou annan pou kontinyen fer agrandi nou lendistri.

E mon oule sit enn de legzanp. Premyerman i annan en kolaborasyon ki pou kontinyen avek Gard Lakot Sesel, pou fer sir nou bann etidyan i ganny bann leksperyans pratik, avan ki zot zwenn sa Lendistri dan en pozisyon permanan.

Dezyenmman, komersyalizasyon restoran kot Lakademi Tourizm La Misère avek bi sipor lasistans bidzeter ki Gouvernman i donnen pou devlop sa lendistri.

Trwazyenmman an diskisyon pou STA Lakademi Tourizm pran *management* loperasyon Pomme Canelles. E sa i en loportinite pou

fer leksperyans pratik nou bann etidyan, ensi ki aport en sours reveni pou lakademi.

Finalman katriyenmman, re reentrodiksyon en programm *in-service training* pou ede relev kalite servis e travayer dan Lendistri Tourizm an zeneral. Departman osi parey mon'n deza prezant devan sa Lasanble, i annan tout en seri linisyativ pou relev nou lendistri.

Sa i enkli diversifikasyon prodwi avek latansyon lo aktivite kiltirel e kominoter. Programm pou amelyorasyon pou standar bann letablisman, en pe parey en program ki nou ti deza annan ki ti apel *Small Establishment Enhancement Program*.

Trwazyenmman, programm ekselans dan servis e finalman en plan devlopman resours imen dan Lendistri zis pou sit detrwa legzanp. Mon remersi Mr Chair.

MR SPEAKER

Mersi Minis. Nou ava pran kestyon bann Manm lo sa Bidze. Onorab Mondon i kapab konmanse.

HON TERENCE MONDON

Mersi Mr Chairman. Bonzour Minis avek ou delegasyon e tou dimoun ki pe ekout nou. Minis in fer en mansyon lo rekritman. E ler mon pe get provizyon dan Bidze, mon vvar anba zot 4 programm i annan en logmantasyon dan zot *basic pay*.

E bann logmantasyon ase signifikan. Anba programm 1 en logmantasyon 1.5milyon. Anba programm 2, i annan de logmantasyon, i annan 958mil avek 220mil. Anba programm 3, 1milyon 128mil. Anba programm 4, i 2milyon 542mil. An total i fer 6milyon R244mil logmantasyon dan *basic pay*. E other allowances in monte an relasyon avek sa osi. E ki fer en 35poursan logmantasyon.

Alor mon kestyon se, eski Minis oubyen PS i kapab eksplik nou, plan rekritman Departman an term novo travayer, oubyen promosyon serten travayer ki deza dan zot Departman?

E anba programm 4 *destination marketing*, sa logmantasyon 83poursan, eski zot pe *recruit* 100poursan Seselwa? Ouswa i pou osi enkli etranze? Mersi Mr Speaker.

MR SPEAKER

Mersi Onorab. Minis ou repons silvouple.

MINISTER SYLVESTRE RADEGONDE

Mersi Mr Speaker. Mersi Onorab. Mon a demann *PS* pou pran sa kestyon silvouple. Mersi.

MR SPEAKER

Mersi. *PS.*

PS SHERIN FRANCIS

Mersi Mr Chair. Mersi Onorab pou ou kestyon. Petet mon ava zis retourn en pti pe lo leksplikasyon ki Minis in donnen lo son *opening statement*. Bidze Departman sa logmantasyon ou pou vwar i *reflect the revised budget of 2021*.

Depans ki STB ti'n fer pandan Zanvye ziska Zen 2021 i pa reflekte dan sa Bidze. Ki fer ki ou pou vwar i annan bokou *Code* ki i montre en gran logmantasyon, me ki pa neseserman en gran logmantasyon.

Logmantasyon ki nou'n gannyen dan lapey i zis lavaler R1.1milyon e sa i annan pou fer avek bann travayer Finans ki pe ganny met lo nou *payroll as of* konmansman lannen. Apard sa nou napa logmantasyon dan *wages and salaries*.

MR SPEAKER

Mersi. Lo size lekel ki ou pou *recruit si expatriate*. Ou le repons?

PS SHERIN FRANCIS

Mersi Mr Chair. Pou 2022 nou napa okenn novo *recruitment*. E nou lekip ki nou annan kot Departman i tou Seselwa eksepte pou 2 lofis aletranze ki nou annan de travayer ki lo kontra. Me selman sa ki reflekte dan *wages and salaries* i tou saler zis travayer Seselwa.

MR SPEAKER

Mersi *PS.* Wi Onorab Mondon klarifikasyon?

HON TERENCE MONDON

Mersi Mr Chairman. Mon en pe konfize la akoz sa bann sif ki nou'n gannyen detay, petet Minister Finans ti kapab re ekliersi nou. Akoz mon pe get en latab ki pe montre bann sif *basic pay*.

Leksplikasyon ki mon pe gannyen e mon en pti pe konfize konmsi, akoz i montre sa logmantasyon si i kapab al en pe pli an

detay, ki kote sa logmantasyon vreman i vini. Si i ti kapab, Minister Finans re eksplik nou? Mersi.

MR SPEAKER

Wi Madanm Croisee ou kapab klarifye?

COMPTROLLER GENERAL IRENE CROISEE

Mersi Mr Chair. *Morning* Mr Chair. *Morning* tou Manm Onorab. Parey in ganny dir pou *STB*, *STB* in ganny *merge* avek Departman Tourism *midyear*. *So from Zanvye ziska Zilyet son Bidze i ti apar. So that is why dan revised figure* pou Departman Tourism ou pa pou vwar sa lenpak from Zanvye ziska Zilyet.

So Departman Tourism son Bidze normal ki nou'n donn li. *Whereas* pou 2022 nou'n *merge* *STB* avek Departman Tourism ansanm avek son *full years* saler pou 2022. So sa ki pe fer sa diferans.

MR SPEAKER

Mersi. Onorab Gill.

HON CHURCHILL GILL

Mersi Mr Chair. Bonzour Minis ek ou delegasyon. Mon annan 3 kestyon. Mon premye kestyon i annan en sonm 2milyon pou *subscription fees*. Si ou ti kapab donn nou en lide lekel sa bann *subscription* ki nou pou bezwen peye anba sa Bidze?

Apre mon'n note ki i annan 19 pei ki pe ganny reprezante, e zot Bidze in *allocate accordingly*. Me selman tousala pou *marketing* i tonm R92milyon. Ki fer en total 46poursan Bidze total. Me selman anba *STO Seychelles Global* i annan en sonm R49milyon. Si nou kapab ganny en leksplikasyon kwa ki i anba la ki li i *stand out* konpare avek lezot a en sonm R49milyon?

Apre mon trwazyenm kestyon se, ler nou ti ganny dir dan dernyen Bidze ki *STB* pe al konman en Departman, ti annan bann *staff* osi ki'n ganny abzorbe dan Departman. Mon kestyon se si ti annan laranzman ki sa bann *staff* pou ganny peye bann letan ki zot ti travay ek *STB*?

Oubyen si i vin konman en *continuous service*? Si i sipoze ganny peye, eski in ganny mete dan sa Bidze e kan ki zot sipoze ganny peye? Mersi.

MR SPEAKER

Mersi Onorab. Minis.

MINISTER SYLVESTRE RADEGONDE

Mersi Mr Chair. Mersi Onorab. Mon ava pran sa dernyen kestyon, apre mon a pas laparol avek *PS* pou reponn sa de lezot ouswa azour plis lenformasyon an sa ki konsern bann *staff*.

Avek *merger STB* ek Departman i ti *continuous service*. Nou ti *absorb* tou *staff* ki ti dan Departman. Anfen tou *staff* ki ti dan sa de antite in vin preznan anba Departman *Tourism*. Mersi.

MR SPEAKER

PS.

PS SHERIN FRANCIS

Mersi Onorab pou ou kestyon. Sa 2milyon ki ou vvar dan *subscription fees* i *subscription* avek bann lakonpannyen ki donn nou *market intelligence information*. E sa bann lenformasyon i vreman enportan dan *strategic planning and forecasting*.

Sa kestyon lo *marketing budget*, sa 49milyon ki *Seychelles Global* i sa sonm *marketing budget* ki ganny kite lokalman. E i ganny partaze dan diferan *Code*.

Code pli gro ki nou annan par egzanp i *Joint Trade Promotion* i sa *Code* ki nou servi, pou nou siport tou nou bann *major airline* ki pe deservi destinasyon, enkli *also* nou *national airline Air Seychelles*. I bann aktivite konzwent ki nou fer avek zot.

Nou osi annan Bidze *digital marketing* ki ganny trouve dan sa *Code* pou 11milyon. Nou osi annan Bidze pou *content creation* avek *marketing collateral* pou 7milyon ki ganny trouve dan sa Bidze.

E apre i osi Bidze ki nou servi pou nou a *Global Consumer Campaign*. Par egzanp si zot pou vvar en kanpanny lo en gran lasenn televizyon parey *BBC, national geographic* ki kouver tou teritwar nou pran dan sa Bidze. E bann levennman enternasyonal osi ki ganny fer lokalman osi i ganny tire dan sa Bidze. Mersi.

MR SPEAKER

Mersi PS. Onorab Aglae.

HON EGBERT AGLAE

Mersi. Bonzour Mr Speaker, bonzour Minis avek ou *panel*. Minis mon oule en pti pe klarifikasiyon dan zot detay Bidze. Premyerman mon vwar poudir i annan en logmantasyon dan zot *returning graduates allowance*. Si zot ti kapab sorti 60mil pou mont 120, si mon ti kapab ganny en leksplikasyon.

I annan en logmantasyon dan zot *rental* osi kot mon vwar sorti 8.9 pou mont 11.5milyon. Apre I annan *building insurance* 24mil. Mon ti a kontan en leksplikasyon ki egzakteman sa lasirans ki zot pe peye in *regards to* sa *building*? Mersi.

MR SPEAKER

Mersi Onorab. *Panel*.

MINISTER SYLVESTRE RADEGONDE

Mersi Mr Chair. Mersi Onorab. PS ek ou permisyon silvouple.

MR SPEAKER

Wi PS.

PS SHERIN FRANCIS

Mersi Mr Chair. Onorab pou sa kestyon *allowance* ou kapab zis donn nou en pe detay ki *allowance* ou pe fer referans avek?

HON EGBERT AGLAE

I annan sa *returning graduates allowance* ki mon vwar dan zot *detail* - detay Bidze.

MR SPEAKER

Thank you.

HON EGBERT AGLAE

Programm 1.

PS SHERIN FRANCIS

Pou *returning graduates allowance* sa *it has per the Scheme* pou tou nou bann *returning graduates as per the Scheme*. *With regards to rental* sa leksplikasyon in ganny donnen par Minis dan son *opening statement*.

Lannen pase nou ti ganny 12.5 – sa lannen *sorry*. Nou ti ganny 12.5 rediksyon dan nou *building rent*. *Office rent*. Me as *February* lannen prosenn *the full cost* pou retourn parey.

Lo kote *insurance* i kouver *insurance* pou nou lofis La Digue. Apre pou *Head Office* i osi kouver par egzanp pou nou bann lekipman ek nou bann content ki nou annan osi tou. Mersi.

MR SPEAKER

Mersi. Madam Croisee i anvi azoute? Wi.

COMPTROLLER GENERAL IRENE CROISEE

Mersi Mr Chair. Zis pou klarifye sa *returning graduate allowance* i pou manrmay STA plizoumwen, akoz STA son Bidze i tonm anba Departman *Tourism*.

MR SPEAKER

Thank you. Onorab Romain.

HON GEORGE ROMAIN

Mersi Mr Chair. Bonzour Mr Chair. Bonzour Minis ek panel. Mr Chair mon ti kontan zis demann *panel* anba *goods and services*, mon vvar ki pou 2021 pou *software* ti 549mil. Selman pou 2022 mon vvar R1.4milyon. Mon konnen zot in fer en pe – i annan en *merger* ki'n ganny fer. Mon ti a kontan en pti leksplikasyon lo la.

Apre lo kote *office building rent* mon vvar ki - mon konnen PS fek koz en pti pe lo la. Ti 8milyon. Me par kont la i 11milyon. Mon mazinen sa *discount* ki zot ti gannyen aprezan zot pe al *pey back*. Pa pe gannyen ankor sa *discount*.

Me eski Minis konmsi mon ti pe mazinen dan le fitir, eski zot pe mazinen kekfwa pou *move* dan en nouveau *building* oubyen sey negosye pou ganny en meyer pri? Mon ti a kontan ganny en pti leklersisman. Mersi Mr Chair.

MR SPEAKER

Mersi Onorab. Minis? *Panel?*

MINISTER SYLVESTRE RADEGONDE

Mersi Mr Chair. Mersi Onorab. Mon ava pran dezyenm kestyon konsernan *office rent*. Wi, pri ki nou peye pou *rent* pou sa biro i en

pri fou. Nou tou nou ava dakor lo la. Pandan sa lannen nou pe regard plizyer opsyon pou nou rod en lokasyon ki pli abordab lo pri. Me osi ki aksesib.

Nou zis pou dir ou dan sa resers ki nou ti pe fer nou'n al tonm ziska Providence pe get en *building* menm Providence pou ale. Me akse ou pe al dan en *Zone endistriyel* i pa sa limaz ki ou le donn en Lendistri enportan parey *Tourism*.

So sa ki mon kapab dir ou Onorab, Mr Speaker, se ki sa demars pou nou rod en propriete pli bon marse i kontinyen. I parey nou demars pou redwir kou dan nou loperasyon zeneralman. Nou determinen pou fer li. Me nou pa pe al ase vit parey nou ti a swete. Mersi.

MR SPEAKER

Mersi. E lot pwen lekel ki pou adrese? PS.

PS SHERIN FRANCIS

Mersi Mr Chair. Mersi Onorab pou ou kestyon. Lo kote *software* sa sonm ki ou vvar i annan 3 rezon ki in monte. Enn i annan sa bout parey Irene in eksplike poudir nou depans premye lanmwatye lannen *it is not reflective* ladan.

I annan osi pou fer avek *rate of exchange*. E trwazyenm i annan *software* ki nou'n bezwen ogmant lavaler nou *subscription*, akoz la STB avek *Tourism Department* i ansam. E ki i annan plis *staff* ki nou pe *absorb* lo serten programm.

Me selman lamazorite *increase* i annan pou fer enn avek *the rate of exchange* avek sa bout nou premye lanmwatye lannen ki pa reflekte dan sa Bidze. Mersi.

MR SPEAKER

Mersi PS. Onorab Lemiel.

HON SYLVANNE LEMIEL

Mersi Mr Chair. Bonzour Minister avek ou delegasyon. Mon kestyon i al lo kote programm 2 '*destination planning and development*' anba *other goods and services*.

Mon vwar *facilities for events*. Lannen pase ti napa larzan anba sa laliny; e sa lannen ki pe vini nou vvar 1milyon R28. Mon ti a

kontan konnen en pti pe ki bann levennman or ki bann keksoz ki zot pou al fer anba sa vot pou sa sonm larzan? Mersi.

MR SPEAKER

Mersi Onorab. *Panel lekel ki pare?*

MINISTER SYLVESTRE RADEGONDE

Mr Chair mersi. Avek ou permisyon mon ava demann *PS* pou-

MR SPEAKER

PS wi.

PS SHERIN FRANCIS

Mersi pou ou kestyon Onorab.

Anba *facilities for events destination planning* i sa programm ki anglob nou bann aktivite, novo aktivite ki nou pe fer, anba *product planning and development*. E par egzanp nou annan novo proze ki nou anvi antreprann an 2022.

I annan klasifikasyon i enn. I annan bann program ki nou bezwen fer pou *cultural tourism*. I annan *service excellence*. So i annan detrwa novo aktivite, ki parey Minis in eksplike dan son *opening statement* ki nou pou bezwen pe fer.

E i pou annan bann aktivite ki nou pou fer ki Bidze i tonm dan *facilities for events*. *I hope* mon'n reponn ou kestyon.

MR SPEAKER

Mersi *PS*. Onorab John Hoareau.

HON JOHN HOAREAU

Mersi Mr Chair. Mr Chair mon kestyon i baze lo *program 2, sub program 1*, ki annan en vot 4milyon 718mil. Mon le konnen si anba sa vot - parski lobzektif sa vot se pou mentenir bann fasilite. E bann servis a en nivo o. E pou *mitigate risk*.

Alor mon le konnen si anba sa vot, i annan serten vot pou met en dimoun ki kapab *monitor* en pti pe bann lans; pou kapab anvoy en *targeted response* lo kote *mitigating* bann *risk* ki annan lo size bann dimoun ki fer bann aktivite touristik lo lans? Mersi.

MR SPEAKER

Mersi Onorab. Yes panel.

MINISTER SYLVESTRE RADEGONDE

Mersi Mr Chair. Mersi Onorab pou kestyon. Onorab sa zafer lans i - pa dir konplike, me i annan en pe travay ki nou pe fer. Konmsi kote responsabilite i devret tonbe. Mwan mon annan en serten preferans ki mannyer mon ti a kontan vwar.

Me i annan lezot Lotorite ki panse nou kapab rod en lot fason pou fer li. Donk fason ki nou pe fer li pou konmela an sa ki konsern lord ek lape lo lans, kontrerman avek en *beach authority* ki mwan personnelman i mon preferans; konsansis se ki Lapolis i devret ganny *beef up*.

Donn Lotorite, donn plis pouvwar, donn plis *manpower*, plis resours pou zot kapab fer sa. Sa kot i konsern lord ek lape.

Setadir lanmizik lo lans, salte ensidswit. An sa ki konsern proteksyon dimoun ki dan lanmer, sa i tonm anba Minister Zafer Enteryer.

I annan en legzersis ki pe ganny fer, ki mannyer i pou ganny en striktir pou fer li. Ki nou pe fer nou an atandan *Tourism* ansanm avek *Internal Affairs*, an atandan ki i annan sa striktir permanan. Sa sirtou lo Praslin avek La Digue lo bann lans. Kot i annan deza bann operator ki lo lans. Lentandans osi i en lot landrwa ki nou pe fer.

Nou pe donn posibilite sa bann dimoun la, pou pa Selman *run* zot biznes tou le zour, me donn zot en bout lakord, donn zot en *ring*, donn zot en posibilite pou zot kapab si i arriv en *emergency deal* avek.

E in annan ka La Digue, parey Lentandans plizyer ka ofet kot sa in marse. I pa ideal. Me an atandan ki nou aranz nou byen. Ki nou ganny en striktir profesyonnel, solid, nou bezwen annan en mezir entermedyer. Sa ki mon kapab dir ki sa pe marse.

E an sa ki konsern lord ek lape osi nou vwar La Digue parey Lentandans mon koz sa de, akoz sa de mon pli familye avek, ki mon vwar rezulta. Sa bann dimoun lo lans i osi en lizye pou lapolis.

Zot kapab pe regarde bann dimoun ki pa abitye vin la. Regarde bann dimoun ki petet pe akt dan en fason ki *suspicious*. E ed Lapolis dan sa travay apre pou fer deteksyon osi. So vwala ki mon annan pou dir lo la Onorab. Mersi.

MR SPEAKER

Mersi Minis. Onorab Bistoquet.

HON ROSIE BISTOQUET

Mersi Mr Chair. Bonzour Mr Chair. Bonzour Minis avek ou delegasyon. Bonzour tou bann Manm Onorab. Minis mwan mon pe regard en pti pe kot mon konpran ou'n dir nou bomaten ki lo kote STA, ki zot pe anmenn bann novo linisyativ ki i tre ankourazan.

Sirtou pou bann zenn Seselwa. E anba programm *P3 Tourism Hospitality, espesyalman dan SP2 i annan anba other uses of goods and services, i annan training fees, avek allowance for students. Training fees i 182mil whereas allowance for students i 6.2milyon.*

Ki mwan mon ti a kontan demann ou Minis se ki, dan zot recruitment, eski zot recruit pa zis pre service students, eski zot recruit mature students as well? Ki dan en fason pou ekilibre sa de group pou kapab ganny plis Seselwa pou travay dan lekol Tourizm?

Apre ki zot success rate a lafen sak lannen petet pandan sa detrwa dernyen lannen; ki zot success rate versus recruitment? Kantite ki zot in recruit?

Apre konbyen cohort zot recruit par lannen? And at the same time mon vwar kot sa bout allowance konbyen bann etidyan - sak etidyan i gannyen kote allowance? Ki dan en fason pou ankouraz lezot zenn osi pou zwenn sa domenn profesyon? Mersi.

MR SPEAKER

Mersi Onorab. Minis.

MINISTER SYLVESTRE RADEGONDE

Mersi Mr Chair. Mon a fer enn de remark preliminer e avek ou permisyon mon ava pas laparol avek Direkter STA.

Sa ki mon kapab dir Onorab wi efektivman, anba sa novo ladministrasyon lekol anba novo direkter i annan en travay formidab ki pe ganny fer.

Pou re vwar pa selman zis striktir lakademi me osi son programm ki i ofer. Ki nou le evantyelman at the end of the day, bottom line ki nou oule, se ki sa lekol i kapab reproduire sifizaman mendev ki Sesel bezwen dan sa lendistri.

Setadir nou bezwen pe train dimoun kot i annan bezwen. Nou pa pou zis train dimoun nenport ki nenport koman akoz i en lekol tourizm.

E apre bann dimoun ou pa kapab plas zot dan nenport – dan landrwa – anfen kot i bezwen. Dan en *post* akoz napa vreman bezwen.

So en *proper manpower need* an kolaborasyon avek Departman Tourizm sa pe ganny fer, e kot STA i ava deliver lo la. En lot keksoz osi ki nou le fer se - travay in deza konmanse, se fer ki sa lekol i kapab atir etidyan pli o nivo posib.

Nou oule tir sa persepsyon ki ou al lekol tourizm, selman ler ou pa'n ganny plas okenn par. Alor nou oule ki sa lekol i reste atraktiv parey nenport ki *course* ki ofer. Donk nou kapab atir dimoun o kalite, dimoun ki motive, dimoun ki enterese. Parske nou oule ki tou dimoun- anfen, *as much as possible* sak etidyan ki nou *train* i bann etidyan ki apre i al dan Lendistri.

I napa en kantite ki apre i *drop out*. Ouswa ler in fini *training* i ale i al fer en lot keksoz, ki sa *course* ki in ganny donnen pou fer.

So sa gro travay ki nou pe fer. I en travay par egzant ki nou pe fer se fer dimoun konpran nesesite, lenportans Lendistri Tourizm.

Nou pe al konmans dan bann lekol an kolaborasyon avek Minister Ledikasyon, konmans bann *Tourism Club* dan lekol.

Deza motiv bann manrmay segonder omwen. Fer zot par egzant al vizit lekol li menm. Vizit bann lotel. Ganny kontak avek bann travayer ki dan lotel.

Deza met sa lapeti dan zot, en mannyer ki ler zot arive pou swazir zot karyer ouswa ki zot *further education* i devret été, zot met *tourism*, touris travay avek touris anler la. Pou lezot kestyon konsernan –

MR SPEAKER

Minis les mwan adres sa en pti moman silvouple. Nou pou pas lo bann kestyon ki reste pou *Department of Tourism*. Ler nou'n fini sa pou nou fer en sanzman, akoz Mr Max i bezwen vin lo latab. Nou a pran kestyon ki adrese pou STA dernyen. E Manm i a ganny son repons. Mersi. Minis nou a kontinyen lo kestyon. E mon annan Onorab Cosgrow.

HON WALLACE COSGROW

Mersi Mr Speaker. Bonzour Mr Chairman. Bonzour Minis, tou dimoun dan Lasamble. Minis mon pe get en pti pe Bidze e nou

konnen bar ki nou pe *set* nou lekor lo la se 2019; *maximum touris* ki nou ti gannyen, ki ti vin Sesel se 2019. Me sa i bar en.

Me mon krwar mon asire ki nou anvi al pli lwen. Ki mon pe get dan Bidze la ozordi kwa ki nou le fer diferan pou 2022 *going forward?* E kote sa – kote zot pe met lanfaz akoz Bidze in ogmant en pe. Kote zot pe met lanfaz, pou fer sir ki nou konpetitiv avek tou sa bann konpetiter dan larezyon sirtou e aryer?

Akoz dabor nou pa sel ‘*sun and sea destination*’ dan en sans. Kote nou pe met lanfaz dan sa Bidze pou nou kapab *at least be competitive* e petet bat tou bann lezot konpetiter ki pe *compete* avek nou?

Mon pe get *program 2 ‘Destination Planning and Development’*, konmsi mon pa pe vwar *unless* mwan mon pa pe konpran ki zot pe fer sorti. Mon pa pe vwar sa diferan fason fer pou nou *achieve 2019 e go beyond 2019?* Si Minis ti kapab eklersi sa pou mwan.

MR SPEAKER

Mersi. Minis ou a kapab adres sa *please*?

MINISTER SYLVESTRE RADEGONDE

Mersi Mr Chair. Mersi Onorab. Onorab 2019 pe ganny refer lo la. Tanzantan dimoun i dir parey ti ete 2019, nivo 2019. Akoz dan sa lendistri i paret ki pou tro lontan nou’n *focus* lo kantite *rather than* lo kalite.

Mwan ki mon krwar nou devret fer, nou devret *focus* lo *yield*, lo reveni ki touris i anmennen. I pa pou fer nou okenn – pa pou anmenn nou lwen pou ranpli tou lotel, tou lans bizi, tou loto lwe, tou restoran plen si *at the end* napa reveni ki swiv.

Sa danze ozordi i la. Sa ki mon kapab dir Onorab se ki ler nou pe regard bann sif preliminer depi konmansman lannen ziska Oktob, i kler ki petet akoz sa diversifikasyon marse ki nou’n kit *L’Europe*, nou dan bann pei parey La Russie, *Middle East*, Izrael, i paret dapre bann sif preliminer ki depans par tet par touris, in ogmante, par omwen 1000Dolar environ. Sa i en bon keksoz. E sa direksyon ki nou bezwen ale.

Me pou mwan al la i annan en kantite lezot keksoz ki nou bezwen fer. Nou demande kwa ki pou fer nou fer nou konpetitif konpare avek menm pei dan sou rezyon.

Nou pou bezwen parey mon'n dir menm sanson, donn valer pou larzan. Mon pa pe dir mwan neseserman fer Sesel bon marse. Me fer li pey fre sa servis ki nou donnen, sa prodwi ki nou vann fer li pey fre.

Nou devret annan en seleksyon plis prodwi, plis aktivite pou touris depans lo la. Nou bezwen kontinyen fer ki Sesel i reste en pei *safe*. Ki en touris pa kapab konman i met son sak ater, dimoun i vini i vole. Sa i devret nou *selling point* kot Sesel i en destinasyon ki *safe*.

Alor i annan tousala. I annan standar nou bann akomodasyon. Nou bezwen kontinyen pou, e ki nou standar i a en pli o nivo posib. Tou an gardan kont kontinyen ankouraz Seselwa pou pran par dan sa lendistri.

E ofet ozordi statistik i montre nou annan bokou plis *guest house self-catering* ki gran lotel. Nou annan bokou plis lasanm dan *guest house self-catering* ki dan gran lotel. Me i pou bezwen annan en serten letan, nou pou bezwen dir be annou aret en kou, annou respire en kou.

Parski ki arive sa bann *guest house* e bann pti lotel, *guest house self-catering*, ki pe arive zot nivo, anfen kalite viziter ki zot pe gannyen, pri ki zot fer zot ofer i en pri pli ba ki ou pou gannyen dan lotel.

Donk an zeneral i vedir reveni ki antre i pou pli ba. Apre mon pa dir i le ka, me i en risk ki nou bezwen kontinyen *monitor*, asire ki nou *fight against*, se ki ou pa oule ki sa kalite touris ki vini, i vin en kalite bann touris bon marse. Sesel napa plas pou touris bon marse.

I en pti pei i annan zis en serten kantite viziter ki nou kapab resevwar. E nou bezwen ki dan sa bann viziter nou resevwar ganny *maximum*.

So vwala en pe mon vizyon stratezi ki mon krwar nou devret ale pou nou reste dan sa *game*. Mersi Mr Chair.

MR SPEAKER

Mersi Minis. Nou letan pe pase pe kit nou. Nou ava prosed vitman. Onorab Pillay.

HON SEBASTIEN PILLAY

Mersi Mr Chairman. Mr Chairman Departman Tourizm pe depans en kantite larzan dan sa bann *destination marketing*. E nou vwar bann konponan, bann *cost* ki ganny mete. E sa ti anba STB.

E sa bann larzan i posib pou ki STB i kapab depanse atraver *tax* ki sa bann pti letablisman i peye osi. Ki apre i permet Gouvernman anmas larzan pou kapab fer *marketing* pou sa bann pti letablisman osi kapab ganny detrwa touris. Pa zis bann gran lotel.

E mon vwar li en pe drol ou pe dir nou ozordi ki si en restoran i plen, pa vedir i pa pe fer larzan. Mon vwar sa en pe drol. Savedir ou le restoran annan zis 4, 5 dimoun ki sorti dan lotel;- par egzanz serten gran lotel e larestan bann pti etablisman ki bann dimoun in envestir ladan pa pou benefisye.

Mon krwar sa i en keksoz Gouvernman i bezwen analiz byen avan, i vin koz lo la dan Lasanble Nasyonal. Mon kestyon ki mwan mon annan se ki mannyer nou kapab ganny bann reasirans, ki depans ki ganny fer anba sa *destination marketing*, ki ti pe ganny odite avan avek STB, ler pou ganny odite avek Departman Tourizm nou pou kapab ganny detay lo ki bann depans egzakt ki sa pe arive otour sa?

Mon lot kestyon Mr Chairman ou'n dir nou pa tous lo STB so mon pa pou tous lo sa kestyon- lo STA *sorry*.

MR SPEAKER

Nou a pran kestyon lo STA.

HON SEBASTIEN PILLAY

Wi. Mon lot kestyon ki mwan mon annan se en pti pe lo zot bann *travel cost*. Ok. Mon vwar sa *bus* – mon vwar nou annan en kou pou bis, eski sa pou bann etidyan? Avan mon al pli lwen. 5milyon pou *bus*- sa pou etidyan so mon a kit sa lanmenm.

Me mon ti a kontan klarifye par egzanz ler mon regard zot bann *cost* sirtou an relasyon ek zot bann *expenses*, *office expenses*, elektrisite, nou realize ki Departman Tourizm pe depans en kantite larzan ladan. E annefe i plis ki avan.

E rentannefe ozordi i bokou plis ki deza ete dan ladministrasyon avan. So ou'n koz lo bann keksoz ki zot pou fer pou *reduce* sa *cost* dan *rent*, eski zot in mazin lo lezot opsyon? Lo lezot opsyon ki zot kapab fer, pou zot kapab sey redwir en pe bann kou ki annan dan *rent*?

Apre mon dernyen kestyon Mr Chairman, an relasyon avek sa *destination marketing*, konbyen ladan ti annan en kontribisyon ki sipoze sorti *from the trade*, eski sa i ankor annan sa laranzman ki

zot pe resevwar sa larzan sorti *from the trade*, pou ed zot avek *destination marketing*?

E si wi konbyen zot pe resewvar? E ki mannyer prezan nou pou asir *accountability* le ki sa prezan i anba en minister e non pa en *dedicated agency*? Kot ler pou fer lodit pou nou kapab ganny lenformasyon konkret. Mersi Mr Chairman.

MR SPEAKER

Mersi. Mon krwar kestyon lo *rent* Minis in adrese. Selman Minis si ou kapab pas vitman lo sa bann kestyon.

MINISTER SYLVESTRE RADEGONDE

Mersi Mr Chair. Mersi Onorab. Onorab in fer en komanter konsernan restoran ensidswit. Mon krwar ou'n mank mon pwen Onorab. Mon krwar ou'n manke. Mon pa pou le la ouver en polemik en deba lo la. Me zis pou mon dir ou ou'n manke.

I ti a bon petet ou retournen ekoute byen ki mon'n dir. Pou leres kestyon si avek ou permisyon Mr Chair mon a pas avek PS. Mersi.

MR SPEAKER

PS wi.

PS SHERIN FRANCIS

Mersi Mr Chair. Onorab mersi pou ou kestyon. Lo *destination marketing* mon a pran ou premye kestyon. Tou nou depans pou *marketing* i ganny fer atraver Trezor konmela. Mon mazinen oparavan nou ti annan en kont *Nouvobang* ki nou nepli annan.

E i annan prosedir ki ganny swiv pou tou sa bann peyman. Dokimantasyon ki bezwen ganny prezante pou tou peyman osi tou.

E lodit pou okenn dokiman ki zot bezwen i zis parey pou tou bann lodit ki'n pase. Nou annan rikord tou bann aktivite ki nou fer kou zistifikasyon pou sa bann aktivite osi si zot bezwen.

Lo kote sa bout ki ou'n demande lo kou – nou kou loperasyon ki *relate* avek nou *building*. Par egzanz si mon kapab pran en legzanz pou elektrisite ankor, nou kou i pa'n vreman ogmante li.

Sa logmantasyon ki ou vwar lo Bidze se akoz nou bann depans a premye lanmwatye lannen i pa reflekte dan Bidze 2021. *The Revised Budget* ki fer li *look as if* sa bann kou in ogmante.

Me selman par egzant serten sa ban kou i egzakteman parey nou ti pe peye pou lannen pase. Si sa i kestyion ki ou ti pe demande. Lo kote *trade contribution* nou Bidze 100poursan nou ganny avek Minister *appropriate from Government*.

E petet kekfwa lo kote kantite ki pe ganny kontribye atraver *Trade mon mazinen kekfwa ou pe demann nou tourism marketing tax*. Sa kekfwa mon ava les Finans reponn lo la. Mersi.

MR SPEAKER

Wi. Madanm Croisee ou a kapab azout en repons vitman silvouple.

COMPTROLLER GENERAL IRENE CROISEE

Mersi Mr Chair. Mersi Onorab pou ou kestyion. Pou *Tourism Marketing Tax* i vin dan *Consolidated Fund* e i ganny *spend from Consolidated Fund*. So ou pa pou vvar sa spesifik alokasyon to Departman otorizan. Be selman nou kapab donn *figure* ki kantite ki nou'n anmase anba sa *tax*.

MR SPEAKER

Bon mersi. Mon pou aret kestyion lo *Tourism* la. Nou a pran kestyion ki ti'n ganny demande lo *Seychelles Tourism Academy*. Madam Clerk ou ava azout Direkter Mr Max lo latab silvouple. (Mr Max ou a pran plas madanm...en pti moman nou a fer en pti sanitising) Yes Mr Max.

Wi kestyion ti'n ganny poze par Onorab Bistoquet. Onorab silvouple vitman *rephrase* ou kestyion pou Mr Max.

HON ROSIE BISTOQUET

Mersi Mr Speaker. Mon ti demann kestyion lo lankourazman pou *join lakademi*. Eski zot pran *free service* avek *mature students*? Apre ki zot *success rate maximum recruitment per cohort per year*? Apre konbyen *allowance* sak etidyan i gannyen? Mersi.

MR SPEAKER

Mersi. Mr Max ou a donn en pti leksplikasyon.

DIRECTOR STA TERRENCE MAX

Mersi Onorab. Bonzour Mr Chair. Bonzour bann Manm Onorab. Pou reponn ou kestyion an premye, konsernan seleksyon parey nou okouran seleksyon i ganny fer atraver Minister Ledikasyon. Kot i

annan serten kriter. E priyorte normalman i donn pou bann manrmay ki'n konplet S5.

Me par kont STA osi tou nou annan en Polisi an plas, kot base lo lakantite manrmay ki nou gannyen normalman nou met akote osi en total 4 a 5 kot nou pran bann matir *students*.

Setadir bann dimoun ki deza pe travay oubyen ki ti'n fini lekol oparavan. Me selman *moving forward* la ki nou pe konman annan en pti pe plis liberte lo ki mannyer nou fer nou bann seleksyon, nou anvizaze pou re gete. Petet nou kapab *increase*.

Me osi nou fer provizyon anba nou *in service programs* kot nou ofer bann kour pou bann dimoun *mature across all walks of society*, ki zot kapab zwenn, kontinyen devlop zot kot zot a kapab *upskill* e evantyelman ganny en *job* dan lendistri.

Dezyenmman STA pou le moman – lannen passe nou'n pran nou en total 238 etidyan. E nou pe baz byensir nou ti pe anvizaze pran en pti pe plis.

An prenon kont ki nou ti pou'n fini avek sa faz 2 kot ti pou annan plis fasilite. Kot nou ti pou kapab *increase* pli kantite *training*. Me malerezman parey nou konnen sa faz 2 in ganny *shelved for the moment*. Me vwala sa lannen nou pe anvizaze pran apepre 238 etidyan.

Konsernan *allowance* nou annan de diferan. Nou annan pou bann manrmay ki *full time*. Zot, zot ganny R850 premye lannen. E dezyenm lannen zot ganny 950. Tandis ki lot – anba *course apprenticeship mode* manrmay i ganny 850 ler zot antre.

Me *the fact* ki zot pas bokou zot letan dan lendistri kot zot fer 4 zour lendistri, en zour lekol apre zot ganny en zour off. *I mean* 2 zour lekol en zour off. Ler zot antre dan lendistri sorti 850 zot ganny zot R300mil par mwan. So sa en pti pe.

Retention rate over the last 3 years or so, nou ti zwenn an 2020 nou target ti 70poursan. E parey zot konnen nou ti annan en bon pe difikilte avek *COVID* ki'n *disrupt* en pe nou bann laklas, nou bann kour ki'n bezwen prolonge.

Me nou ti *meet* nou target 2020. E 2021 parey mon pe dir nou'n arriv selman 71poursan olye 73poursan. Me parey Minister in dir an se moman nou pe angaz nou dan diferan restriktirasyon nou programm STA.

E sa i pe ed nou la ki nou'n osi lans sa lide pou etabli en *Industry Advisory Committee*. Ki mon ti fer en *forum last week* ek tou bann *general managers* dan lotel, tou bann *HR*.

Kot zot pou dan sak programm *STA* nou pou annan en *Advisory Committee*, ki pou *consist of* premyerman sa *head of department STA*. Me sa lot 7 zot pou bann spesyalis, bann profesyonnel sorti dan Lendistri.

E zot, zot pou ede premyerman pou revizit nou bann programm. Get nou bann programm, etabli bann relevans, bann keksoz ki zot vvar nou merit re mete.

Akoz se sa ki lotel pe demande. Nou a re vvar, re aranz nou programm ki lotel i satisfe avek sa kalite programm ki nou pe fer *STA*.

An mansyonn sa osi tou nou annan en *Advisory Committee* pou *HR*. Menm parey kot bann profesyonnel *HR* dan Lendistri zot pou travay avek nou *Registrar*, pou fer sir ki nou kapab *capture* bann manrmay, menm apre ki zot in *graduate STA*, *at least monthly* fodre nou annan en statistik pou vvar ki kantite zot i ankor dan lendistri.

Akoz pou nou *STA* e mwan mon fortman krwar nou sikse i baze lo *retention rate*. E en *retention rate* i pa zis ler en manrmay i *STA* apre zot *graduate*.

Me *it has to go beyond that*. E se sa mon pe dir *for the next 3 years* apre ki zot in *graduate* kot zot ete dan lendistri, nou bezwen fer sir nou travay avek bann *HR*. Pou tou le mwan nou konnen egzakteman.

Nou annan *online* ki nou'n kree me manrmay ennler zot pa tro antre lo la. Be pou nou vvar kote sa bann manrmay i ale *at least 3an* apre ki zot in *graduate STA*. Se sa enn bann louvraz ki nou pe fer. Mersi.

MR SPEAKER

Mersi Mr Max. Nou'n reponn kestyon lo Bidze. Mon krwar i satisfezan. Mon a pran dernyen kestyon. E sa se pou Onorab Vidot avan nou kapab *move on*. Onorab.

HON AUDREY VIDOT

Mersi Mr Chair. Bonzour Mr Chair. Bonzour tou Manm Onorab e tou dimoun ki a lekout. Bonzour spesyal zabitant Roche Caiman.

Minis pli boner dan ou repons lo size loportinite *recruitment* pou petet lo nivo *management* kot *STA*, petet avek ou bann reprezantan,

eski i annan loportinite osi dan sa Bidze, ki petet bann travayer ki deza la ki annan sans petet an term annan serten promosyon, *as en lankourazman dan zot travay ki zot pe fer avek bann etidyan?* Si sa osi i annan dan sa Bidze?

E dezyenmman nou konnen avek sityasyon *COVID*, eski tou bann *training* avek sa Bidze ki la i pou fer lokalman? Eski i annan ki annan loportinite ki annan etidyan pou al avanse petet zot pou bezwen al lo *training overseas*? Mersi.

MR SPEAKER

Mersi. Minis repons.

MINISTER SYLVESTRE RADEGONDE

Mersi Chair. Mon a demann Direkter STA silvouple pou pran sa kestyon. Mersi.

MR SPEAKER

Wi Mr Max. Annou reponn kestyon. Reponn li an referans avek Bidze silvouple. Annou pa al tro long. Mersi.

DIRECTOR STA TERRENCE MAX

Konsernan bann etidyan pou zot kontinyen zot letid, parey ou konnen nou annan en programm *ADHM* ki an se moman manrmay apre 3an STA zot al *Irlande*. Me sa i ganny fer anba Bidze *NHRD*. STA nou *groom* zot pou 3an anba nou Bidze. Me apre zot al *Irlande* anba *Budget ANHRD*. Mersi.

MR SPEAKER

Mersi. Wi ki pwen Onorab Vidot? Dir nou.

HON AUDREY VIDOT

Minis in dir li konsernan loportinite pou bann *staff* ki deza la, apard ki nouvo *recruitment* e si zot pe konsider promosyon pou bann ki deza dan- sitan lannen leksperyans.

MR SPEAKER

Mersi Onorab. Mr Max wi.

DIRECTOR STA TERRENCE MAX

Mersi Onorab. Wi definitivman depi ler mon'n retournen nou'n fini met an plas en sistem *appraisal*. Kot nou pe fer *midyear appraisal*. Nou'n deza konmans enn. Nou pe kontinyen Desanm pou nou vwar kote i annan *professional development* pou nou bann *staff*, ki zot kontinyen ganny devlope la.

Par egzanz mon kapab dir nou annan aepre 99poursan nou bann *staff*, i annan 5 la dernyen ki deza *SITE* apre Liniversite Sesel kot zot pe fer zot *Master's Degree*.

So i tou en legzersis kontinyel kot nou pou vwar kot i annan loportinite pou zot ganny promosyon nou *groom* zot. E baze lo zot *appraisal* zot performans nou fer provizyon pou sa.

MR SPEAKER

Mersi. Onorab Pillay mon ti a kontan terminen lo la.

HON SEBASTIEN PILLAY

Mon ti'n sinyale ki mon annan kestyon pou *STA* ler i vini, e ou ti'n donn mwan permisyon pou demann mon kestyon lo *STA*.

MR SPEAKER

Onorab Pillay nou ti'n dakor ki nou pou termin sesyon ler in ariv-

HON SEBASTIEN PILLAY

Ou ti'n dir mwan. Ou ki'n dir mwan. Ou'n dir espere! Mon pa'n demann kestyon lo *STA* ler mon'n demann mon kestyon-

MR SPEAKER

Onorab Pillay poz ou kestyon silvouple.

HON SEBASTIEN PILLAY

Mersi bokou Mr Chairman.

MR SPEAKER

Lo Bidze.

HON SEBASTIEN PILLAY

I lo Bidze mon kestyon. I annan 6milyon R226mil pou *allowance* pou *students*. E ou'n dir poudir i R850. Ou annan etidyan ki pe travay avek *Coast Guard* pou le moman dan *placement*. E mon pa konnen

si eski STA i resevwar en peyman *from Coast Guard* pou sa servis ki zot pe *provide*? Sa i mon premye kestyon.

Prezan mon dezyenm kestyon, an relasyon ek sa 6milyon given ki ler bann etidyan STA i *move* en lannen zot bann *requirements* e sirtou bann depans ki zot fer i paret i ogmante.

Sirtou bann ki dan lakwizin. Akoz zot bezwen al rod bann lekipman ase signifikan. Eski zot annan plan pou ogmant *allowance* pou sa bann etidyan? E pou bann etidyan sirtou bann an relasyon avek *Coast Guard*, eski i annan plan pou travay ki zot pe fer?

Akoz baze lo sa ki mwan mon'n gannyen *from* bann paran, sa bann manrmay pe travay *even* zot dan en *placement* akoz i parey en travay akoz i *very demanding*.

E eski zot pe konsidere pou vvar bann kondisyon ki bann etidyan pe travay anba la, pou le moman avek *Coast Guard* an relasyon avek *allowance* ki zot pe gannyen?

MR SPEAKER

Permet Mr Max reponn wi.

DIRECTOR STA TERENCE MAX

Mersi Onorab. Konsernan *allowance*, mon pa konnen si zot okouran me *bursary* i ganny donnen par *ASP* parey tou bann lezot possegonder. So nou, nou – *basically* la nou ki pe zer akoz lannen pase se *ASP* sa bann *allowance*.

Alor nou zis nou ganny sa Bidze e nou ganny dir *across the board*, vwala larzan ki annan pou etidyan. E nou zis nou *disburse* bann etidyan ;- lo kote *bursary*.

Si mon pou *move* lo kote *Coast Guard* nou, nou prefere apel li STA Annex akoz i en fasilité ki anba *umbrella STA*. Nou'n ganny sa fasilité en fasilité ki modern, ki fantastik. E nou, nou priyorite parey nou dir se *training and development of students*. Sa nou manda.

E i annan en programm byen striktire STA Annex ki mon kapab petet apre partaz avek zot pli tar. Me i ganny byen striktire. I enn bann staz kot manrmay lakwizin i pas ladan *as part of their training program*.

So zot konmans STA, zot al *Coast Guard* apre la zot mont en pep li o. Zot al *perfection* en pti pe zot *skill*. Apre la zot al dan lotel pou 6mwan koumsa. Me konsern- pardon?

An se moman *it is part of their training program* ki nou annan STA. Wi i annan *average baze of course* nou bezwen tir nou bann *costing*. Nou pe koz nou apepre en R600mil.

Me selman ler ou get tou sa bann *costing* ki annan, nou lenportans se ki etidyan i ganny sa staz devlopman.

Wi zot travay parey dan lotel, me selman i annan en *training plan* an plas kot zot konnen egzakteman ki zot pe fer. E sa mon kapab partaz ek zot pli tar osi an detay. Mersi.

MR SPEAKER

Mersi Mr Max. Avek sa mon a remersye delegasyon *Tourism* e STA pou zot partisipasyon. Mon a swet zot bonn zournen e bonn kontinyasyon. Nou a pran en pti poz teknik pou nou *sanitise* avan nou apel lot delegasyon.

(technical break)

DEPARTMENT OF FOREIGN AFFAIRS

MR SPEAKER

Bon mon swet labyenveni, mon dir bonzour Anbasader Vivienne Fock Tave PS pou *Foreign Affairs*, e Mrs Bessy Banane *Financial Comptroller* e osi Ms Pamela Payet Direkter *General Human Resources Budget Management* e Administrasyon. Nou pou pran Bidze *Department of Foreign Affairs* lo Paz 421 ziska 428. Minis ou a fer lentrodiksyon silvouple.

MINISTER SYLVESTRE RADEGONDE

Mersi Mr Chair. Mr Chair, Manm Onorab. Departman Zafer Etranzer i responsab pou;

Enplimant Polisi etranzer Sesel.

Avans lentere pei atraver relasyon bilateral e miltilateral.

Devlop korperasyon enternasyonal e rezyonal. E osi

Mobiliz lasistans pou devlopman nou pei. Departman i desarz son manda e enplimant son Polisi avek an tou 100 travayer.

Sa i konpri 18 travayer ki baze isi *Maison Queau De Quincy*. E 12 ki baze aletranze dan nou 9 Lanbasad. Dan sa 88 ki isi *headquarters* 42 i dan kad diplomatik. Setadir zot bann Diplomat. E larestan i bann *support staff*.

Staff Seselwa dan Lanbasad aletranze enkli nou Anbasader i reprezent 12poursan nou lefektif. An sa ki konsern Bidze Zafer Etranzer pou 2022, nou'n ganny allocate R94.61milyon.

E sa i en rediksyon R690mil konpare avek Bidze 2021 ki ti 95.25milyon. sa Bidze i konpran 3 programm ;

Programm 1 ki konsernan gouvernans, zesyon e ladministrasyon. E ki efektivman deservi Sekretarya Minis, Sekretarya Sekreter Prensipal e ladministrasyon. I annan en lokasyon pou sa programm R20.28milyon.

Programm 2 i pli gro parti nou Bidze e i konsern relasyon enternasyonal. Ki enkli 9 Lanbasad e 3 divizyon teknik kot *Headquarters*.

Sa se Divizyon Zafer Bilateral. Divizyon Zafer Miltilateral, e Divizyon Zafer Rezyonnal. Zot annan an total en alokasyon R63.86milyon.

Programm 3 pou en Bidze 10.46milyon in ganny bidzete pou Divizyon Zafer Protokol, Konsiler e *diaspora*. Mr Chair mon oule fer resorti ki ler Departman Zafer Etranzer ti soumet son Bidze ek Departman Finans, son soumisyon ti tonm dan *ceiling* ki Finans ti'n donn nou.

Nou 9 misyon diplomatik aletranze i annan en Bidze R52.66milyon an total ekivalan environ 4milyon Dolar Ameriken, ki fer ki sa 9 Lanbasad i pran 55 poursan nou Bidze pou sa Departman.

Zis pou fer rapel sa 9 Lanbasad Sesel aletranze, i konm swivan;- *Abu Dhabi, Addis Ababa, Beijing, Brussel, Londres, New York, Paris, Pretoria* ek *New Delhi*.

An mwayenn sak misyon diplomatik setadir sakenn sa bann Lanbasad i ganny environ R1.9milyon. Mon oule fer resorti osi ki nou bann misyon diplomatik i annan i pa zis okip pei kot zot baze, me zot annan lezot pei ki osi zot kouver.

Mr Chairman an sa ki konsern - i bon note ki an 2021 Departman Zafer Etranzer in pran serten mezir pou redwir son kou loperasyon. 2 nou Lanbasad *Londres* ek *New Delhi* nou'n demann zot pou bouze e al rod lokasyon pli bon marse e sa legzersis in konplete. E sa in anmenn en rediksyon pou sa lannen ant 31 e 32, e 33poursan an term peyman lokasyon.

Nou revwar osi Polisi servis *VIP Lounge* kot *Airport Enternasyonal*. Nou'n pli strik, nou'n redwir akse; nou'n redwir kalite dimoun e kantite dimoun ki annan akse e in anmenn en

rediksyon R1.9milyon pour sa lannen. E sa bann legzersis pou kontinyen pou sa novo lannen ki pe vini. Mon remersye ou Mr Chair.

MR SPEAKER

Mersi Minis. Nou a pran kestyon bann Manm e Onorab Aglae i a komanse.

HON EGBERT AGLAE

Mersi Mr Speaker. Ankor enn fwa *welcome* delegasyon *Foreign Affairs*. Premyerman mon ti a kontan en lesplikasyon Minis. An vi ki ou'n tous en pti gin lobligasyon *Foreign Affairs*. Sirtou pei.

Kot i konsern nou bann *international subscription* ki Sesel i annan avek bann lezot pei, ouswa bann lezot *partners*. An vi ki mon konnen osi ti annan serten travay ki ti pe ganny fer pou revwar en pti pe fezabilite serten sa bann *international subscription*.

Petet si ou ti kapab donn nou en pti kontrandi lo la? Akoz i *involve* bann *fees* ki nou bezwen peye. Ki direksyon *Foreign Affairs* pe ale avek sa?

Dezyenm, anba *Ministerial Secretariat*, ti annan sa vot *security and enforcement* ki ozordi ti environ 300 mil. Ki la mon war napa. Si ou ti kapab donn lesplikasyon petet, ki rezon det ki napa ? Mersi.

MR SPEAKER

Mersi Onorab. Minis.

MINISTER SYLVESTRE RADEGONDE

Mersi Mr Chair. Mersi Onorab pou ou kestyon. An sa ki konsern souskripsyon, *subscription* ki nou fer lo bann lorganizasyon enternasyonal, sa i en gro Bidze.

Sesel i manm 100 ekek, 140 ekek diferan lorganizasyon enternasyonal. E avek sa i annan en gro Bidze. E mon pa konnen si mon'n deza dir isi, ou petet dan en lot landrwa ki mon'n dir dan en lot *forum*.

Kot i annan en kantite letan nou war ki sa bann, serten sa bann lorganizasyon enternasyonal ki Sesel i manm ladan, i *duplicate*. I annan *overlap* responsabilite. E petet pa neseser ki nou manm dan tou.

Sa legzersis in kommanse. Ti annan en legzersis ki ti'n ganny fer ant Minister Zafer Etranzer avek Finans. E nou'n fer en premye soumisyon avek *Cabinet* detrwa mwan pase.

Cabinet in demann nou pou retournen, re al aprofondi sa travay ki nou'n fer. So sa i ankour. Nou espere retourn *Cabinet* boner lannen prosenn avek en *proposal*. Ki mannyer nou pou, anfen parti sa *proposal* se sorti dan serten sa bann lorganizasyon, ki pa vital pou nou lentere nasyonal.

An sa ki konsern *security enforcement* dan Bidze dan Sekretarya Minis, mon ava pas avek *PS* pou reponn.

PS FOREIGN AFFAIRS DEPARTMENT VIVIENNE FOCK TAVE

Bonzour Mr Speaker. Tou Onorab. E tou dimoun a lekout. Konsernan kestyon Onorab. Sa Bidze ki ti annan oparavan dan *security and Law enforcement*. Sa in ganny tire e in *move* dan *housing*.

Parey nou konnen i annan en Polisi la ki si nou bann Minis... Bann Minis zot annan, zot annan drwa annan en sekirite kot zot apartman, kot zot lakaz. Me si zot pa pe servi sa sekirite, zot kapab servi li pou *housing* kot i deza annan en sekirite ki an sekirite.

Alors nou'n *move* sa anba *housing*. Mersi.

MR SPEAKER

Mersi PS. Onorab Esparon.

HON REGINA ESPARON

Mersi Mr Speaker. Bonzour Minis ek ou delegasyon. Mr Chairman, mon ti ava kontan si Minis ti kapab eksplik nou, letan mon pe regard dan detay, mon war bann *utilities* pou Lanbasad Meriken in ogmante.

Lo kote *internet*, elektrisite, e osi telefon. Konmsi son sonm alokasyon in ogmante.

Epi par kont an zeneral, mon vvar i ankor annan zafer zot pe servi *fax machine*. Lanmerik i ankor pe servi. Bruxelles pe servi. Lasin pe servi. E Lasin i osi demann en logmantasyon pou li *Maintain* son *fax machine*.

Mon ti pe panse avek modernizasyon dan teknolozi komunikasyon, petet *fax machine* pa ti devret en keksoz ki pe servi, me nou pe bouz ver lezot mwayen komunikasyon.

E nou kapab *do away* avek sa bann zafer *fax machine*. Parske *all along* mon pe regarde i annakor annan *still* annan bann Lanbasad ki ankor annan sa.

E dezyenmman anba *non-financial assets* mon vwar pou *renovation of carport* i annan en sonm 2milyon 6mil ki'n ganny mete, mon ti a kontan en pti leksplikasyon lo la silvouple? Mersi.

MR SPEAKER

Mersi Onorab. Minis.

MINISTER SYLVESTRE RADEGONDE

Mr Chair, avek ou permisyon mon a pa laparol avek PS.

MR SPEAKER

PS. Wi. Please.

PS FOREIGN AFFAIRS DEPARTMENT VIVIENNE FOCK TAVE

Bonzour Onorab. Pour kestyon bann Lanbasad, wi nou'n konsider bann fakter lenflasyon pou *smooth*. Apre osi i annan par egzant sa novo Anbasader ki'n ale, mon pe koz an gro akoz son Bidze in *increase* en pe. Sa Anbasader ki'n, *yeah* Anbasader Madeleine ki'n ranplas Anbasader Jumeau. I annan osi 2 zanfan e i annan en spouse, tousala in fer en pe ki sa kou Lanbasad in monte.

Konsernan *fax machine*, wi i vre ki par egzant si mon pran dan ka *Headquarters* nou ti'n remarke ki i annan en ta *fax machine* ki nou'n tire. E la osi nou pou ankouraze ki nou bann lanbasad i pa servi *fax machine* ki dan sa letan modern nou annan *email*.

Selman mon konnen ki *La Chine* i ankor pe servi *fax machine*. Akoz par ler lotorite i demann ou, Lotorite Sinwan i demande ki ou anvoy sa par *fax and not by email*. Sa i enn.

Apre konsernan *carport*, nou *carport* konmela i zis, i pa vreman parey nou konsider en *proper carport*. I zis i kouver avek bann pilye e in arive ki nou *carport* an aditan letan in andomaze. Savedir ater i annan bann gran trou, i annan en miray, ki sa miray in detase avek son fondasyon.

E enzenyer in vin gete in dir si nou pa repar sa *carport*, si nou pa fer li an antye i pou degrengole. I pou- e nou tou nou bann *VIP cars* osi si en zour sa i arive i pou ganny andomaze. E la nou'n fer en *case* avek Minister Finans e in donn nou larzan pou lannen prosenn

pou nou refer sa *carport*. Ki i pa pou en *carport* ki pou frenmen, i zis pou nou kapab refer li ranfors fondasyon en pe pli byen.

Sa kotasyon nou ti gannyen par enzenyer kot *Ministry of Lands and Housing*.

MR SPEAKER

Mersi PS. Onorab Pillay.

HON SEBASTIEN PILLAY

Mersi Mr Chairman. Mr Chairman, mon premye kestyon i al an relasyon avek bann depans anba *Central Administration*.

Mon vwar ki enn bann konponan depans se bann *office expenses*. Sa ki mon ti a kontan klarifye se anba *office expenses* mon vwar sa *code elektriske* ek delo ki enn i 977mil enn i 648mil e apre *internet* i 1.145milyon. Eski PS i kapab donn nou en pti pe detay lo akoz ki sa bann kou i parey zot ete? Sa mon premye kestyon.

Mon dezyenm kestyon i an relasyon avek sa zafer *VIP services*. Mon prezimen sa i bann servis ki nou donn bann *foreign dignitaries* ki pe vizit Sesele. Mon vwar en rediksyon 1.1milyon, eski nou kapab ganny en klarifikasiyon akoz sa rediksyon?

Eski i annan lezot fason ki pou bann *VIP services* pou ganny *provided*? Oubyen eski nou pa pe prewwar ki pou annan vizit bann *VIP Sesel for the next*, pou sa lannen ki pe vini?

Mon annan en lot pwen ki mon ti a kontan klarifye sa se an relasyon avek *International Relations*. An se ki konsern depans ki bann Lanbasad, e i mon krwar i annan en kestyon ki'n ganny *raise regarding* sa. Nou pe depans nou, anba programm 2, e parey Minis in dir pres, *almost* pli gro porsyon Bidze i al laba, R63milyon.

E mon ti ava kontan avek ou permisyon Chairman. PS in dir nou ki bann prosedir kontrol ki annan an relasyon avek bann depans ki pe ganny fer avek bann Lanbasad ozordi.

E pou asire ki bann lanbasad dan bann pei parey Lanmerik kot i annan bann kou eleve. Nou bann Anbasader oubyen bann dimoun ki pe reprezentant nou pei, i posib pou zot viv dan en fason. *Well*. Dan en fason ki *defeat* sa stati. *But at the same time* ki osi zot pe fer lekonomi avek bann depans ki zot pe fer.

E mon dernyen pwen i pou Minister Finans. Mon pa konnen si ou pou permet sa kestyon, me selman mon pou sey demann li, si par

egzant demen Lasanble Nasyonal i le sanz enn son *Code*, an se ki konsern depans ?

Meton par egzant Lasanble Nasyonal i deside sanz son *Code* an se ki konsern en depans, mon pa konnen ki i pe fer. E i dir *ok*, i le met sa depans par egzant pou ki bann Manm i ganny *provided* avek en servis kelkonk.

Eski Minister Finans pou tonm dakor avek sa sanzman, en re klasifikasyon dan *Code*. Parey in tonm dakor en sanzman re klasifikasyon depans pou bann Minis kot nou'n vwar sekirite in al dan *housing*?

Avek ou, ou kapab permet sa kestyon oubyen pa permet sa kestyon Mr Chair.

MR SPEAKER

Mon ti ava prefere nou dil avek bann kestyon *Foreign Affairs*. Petet i ava annan en lokazyon pou Minister Finans adres sa pwen lo re klasifikasyon.

Minis ou pare pou sa bann pwen?

MINISTER SYLVESTRE RADEGONDE

Mr Chair Mersi. Mersi Onorab pou ou kestyon. Mon ava pran kestyon limero 2, konsernan *VIP Lounge* e bann servis *VIP*.

Pou mwan dir ki okenn *saving* ki nou'n fer sa lannen, e ki nou pe al fer, anfen *saving*. Rediksyon kou, ki nou'n fer sa lannen e nou pou fer lannen prosenn. I baze lo bann mezir ki nou'n met an plas pou nou ser, restrikte *access* avek *VIP*.

Lasal *VIP* i kout nou - *Air Seychelles* i sarz nou \$45 pou sak dimoun ki pas dan *VIP*. Dan lepase in annan *a mon avis* en kantite labi.

Mon krwar sa sif 9 ekek milyon in ganny nonmen. Bann depans akimile *over* plizyer lannen ki, i pa neseserman lafot *Air Seychelles*. I osi en pe lafot *Foreign Affairs*. Ki sa pe ganny rekonsilye pou nou kapab arriv lo en sif total. E tonm en laranzman ki mannyer nou pou peye.

Donk an rezulta listwar, nou'n fer sir ki *going forward* kategori dimoun ki annan akse dan *VIP*. Rezon pou lekel zot al dan *VIP*. Kantite dimoun ki akonpanny zot dan *VIP* i limite.

E se sa ki fer ki i pou kout nou bokou pli bonmarse. Sa pa pou afekte bann kourtwazi normal ki nou ofer nou bann viziter etranze. Mersi Mr Chair.

MR SPEAKER

Lo lezot pwen *PS* ki pou adrese? Silvouple *PS*.

PS FOREIGN AFFAIRS DEPARTMENT VIVIENNE FOCK TAVE

Mersi Mr Speaker. Mersi Onorab *Leader of the Opposition* pou kestyon. Konsernan *office expenses*. Ankor pou delo avek elektrisite. Nou'n pran kont ladan *factor inflation*.

Pou kestyon delo, i vre ki kou i en pe o. La nou annan bann *pipes*. *Water pipes* ki vye. Ki tou lazournen i pe kase. E sa i fer nou kou monte.

E nou pe mazinen pou lannen prosenn pou nou sanze. Sanz sa bann *pipes*. I pou remarke i pa dan *CAPEX*. Me solman nou pe mazinen pou sanz sa avek lezot fon ki nou annan.

Konsernan depans bann Lanbasad. Ki fason ki nou met, gard kontrol, *monitor* zot *expenses*. Tou Lanbasad i bezwen tou le mwan *submit* zot *accounts*. Zot *submit* sa *electronically latest* le 5 Novanm. Sorry, le 5 sa mwan apre.

Par egzanp si pou Oktob fodre le 5 Novanm zot in fini anvoy nou *electronically* zot *cashbook*. E la i detay zot depans avek zot *bank statement* tou.

E apre 2 semenn apre *by* le 19, le 20, zot bezwen anvoy nou zot *supporting documents*. Si zot pa anvoy nou zot *cashbook*, zot *accounts*, la zot pa pou ganny larzan si *by*, nou'n anvoy larzan pou zot, zot *remittance* tou le *quarter*.

Si zot pa anvoy nou, si zot an retar. Zot pa pou ganny larzan. E osi nou annan bann *meeting* avek nou bann lanbasad kot si i annan okenn *irregularities*. *Financial Controller* i *flag* mwan, i *flag* Minis. E la nou fer sorti osi dan nou *meeting* avek zot. Mersi.

MR SPEAKER

Eski ti annan en pwen lo sekirite pou viziter oubyen en keksoz koumsa? Ou le repet sa kestyon silvouple vitman Onorab Pillay.

HON SEBASTIEN PILLAY

Wi, mersi Mr Chairman. Mr Chairman mwan mon ti le, mon krwar.

Mon krwar Minis in reponn mon from perspektiv *VIP Lounge*. Mon ti le konpran si sa *services from VIP* i include zis *VIP Lounge*, oubyen i enkli servis ki *Foreign Affairs* i donn bann *foreign dignitaries* ki vin Sesel?

Si pa zot ki kouver sa bann servis? Mon pa konnen, en lot lenstitisyon. Mon ti ava kontan klarifye.

Apre Mr Chairman. Zis en pti pwen ki mon ti ava kontan klarifye avek PS. Me si ou annan sa problemm kot delo i sitan ser, e ou annan problemm *piping*.

I en keksoz ki *urgent* ki bezwen ganny dil avek la. Pa *late* lannen prosenn. Petet, eski ou kapab klarifye ki mezir ou'n pran pou apros Gouvernman oubyen antite ki kapab fer sa travay?

Pou antre e dil avek sa sityasyon. Si ou pe ganny en problemm kot ou kou i sitan eleve. Nou pe koz pres R600 mil la, regarding sa sityasyon delo. Mersi Mr Chairman.

MR SPEAKER

Mersi. Minis ou le annan en pwen pou adrese. E PS i ava kapab kontinyen.

MINISTER SYLVESTRE RADEGONDE

Mersi Mr Chair. Mon ava reponn konsernan *VIP*. Sekirite, si i konsern sekirite. Sa i ganny pran sarz par Lotorite konsernen, Lapolis ensidswit. Mersi Mr Chair.

MR SPEAKER

Mersi. PS lo tiyo.

PS FOREIGN AFFAIRS DEPARTMENT VIVIENNE FOCK TAVE

Mersi Mr Speaker. Nou ti annan en *ceiling* pou nou Bidze. E alors nou ti remarke si nou ti met ranplasman sa bann *pipes*, nou Bidze ti pou monte. E nou ti realize osi ki nou ti bezwen nou *carport* bokou plis.

Nou ti bezwen met sa kou pou nou *carport*. E parey mon'n dir nou'n fer dimoun vin gete. E nou pou ranplas sa bann *pipes* avek fon alternativ ki nou annan.

MR SPEAKER

Mersi. Mersi PS. Mon ava pran dernyen kestyon sorti kot Onorab Cosgrow.

HON WALLACE COSGROW

Mersi Mr Chair. Minis ou'n dir taler ki Bidze *Foreign Affairs* i R94 milyon ekek. E ladan aepre 56milyon i pou bann Konsil pou bann *consular affairs*, si mon pa tronpe.

En kestyon ki mon annan se, ler mon pe get par egzanp Lanbasad Paris avek Langeter. An se moman zot napa en *Head of Mission*. Me solman mon war Bidze i ankor preski dir parey.

So nou annan en *staff less*. Me solman Bidze i ankor preski dir parey. Eski in annan bann logmantasyon dan sa bann, dan sa 2 Landrwa spesifik?

E osi kan zot deside met en novo *Head of Mission* dan sa 2 landrwa?

Apre en pti pe lo Letyopi. Nou konnen i annan serten keksoz ki pe arive dan sa pei. E nou annan en Lanbasad laba. So ki bann demars ki zot pe fer lo zot kote par egzanp pou asir *safety* nou bann Seselwa ki laba? E petet si i annan nesesite pou rapatriye a en serten moman.

Dernyen kestyon Mr Speaker, eski, mon war sa *security enforcement* in bouze. Sa 300 mil in ganny met dan *housing* parey PS in dir, eski the *entire Budget* pou ganny servi pou *housing*? Ouswa i *much less than that*? E ki mannyer Minis pou ganny sekirite? Eski sa landrwa kot i pe reste i en *secure area*? Mersi bokou.

MR SPEAKER

Mersi. Minis.

MINISTER SYLVESTRE RADEGONDE

Ok. Mersi Mr Chair. Mon ava reponn kestyon konsernan kou Lanbasad. Sa bann Lanbasad parey ou trouve, sa 9 Lanbasad i pran plis ki lanmwatye Bidze.

I montre ki sa bann Lanbasad i kout nou ser pou mentenir en Lanbasad. E menm ler nou'n ferm sa 3 reprezantasyon lannen pase. Nou trouve ki, anfen nou'n fer en pe *saving*. Me kantmenm sa ler ou regarde *going forward*, i en kantite.

Nou pe sey regarde ki mannyer nou kapab redwir *cost*. *Cost* ki nou pe fer. Mezir, desizyon ki nou'n pran. Se ki limit bann *personal* dan bann lanbasad *minimum*.

So dan lamazorite Lanbasad, mazorite dan sa 9 lanbasad i pou annan zis Lanbasader. Apre i ava annan en sekreter ki osi *double up* konman *office manager* ensidswit i okip *accounts*, apre drayver. So nou Lanbasad an zeneral *average* pou annan trwa dimoun.

Wi *Paris* avek *Londres* ou'n nonm sa de me tou lezot an zeneral kou lavi i koumsa. *Paris* propriete i pou nou. Me i en vye *building* ki ou bezwen mentenir.

Ou bezwen fer reparasyon tanzantan. I annan bann *bill* ou bezwen peye. Ler i ariv liver ou bezwen sofe. En gran *building* 4,5 letaz. So kou i koumsa.

Si ti pou annan Lanbasader *Paris* par egzanp i pou vedir ti pou annan en kou an plis ki sa. Ou repons si nou pou evantyelman nonm en dimoun dan Lanbasad, nonm en Anbasader, wi. I nou plan.

Nou pe fer li pti gin par pti gin. Regard priyorite kot i ete. E larzan ki nou annan pou fer li. E *en temps voulu* nou a fer sa nominasyon.

An sa ki konsern *Ethopie* nou okouran sityasyon sekirite ki annan. Nou an kontak avek nou *staff* lo en baz regilye pou demann zot ki mannyer zot, zot santi. Parski en kantite lezot Lazans ki baze *L'Ethopie* in konmans evakye zot *staff*. Ofet mon'n re demann sa kestyon yer ou avantyer. Nou *staff* i paret zot konfortab pou le moman. Zot pa vwar nesesite pou zot evakye.

I annan serten sekirite ki an plis ki nou'n mete pou protez Lanbasad e landrwa kot zot pe reste. Me plis ki sa napa en nesesite pou konmela.

An sa ki konsern sa zafer akomodasyon avek sekirite mon a les avek *PS*. Mersi.

MR SPEAKER

Wi *PS* ou a adres sa dernyen pwen.

PS FOREIGN AFFAIRS DEPARTMENT VIVIENNE FOCK TAVE

Mersi Mr Speaker. Mon krwar Onorab ou ti'n demande si -

HON WALLACE COSGROW

Si *the entire sum* pe ganny *allocate* dan *housing* akoz ti 300mil li lannen pase. Prezan si sanmenm sa 300mil ki'n ganny *allocate* dan *housing* e si tou pe ganny servi dan *housing*? E sekirite si i annan okenn lezot provizyon sekirite? Mersi.

MR SPEAKER

Mersi Onorab. PS.

PS FOREIGN AFFAIRS DEPARTMENT VIVIENNE FOCK TAVE

Wi mersi Mr Speaker, Mr Onorab. Wi nou'n bidzete parey Polisi la i 5mil par mwan pou *housing* - 25mil *sorry*. 25mil par mwan pou *housing* pou Minis. E wi kot Minis i reste i annan en sekirite kot i reste ki i pou sa *compound*.

MR SPEAKER

Thank you PS. Nou a prezan pran vot lo sa Bidze pou *Ministry of Foreign Affairs and Tourism* ki lo paz 421 ziska 438, pou en total 293milyon R512mil. Manm ki an faver lev lanmen silvouple? Bon tou Manm in vote? Okenn Manm ki kont? Mersi Madanm Clerk.

Vot lo Bidze pou *Ministry of Foreign Affairs and Tourism* lo paz 421 ziska 438 pou en total 293milyon R512mil, 30 Manm in vot pour, 0 kont, E 2 abstansyon.

Alor sa Bidze in aprouve par Lasanble. Mon a remersye Minis pou *Foreign Affairs and Tourism* pou son partisipasyon e delegasyon *Foreign Affairs*. E mon swet zot bonn zournen.

Nou a repran travay 11:05. Mersi.

(BREAK)

DEPARTMENT OF FISHERIES**MR SPEAKER**

Bon nou pe pran Bidze pou *Department of Fisheries*. *Department of the Blue Economy*. Madanm reporter ou ava apel delegasyon *Fisheries* silvouple.

Bon mon dir bonzour e *welcome Designated Minister* Mr Jean-Francois Ferrari ki responsab pou *Fisheries* e *Blue Economy*. E dan

son delegasyon Mr Roy Clarisse *Principal Secretary for Fisheries*. Mr Kenneth Racombo *Principal Secretary for Blue Economy*. E osi Mr Joachua Adeline *Accountant*.

E nou annan avek nou bann zofisyen Minister Finans. Avan nou konmans lo Bidze i annan sa size *amendment* ki nou ti pou fer. Nou' n gannyen - mon'n vwar lotorizasyon Prezidan pou permet sa sanzman dan alokasyon ant *Fisheries* ek *Blue Economy*. Me avan - E sa mon'n verifye dan *Standing Orders*, se Minis ki devret prezante sa amannman anba *Order 91(9)* mon krwar.

Me selman Onorab Hoareau ti'n konmans avek en lot pti amannman dan tit sa *Bill* ki nou a pran sa enn avan. Apre Minis a kapab – sa mon krwar zis en pti koreksyon *right* Onorab Hoareau?

HON JOHN HOAREAU

Wi Mr Speaker. Lo *clause 2* dezyenm laliny *after the word ‘under’* nou pou *include ‘his’*. Savedir nou pou *insert ‘his’*, nou pou tir *‘the’*. Apre i vin sa lot mo *‘and’*. Apre sa mo *‘and’* i vin *‘of the Ministers’* ki nou pou tire. E nou pou kontinyen avek *‘authorise the issue’*. Mersi.

MR SPEAKER

Mersi. Bon sa de si napa lobzeksyon nou ava aksepte li parey nou fer konman senp koreksyon. Onorab Pillay, wi.

HON SEBASTIEN PILLAY

Mersi Mr Chairman. Mr Chairman mon pe opoze ki vi sa bann amannman i pa bann amannman ki annan pou fer ek sa bann *heads*, nou pran li ler nou'n fini ek prosedir lo bann *heads*. Parey *Standing Orders* i prevwar.

Akoz bann amannman ki ou pe propoze i plito dan *clause* anler me pa avek sa *schedule*.

Si nou get byen *Standing Order* dan sa prosedir ki nou pe fer la nou pran lamannman lo bann *heads*. Akoz nou pou bezwen vot lo sa bann pozisyon lamannman. Me *Standing Order* si dir pou napa deba lo sa bann propozisyon lamannman ler i ganny fer. So mon ava sizere ki nou pran a sa moman e non pa la.

MR SPEAKER

Mersi Onorab Pillay. Tan ki nou'n arriv lo la mon krwar nou ava aksepte sa bann koreksyon ki'n ganny mete. E nou a'n fini avek li.

Mersi. Minis dan sa ka la mon ava envit ou pou fer ou l'entrodiksyon pou *Bill*. E osi pou prezant lamannman ki neseser. Yes Minis wi.

MINISTER JEAN-FRANCOIS ERRARI

Mersi Mr Speaker. Bonzour tou bann Manm Onorab. Bonzour tou dimoun ki a lekout. Mr Speaker mon a pran sa amannman si i ok avek ou premye?

MR SPEAKER

Byen.

MINISTER JEAN-FRANCOIS FERRARI

I en lamannman teknik e mon ti a kontan sinifye avek Lasanble ki mon'n resevwar lotorizasyon avek Prezidan, pou propoz en sanzman dan lafason ki Bidze 2020 i ganny prezante dan son laform final. E mon annan en kopi sa lotorizasyon Mr Speaker, mon pa konnen si ou'n ganny enn?

MR SPEAKER

Wi. Mon'n gannyen Minis.

MINISTER JEAN-FRANCOIS FERRARI

Ok. Mersi bokou. Sa propozisyon ki de *budget heads*;- notaman *head* Departman Lapes e *head* Departman Lekonomi Ble i ganny *delete* e ranplase par en sel *head* ki *Ministry of Fisheries and the Blue Economy*.

Sa i pou *the Schedule of the Appropriation Act*. Pou reasir Lasanble, sa de sonm ki trouve anba sa de Departman *as* zot ganny prezante la ler ou konsolid zot ansanm zot egzakteman menm sif, ki zot bann Manm zot ava konsider pou apropiye. Napa okenn varyasyon ladan. E i egzakteman menm total.

Alors avek ou permision Mr Speaker e dan let ki Prezidan in anvoy kot ou, son total i pou 108milyon e 66mil. Donk mon ti a kontan *move* ki sa amannman i ganny aksepte. Mersi.

MR SPEAKER

Mersi. Ki mannyer nou prosed- Onorab Georges eski nou bezwen vote lo la?

HON BERNARD GEORGES

Mon krwar wi Mr Speaker. E dan sa ka mon segonn propozisyon lamannman ki Minis in met devan nou an akor avek *Standing Order 81(8)*. Mersi.

MR SPEAKER

Mersi. Nou a pran vot lo sa amannman. Manm ki an faver lev lanmen silvouple? Mersi Manm ki kont? Vot lo amannman lo Bidze *Ministry of Fisheries and Blue Economy as proposed by the Minister* in ganny 21 vot pour, o kont, 10 abstansyon. Sa amannman in aprouve par Lasanble.

Minis ou a kapab prosede avek ou lentrodiksyon lo Bidze. Nou pe pran *Fisheries* premye lo paz 83 ziska 87 pou en sonm 10milyon R622mil. Minis.

MINISTER JEAN-FRANCOIS FERRARI

Mersi Mr Speaker. Efektivman 10milyon R622mil. Mr Speaker mon ti a kontan enform Lasanble ki Bidze pou Departman *Fisheries* e pli tar Bidze pou *Blue Economy* i parmi bann Bidze ki pa'n ogmante sa lannen.

E an tou ka pou Departman *Fisheries* i enn bann pli pti Bidze dan ladministrasyon okenn Minister. Mon ti a sinal avek Lasanble ki bann – an term *wages and salaries* nou pe propoz en *decrease*, en bes R13mil.

E sa nou'n kapab fer li dan *wages and salaries*. Nou'n kapab fer li, menm si nou'n ganny permisyon pou nou *recruit* en *economist* an plis pou lannen prosenn. E sa nou pou fer li *within ceiling* ki Minister Finans in mete avek nou.

I annan serten varyasyon dan bann lezot sonm bidzete pou *goods and services*. Me selman i miner e napa gran keksoz ki signifikan.

Me selman mon ti a kontan envit bann Manm pou poz kestyon lo sa bann sif. E mon ava – avek lasistans *PS Fisheries* i ava en plezir pou mon reponn. Mersi Mr Speaker.

MR SPEAKER

Mersi. Mon a pran kestyon bann Manm. E Onorab Adelaide i kapab konmanse.

HON FRANCOIS ADELAIDE

Mersi Mr Chair. Bonzour Mr Chair. Bonzour Minis avek ou delegasyon e tou Manm Onorab. Prensipalman bann dimoun Baie Lazare ki pe ekoute ki zot kontan bann zafer lapes.

Minis mon pou may ou manda avek lo paz 86 kot i pe koz lo Polisi avek devlopman ki bann Lalwa pou lapes. Parey ou konnen nou ganny bokou problemm sirtou avek bann *expatriates*.

Ki zot abiz nou brizan partou lo ros, nou bann bernik, tou nou bann zafer. E petet-

MR SPEAKER

Onorab eski sa i pou en kestyon lo Bidze?

HON FRANCOIS ADELAIDE

Wi-wi-wi. I pou en kestyon li akoz sa Mr Speaker i pe tonm lo *Fisheries Policies*. Ok?

MR SPEAKER

Ariv lo Bidze. Mersi.

HON FRANCOIS ADELAIDE

Ok. So Minis eski dan sa Bidze la i annan en larzan pou nou kapab ranforsi - petet mon pa konnen si Lotorite Lapes Sesel pou ki i ava annan *monitoring* lo sa bann keksoz.

E ki nou pa ava trouve kot nou bann resours pe ganny bage avek bann *expatriates*. Mon krwar *expatriates* sipoze zot ganny manze se zot avek zot bann *boss*.

So eski dan sa Bidze i annan larzan pou nou kapab fer sa bann *check*, pou fer sir ki nou *maintain* nou bann resours de baz? Mersi.

MR SPEAKER

Mersi Onorab. Minis ou a reponn silvouple.

MINISTER JEAN-FRANCOIS FERRARI

Wi mersi Onorab. Onorab Minister Lapes an kolaborasyon avek SFA i annan omwen de proze ki pou satisfer ou. Enn bann premye proze ki nou'n fini lanse sa lannen, se *management plan* pou *line and trap fishery* lo plato Mahe.

E sa nou dan en faz ledikasyon. Sansibiliz bann dimoun lo nesesite pou protez sa resours ki lo nou lakot, ki pros avek nou lakot. Nou dan sa faz sansibilizasyon. E lannen prosenn nou pou *move* dan en faz enplimantasyon. Kot nou ekspekte annan bokou plis *monitoring* lo de kalite lapes.

Enn se lapes rekreasyonnel. Apre lot se lapes sportiv. Alor tou lede i enpakte dan en fason signifikan lo bann stok pwason lo nou bann resif. E sa i en legzersis ki mon krwar ou pou satisfe akoz pou annan *monitoring*.

E pou annan konsekans si sa bann aksyon i kontinyen e sa lapes pa ganny fer dan en fason korek. Nou annan en proze *PS* mon krwar *refish* ki spesifikman ou ti a kontan dir de mo lo sa proze avek sipor Gouvernman zaponnen mon krwar. Silvouple *PS*.

MR SPEAKER

Mersi. Wi *PS*.

PS FISHERIES ROY CLARISSE

Bonzour Mr Speaker. Mersi Minis. Bonzour tou bann Manm Onorab. Lo sa proze *refish* sa i en proze 3an ki larzan finansman i fer par Gouvernman Zapon enplimante par *FAO*. E ladan i annan pou bi *manage* bann pwason resif sirtou pwason resif.

E nou'n konmans avek de *site* ki nou'n konmans avek pou le moman. Enn i Anse Royale e lot i Silhouette. Me selman o kour lannen dan diran lavi sa proze, nou pou bouz ankor dan bann lezot kominote.

Akoz sa i osi en proze ki pou ed bann kominote osi tou ki mannyer zot osi zot partisip dan *enforcement of bann management regulation*.

Zis kekfwa Onorab pou siplemant sa ki Minis osi in dir, ansanm an kolaborasyon avek *SFA* nou pe travay lo revizyon Lakor Lapes osi tou. Kot i annan sirtou eleman lapes artizanal avek rekreasyonnel. Ki osi tou i pou ganny enplimante. Mersi.

MR SPEAKER

Mersi *PS*. Onorab Esparon.

HON REGINA ESPARON

Mersi Mr Speaker. Bonzour Minis avek ou delegasyon. Mr Speaker mon anvi demann avek Minis, letan mon pe regarde anba ou *current challenges* la ou dir poudir zot ‘understaffed’ e zot annan ‘inability to recruit.’

E letan mon pe regard lo latab detay, mon vwar poudir ou annan en alokasyon zis R75mil pou *training*, ki R3mil an plis avek sa ki ou ti gannyen lannen pase. Ou ti ganny 72mil la preznan ou annan 75mil.

Ki kalite programm *training* ki zot pe anvizaze fer pou kapab donn *training* zot bann *staff* ki deza la?

Konmsi konman en *upgrading* pou kapab pran plas sa bann *vacancy* ki annan, parski ou dir poudir ou *understaffed* la. Sa i premye kestyion.

Dezyenmman Minis mon ti ava kontan demann ou, an vi ki mon vwar ou depi ler ou’n pran sa portfolyo lapes, ou pa pe mal debourye.

Mon pa konnen si ou’n dekouver en trezor par la. ParSKI mon vwar bann proze pe ganny fer en pe partou. Mon pa konnen kwa ki ti pe anpes sa Gouvernman avan fer sa bann proze. Eski ti annan larzan –

MR SPEAKER

Onorab i annan en kestyion lo Bidze la?

HON REGINA ESPARON

Kestyon i lo Bidze Mr Speaker. Mon bezwen demann Minis kot in ganny larzan pou fer sa bann proze parSKI i pe debourye? La bann peser Glacis nou vwar poudir ou’n fer en travay pou zot lo kote lapas. E la pou annan byento nou pti bazar pou ganny fer.

Trwazyenmman Mr Speaker, mon ti a kontan demann avek Minis – non reponn sa de Minis apre mon a demann ou sa trwazyenm.

MR SPEAKER

Non. Silvouple mon pou swiv lord. Si ou’n demann ou de kestyion mon pou pas lo en lot Manm silvouple. Minis ou a reponn.

MINISTER JEAN-FRANCOIS FERRARI

Mersi Mr Speaker. Mr Speaker i vre ki nou pa pe *recruit*, akoz enn bann rezon se ki nou donn priyorite SFA pou *recruit* akoz zot se en

pe nou *implementing agency* e se zot ki vreman bezwen en kantite *human resource*.

Nou ganny konsidere konman en minister ki *understaffed* e se pou sa rezon ki mon remersye, mon felisit bann *staff* ki la deza pou fer bokou plis. *To go beyond the call of duty* e zot fer vreman en kantite travay. E pou sa mon remersye zot.

Lo kote *training, training i ongoing* Onorab. Me selman nou annan bann pli spesifik anba programm *SWIO Fish* avek *sectoral support* kot nou met a dispozisyon bann seminar, bann sesyon lantrennman, swa dan Sesel, swa an deor Sesel pou zot kapab – bann *staff* kapab lev zot nivo. Me an zeneral nou annan bann *staff* ki vreman o nivo ki nou satisfe avek zot travay.

Dezyenm kestyon lo bann proze. Mr Speaker ou pa pou vvar bann sonm proze la akoz sa i tonm anba depans anba *Sectoral Support Fund* ki Linyon Eropeen i kontribye pou zot dwa lapes dan Sesel. Ki ganny *manage* par *Seychelles Fishing Authority*.

Sa bann sonm i la depi toultan, me selman pa toultan ki in annan sa lenerzi e sa determinasyon pou fer arive bann proze. Sirtou bann proze dan distrik, bann proze ki enpakte for lo nou bann kominote peser artizanal.

Sa bann larzan i la e mon krwar avek sa lekip ki nou'n met ansanm dan Minister Lapes, in annan en lenerzi enkrwayab. E nou, nou pa les nanryen bar nou. Ler nou santi nou annan en proze ki vyab ki nou bezwen fer, nou ale nou fer. E nou fer li an respe avek sa Lagreman.

Avek Linyon Eropeen konmkwa, nou bezwen depans en sertern sonm omwen 75poursan sa bann sonm ki'n ganny vote anba *Sectoral Support Fund*.

Si nou pa depanse nou pa ganny son lot trans. Alor tou keksoz i *slow down*. Alors nou nou'n fer sir poudir sa larzan i pa pou nou. Sa larzan i annan en lagreman konmkwa i bezwen al pou fasilit lavi bann peser e zot kondisyon travay amelyore.

Alors nou pe senpleman ranpli nou dewwar pou fer ki sa bann devlopman i arive dan bann distrik. Mersi.

MR SPEAKER

Mersi Minis. Nou a pas – klarifikasiyon lo kestyon ki ou'n demande Onorab, wi.

HON REGINA ESPARON

Mersi – Mr Speaker mon ti anvi zis klarifye, mon ti anvi i reponn sa de pou mon demann li parski li i *Designated Minister*. Eski son Bidze konman *Designated Minister* i tonm anba Bidze *Fisheries*? Parski mon pa vwar en alokasyon pou *Designated Minister*. Mersi.

MR SPEAKER

Silvouple reponn vitman. Mon krwar-

MINISTER JEAN-FRANCOIS FERRARI

Briyevman Mr Speaker. Mr Speaker mon'n ganny loner pou Prezidan deside ki mon devret ranpli sa rol *Designated Minister* e ganny sa tit.

Me selman an realite mon kapab dir avek Lasanble ki mon pa vreman servi sa tit tro souvan. Mon en Minis parey lezot Minis.

E konman Minis Lapes mon annan ase biro, mon annan ase travayer, mon annan ase drayver, mon annan ase resours imen pou mwan ranpli mon rol konman en Minis dan Gouvernman.

Alors mon krwar pou mwan i en plezir pou mon rapport avek Lasanble ki mon annan zero depans anba sa portfolyo *Designated Minister*.

In fact parey Onorab in dir mon portfolyo li menm li i nepli ganny reflekte konman en *cost center*. E sa i en *saving* pou Gouvernman mon mazinen pros R4milyon par an. So mon krwar ki dan sa direksyon nou pe fer en bon travay. Mersi.

MR SPEAKER

Mersi Minis. Onorab Michel Roucou.

HON MICHEL ROUCOU

Mersi Mr Chair. Bonzour Minis avek ou lekip. Bonzour spesyal pou zabitan Mont Fleuri. Minis mon'n tann ou pe koz bokou lo bann proze dan bann distrik.

E nou Mont Fleuri malgre ki nou napa en ta peser, me nou annan en pti kominate bann peser. E nou pe gete pou zot vizit en kou Mont Fleuri osi tou.

Nou annan landrwa e sa pti kominate peser zot pe rod en landrwa. Zot annan landrwa zot pe rode pou kapab ed zot pou fer en fasilite pou met zot bann lekipman. Mersi.

MR SPEAKER

Mersi. Minis mon krwar ou kapab not sa. Ou le fer en pti remark?

MINISTER JEAN-FRANCOIS FERRARI

Wi zis pou dir ki mon dakor avek ou Onorab. Mwan ler mon ti reprezant Mont Fleuri deza sa proze ti lo latab. I pa'n arive. I pa ankor arive. Me selman parey ou konnen in annan en serten dyalog ant – a lenteryer Gouvernman li menm, pou gete si sa pa devret en landrwa kot i annan en agrandisman fasilite kordgard Mont Fleuri.

Me aparaman sa plan in ganny *shelved* pou le moman. Alors mon promet ou ki m on ava re pran sa plan inisyal pou get ki mannyer nou kapab fer pou sa detrwa peser ki pe *operate* la Mont Fleuri. Mersi.

MR SPEAKER

Mersi Minis. Onorab Cosgrow.

HON WALLACE COSGROW

Mersi Mr Chair. Bonzour Minis ek ou tim. Mr Speaker permet mwan en pti kestyon klarifikasiyon, avan mon antre lo mon de kestyon.

MR SPEAKER

Si i en klarifikasiyon lo Bidze wi.

HON WALLACE COGROW

Wi en klarifikasiyon lo sa legzersis ki nou fek fer pou amann pou fer serten lamannman, eski ler nou merge sa de *head* ansanm, eski i vedir ki preznan i annan en Departman *Fisheries and the Blue Economy* – reste de Departman en? Ok zis en pti klarifikasiyon. Mersi.

Prezan Mr Speaker Minis eski ou kapab dir nou anba ou Minister *Support Services* dan Bidze, *wages and salaries or basic pay in increase* par aepre R400 ekek mil. Eski sa i pou en nou nouveau *recruitment*, ouswa i annan petet larzan adisyonnel ki bann *staff* pe gannyen?

Dan menm laliny i annan *long service allowance* ki sorti 108mil ki vin 192mil. Ki'n arive la? Akoz si in annan en *freeze*

dan *long service allowance* then mon ti ekspekte sa alokasyon Bidze i reste parey. Me in mont par en pti morso larzan.

Eski i annan nouvo dimoun ki pe ganny *long service*? Eski zot in fer leksepsyon dan ou minister ouswa i zis petet en fot or something?

Mon dezyenm kestyon Mr Speaker, eski dan Bidze Departman i annan larzan pou en zofisyen petet *sort of* en zofisyen lyezon swa *monitor* pou get en pti pe louvraz ki SFA pe fer?

Akoz SFA i annan en kantite larzan anba *sectoral support*, pou get en pti pe bann keksoz ki SFA pe fer. Pou fer sir i anliny Polisi Minister Lapes. E pou zet en lizye lo bann aktivite SFA, akoz i annan en koze, kantite konplent ki vre i annan bann proze ki pe ganny fer.

Me i annan konplent ki larzan pe ganny servi, parfwa dan bann sityasyon kot petet gaspiyaz Minis. Si mon kapab met li koumsa. Sa i persepsyon deor. Mersi.

MR SPEAKER

Mersi Onorab. Minis a donn son repons.

MINISTER JEAN-FRANCOIS FERRARI

Mersi Mr Speaker. Mr Speaker mon a pran sa dernyen kestyon. Apre mon ava les *PS* reponn en pti bout lo Bidze saler, *long service allowance*.

Mr Speaker mon pa le kit sa Lasanble avek en sizesyon, oubyen en panse ki i annan okenn dimoun dan SFA ki pe fer okenn travay ki pa alaoter oubyen ki pe gaspiye. Mwan mon kapab dir avek Lasanble Mr Speaker, ki enn bann *areas* kot i annan plis kontrol se bann *areas* lo proze.

Tou le Mardi bomaten nou rankontre avek *PS Racombo* ki kot *Blue Economy*, *PS Clarisse* ki kot *Fisheries*, avek *CEO* ek lezot *staff SFA*, bann *project managers* e nou *go line by line* pou nou fer sir ki tou keksoz pe ganny fer dan en fason transparan e *accountable*.

Mon kapab dir poudir nou annan bokou fristrasyon par ler pou nou fer bouze sa bann proze. Akoz i annan lezot servis, lezot latitud, labitud dan Gouvernman ki *slow down* bann proze.

Me selman a sak fwa ki nou lans en proze nou fer li dapre standar. Mon ava dir zot ki par egzanz si proze Baie StE Anne Praslin in ganny en pe retar se akoz zisteman en kontrakter ti fer en

obzeksyon. Ti fer en konplent, ti fer en rapel. E nou ti bezwen *hold the award of the bid* ziska ler nou klersi sa bann sa.

Anba mon *watch* Mr Speaker, mon kapab reasir Lasanble ki tou keksoz pou ganny fer. E tou sa pou ganny *accounted for*. Ki dan Minister oubyen ki dan SFA. Mon osi kapab dir ki i annan en pe letan ki nou'n a la resers en *Deputy CEO* pou SFA.

E an konsiltasyon avek Minister Finans nou'n kapab mon krwar ganny en dimoun ki pou pran sa *post mwan prosen* oubyen le 01 Zanvye.

Selman mon krwar plito mwan prosen, ki annan en *background finans*. E ki li i pou ankor aport – konsolid en pe sa travay sirveyans ki arive lo sa bann fon.

Akoz wi Mr Speaker i annan bann gro sonm ki pase atraver SFA. SFA i en lorganizasyon otonom. Finansyerman otonom ki resevwar en kantite larzan me ki osi remet sa larzan avek Gouvernman dan en fason regilye, dan en fason transparan.

Donk mon pa krwar nou devret annan bokou lenkyetid la. Mon avek demann avek PS si i kapab reponn sa kestyon lo –

MR SPEAKER

Mersi. PS ou ava reponn *please*.

PS FISHERIES ROY CLARISSE

Mersi Mr Speaker. Mersi Onorab. Onorab sa logmantasyon ki ou'n fer referans avek dan *wages and salaries in kind*, i pou *cater* pou *telephone and internet allowances for the office of the Minister*. Thank you.

MR SPEAKER

Sorry ti annan en pwen lo *long service allowance*. Si ou kapab adrese.

PS FISHERIES ROY CLARISSE

Non Mr Speaker napa *long service allowance*. Ki annan i annan en *staff* ki'n ganny son *Master's Degree* so sa *increment in cater* pou son *marketable skills*. Thank you.

MR SPEAKER

Mersi. Onorab Romain.

HON GEORGE ROMAIN

Mersi Mr Chair. Bonzour Minis ek ou *panel*. Minis mon kestyon i en pti pe – ler mon'n pas lo Bidze pou ou Departman mon pa pe vwar-mon'n tann ou mansyonnen pli boner ki larzan i annan.

Kekfwa ansyen ladministrasyon avan pa ti pe depans sa larzan. Lo re devlopman bazar La Retraite kot ti pou annan en proze, kot plizyer pti biznesmenn ti pou benefisy. E *meeting* in ganny fer. Minis ou konnen nou'n partisip dan sa bann *meeting*. Mon ti pe demann ou Minis si sa pou ganny materyalize lannen prosenn? Mersi Mr Chair.

MR SPEAKER

Mersi. Minis.

MINISTER JEAN-FRANCOIS FERRARI

Mersi Onorab. Onorab premye bout ou lobzervasyon i korek. E mon ti a kontan donn zot en legzanz. Ou konnen *Sectoral Support Fund* ki en bout dan sa larzan ki nou resevwar avek Linyon Eropeen parey mon'n dir i sipoze al pou devlopman e lagrandisman e byennet bann peser artizanal. Esansyelman.

Dan le pase ler sa bann proze distrik pa'n ganny fer, larzan in akimile e malerezman oubyen erezman, me sa i leka, finalman in annan telman larzan ki'n akimile ki Gouvernman in deside fer en sa ki zot apel sa lasose Linyon Eropeen *EU Quay* kot lasenn i ganny repare.

So mwan pou mwan, mon vwar sa konman en keksoz ki tris, akoz finalman nou'n ganny larzan avek Linyon Eropeen e nou'n depans li pou benefis Linyon Eropeen li menm li aranz son lasenn. Kan i devret pou benefis bann peser Seselwa.

Donk se pour sa ki mon pe ensiste. E mon kontan mon annan sipor mon bann kolaborater, ki nou azour e nou pouse. Nou pouse pou nou bann proze e nou pa les larzan akimile, akoz se byennet nou bann dimoun ki enportan pour nou.

E pou proze la Retraite i annan – mon krwar zot in ganny zot en zoli pti proze, me selman I annan sa lespas deryer ki an konsiltasyon avek ou menm ou Onorab, nou'n gete ki mannyer nou kapab *involve* la kominate. La kominate sa distrik, ou distrik dan devlopman sa lespas la.

Ou konnen, sak dimoun i annan son lide. Mwan mon ti vreman pe pouz, e mon ankor pe pouz pou en *container conversion concept* pou kapab akeyir bann dimoun la.

Ki fer en pti laboutik pyes, en laboutik lanmson, en pti *take away*. En laboutik pwason keksoz koumsa. Sa i ankor lo latab. E nou pe zis esper transfer later avek SFA akoz i pa lo nou non.

Nou pe esper transfer later kot SFA, apre nou pe fini fer *survey* pou nou kapab prezan *allocate*. E mon annan konfidans poudir lannen prosenn pou annan en keksoz ki byen zoli e ki pou byen dan benefis distrik Anse Etoile. Mersi.

MR SPEAKER

Mersi Minis. Onorab Pillay.

HON SEBASTIEN PILLAY

Mersi. Mon ti a kontan demann Minis en kestyon spesifik lo pli gro konponan Bidze i anver sa bann Bidze ki trouve anba konponan *Blue Economy*.

MR SPEAKER

Me eski – nou lo *fisheries* la. Nou annan – nou pa ankor ale lo Departman *Blue Economy*.

HON SEBASTIEN PILLAY

Wi Mr Speaker. Be dan pe swiv sa ki nou'n fer se ki an se moman nou pe koz lo pozisyon konsolide tou le de Departman. Akoz lamannman ki nou'n fer in fini fer passe ki prezan nou pe koz lo tou lede. Si lapros ki ou pe pran ki ou le separ diskisyon?

MR SPEAKER

Zis pou gard lord. ki mon pe propoze se ki nou fini avek bann kestyon lo *Fisheries*, Apre nou a pran *Blue Economy*. Me selman akoz le de Bidze i ansanm, i a permet nou si nou pa'n ganny sans – si nou annan letan i a permet nou retourne lo *Fisheries* e *Blue Economy* ansanm. Mon krwar Minis ou pou napa okenn obzeksyon avek sa.

So annou al lo *Fisheries* koumsa nou a permet bann Manm ki pe atann pou demann zot kestyon lo *Fisheries*.

HON SEBASTIEN PILLAY

Mon a retourne mon kestyon lo *fisheries* Mr Chairman. An relasyon avek *Fisheries*, mon pe demann Minis ki provizyon bidzeter nou'n fer anba *overseas travel?* Pour ki Gouvernman i ganny resours pou li al re negosye sa Lakor Lapes avek Linyon Eropeen?

Sa i mon premye kestyon.

Parey Minis ti donn nou en langazman.

Mon dezyenm kestyon mon note ki ler i ariv kot Bidze sa Departman avek son bann sistenm sipor e staff i en Bidze tre minim. Napa bokou larzan ladan pou annan dimoun ki, petet i ava anvi annan sa lantouzyazm pou devlop lapes.

Eski i annan provizyon pou Gouvernman *recruit* bann dimoun, akoz zot pe propoz bann travay ase konsiderab. Par egzanp etabli bann *bag limit* an se ki konsern *demersal fish* parey bourzwa lo grader, eksetera.

I annan serten ekspertiz avanse ki ou bezwen pou devlop bann kad legal. Mon pa pe vreman vwar Minis kote zot pe ganny sa sipor, pou fer sa si sa i al tonm anba *Blue Economy* ankor? Oubyen i en keksoz *Policy* ki pe ganny diskite dan Minister? Mersi Mr Chairman.

MR SPEAKER

Mersi Onorab. Minis.

MINISTER JEAN-FRANCOIS FERRARI

Mersi. Mr Speaker mwan mon vwar li - mon vwar sa kestyon en pe drol selman mon ava reponn. Akoz ler nou demann plis larzan nou ganny demande, akoz nou pe demann plis larzan? Ler nou demann mwens larzan nou ganny demande akoz nou pe demann mwens larzan? Konmsi -

MR SPEAKER

Annou kontinyen Minis.

MINISTER JEAN-FRANCOIS FERRARI

Konmsi nou pe fer avek resours ki nou annan dan sa moman difisil. E nou annan bann bon travayer parey mon'n dir, nou kapab. Nou santi nou kapab *run* Minister Lapes, son Departman dan Minister Lapes ek Lekonomi Ble, avek sa kantite travayer ki nou'n annan sa lannen. Pou lannen prosenn parey mon'n dir, nou'n ganny permisyon pou nou *recruit* en lot *economist*.

Mon ti a zis kontan ki tou bann Manm i konpran byen sa. Minister i esansyelman okipe a devlop bann Polisi. E bann stratezi *management*. Tandi ki SFA i *the implementing agency*. SFA i annan 200 travayer. I en gro Lazans. Donk bann teknisyen, bann dimoun ki lo *field* zot kot SFA, e i annan en kantite kapasite laba ankor.

SFA i annan lespas li. I annan Bidze pou li *recruit* ankor pou lavenir. Donk pou le moman mon satisfe avek sa ki Minister Finans in *allocate* pou Departman Lapes pou lannen prosenn. Mersi.

MR SPEAKER

Tre byen. Eski ou le dir li si ou annan Bidze pou *overseas travel* pou ou. Me selman ou pa bezwen al dan rezon akoz ou bezwen *travel*. Zis si ou annan Bidze pou *overseas travel*.

MINISTER JEAN-FRANCOIS FERRARI

Mr Speaker mon krwar Onorab i konnen poudir pou *travel* bann Minis Bidze i *State House*. E laplipar bann deplasman ki nou fer aletranze, se nou ganny sipor bann Lazans ki pe partner avek nou; - *UNDP, FAO, COI*. E laplipar sa bann Lazans ki pe siport nou dan sa bann demars. Donk i en travay kolaborasyon ki fer ki met mwens presyon lo Bidze Gouvernman. Mersi.

MR SPEAKER

Mersi. Ou annan klarifikasyon lo ou kestyon Onorab.

HON SEBASTIEN PILLAY

Wi Mr Chairman. An tou avek Minis zot in konpletman ranvers mon kestyon. Mon kestyon mon pa'n demann li lo *travel* Minis mwan. Mon demann Minis si i annan provizyon dan Bidze an relasyon avek *travel* pou ki Minister i a re negosye sa Lakor Lapes.

Mon pa'n fer referans avek *travel* Minis. Mon pa pe vin rode si Minis i *travel* la mwan. Sa ki mon pe rode se ki nou pou annan sa langazman ki ti ganny donnen, ki resours pou ganny mete pou annan re negosyasyon sa Lakor Lapes. Se sa ki mon pe demande. Mersi.

MR SPEAKER

Well i pa en kestyon lo Bidze.

HON SEBASTIEN PILLAY

I en kestyon lo Bidze akoz i annan *overseas travel* dan sa Bidze! Ki mannyer i pa en kestyon lo Bidze?

MR SPEAKER

Minis si ou'n pare donn li en repons. Annou *settle* sa. Ale, Minis ou le *settle* sa?

MINISTER JEAN-FRANCOIS FERRARI

Sa en tre bon kestyon ki ou'n dir Onorab. *Very very good question.* Onorab kekfwa ou pa totalman *au fait*. Me Onorab Cosgrow i kapab gid ou lo la. Sa lakor ki zot ti sinyen avek Linyon Eropeen, i en lakor 3an.

E nou konman enn Gouvernman responsab, nou pa kapab dan milye en lakor – en lakor 6an (*sorry*) - en lakor 6an e ki dan milye en lagreman nou pa kapab al sanz keksoz.

Par kont - Par kont tou le lannen i annan e i pe deroule an se moman ozordi dan Minister Lapes *the Joint Commission Meeting* pe deroule la, la ozordi. E atraver sa *Joint Commission Meeting* i annan en kantite progre ki nou pe fer.

E ozordi menm mon annan avek mwan la bann *drafts press release* ki nou pou fer, ou pou vreman mon mazinen poudir ler ou pou tann sa kot ou, ou pou bat lanmen. Akoz ou pou vreman vwar poudir nou pa bezwen al *Brussels* pou nou al negosye.

Nou negosye isi Sesel avek bann dimoun ki vin isi. Atraver bann sistem elektronik, e travay i kontinyen pou nou kapab dousman, dousman re ganny en pes a bann benefis ki ladministrasyon presedan in les ale. I pa'n *on top of their game*.

Alor travay i bokou Onorab. I en travay ki pou pran letan. E an 2023 i pou le moman pou *the midterm review*. E la mon mazinen poudir swa i pou *Brussels* oubyen i pou Sesel. Be selman sa renegosyasyon Lakor Lapes i pe ganny fer tou le zour avek bokou sikse. Mersi.

MR SPEAKER

Mersi. Bon *next* kestyon Onorab Aglae.

HON EGBERT AGLAE

Mersi Mr Speaker. Bonzour Minis ek ou *panel*. Minis kot i konsern anba *Fisheries Development* la, mon vwar poudir ankor enn fwa parey serten bann lezot Minister, i ankor annan logmantasyon ki nou pe vwar dan zot *rental*, environ R1milyon 3.4 pou vin 4.4. Eski ou kapab petet donn nou bann leklersisman sa bann logmantasyon?

Eski Gouvernman petet sa lapel pou annan sa 25poursan maksimonm rediksyon i nepli annan lefe ozordi?

Dezyenm anba *local consultancy* mon vwar ti annan en Bidze 461mil. E ki lannen prosenn pou napa. Eski zot in pas sa vot ouswa *somewhere* anba en lot Departman? Ouswa zot napa nesesite pou annan *local consultancy anymore*? Mersi.

MR SPEAKER

Mersi. Minis. PS pou reponn. Wi PS.

PS FISHERIES ROY CLARISSE

Mersi Mr Chair. Lo sa vot *consultancy*, annefe lannen pase letan i ti dan Bidze ti pou fer stratezi pou Minister Lapes. Me an konsiltasyon avek Minister Finans i annan sa *Performance-Based Management System* ki pou ganny enplimante anba gidans Minister Finans.

So dan plas servi en *consultant* nou pou servi – nou pou fer li *in house* avek nou *staff* ki nou annan. E sa larzan ki ti dan sa vot pou *local consultancies*, annefe in ganny servi pou fer en pe bann lazisteman, letan ti annan mouvman *staff* avan. Ki ti sorti dan bann lezot Minister ki'n vin kot nou. *Thank you.*

Lo *rental* Bidze avan ti *cater* pou sa 25poursan ki nou ti pe gannyen avek nou lwaye. Me pou sa lannen ki pe vini nou pa pe gannyen sa dediksyon. So nou bezwen *cater for the full amount for rental*.

MR SPEAKER

Mersi PS. Onorab Woodcock.

HON WAVEL WOODCOCK

Mersi Mr Speaker. Minis i annan plis ki 20an bann peser Praslin pe espere pou ganny bann lenfra striktir fasilite lapes, pou lapes tradisyonnal sirtou. E konmansman lannen ou ti donn en langazman ki de proze pou konmanse sa lannen pou lapes. Enn Grand Anse ek enn Baie St Anne.

Sa de proze in konmanse enn Grand Anse ek enn Baie Ste Anne. Mon kestyon i konsernan sa bann proze ki *time frame* ki nou pou ekspekte sa de proze pou konplete? Mersi.

MR SPEAKER

Mersi. Minis.

MINISTER JEAN-FRANCOIS FERRARI

Mersi Onorab. Annefe sa de proze in konmanse. En pti pe tar. In ganny en pti pe retar. Mon ti pe ekspekte depi kekfa an mwan Zilyet i ti'n kapab demare. Be parey mon'n eksplike pli boner nou'n ganny enn de bann sityasyon ki nou'n bezwen remet negosyasyon lo latab.

Pou Grand Anse i fer mon en gran plezir ler mon vwar en tim Seselwa, zis Seselwa pe travay lo en proze lapes, en proze SFA. E sa pou nou i nou *Trade mark* sa.

Direktiv i ganny donnent avek SFA, pou nou fer tou sa ki nou kapab pou nou kapab ed nou bann frer Seselwa. Bann pti kontrakter pou zot antre dan bann proze.

Si non, si nou pa fer atansyon i kapab menm dimoun i kapab byen pase, menm dimoun ki kapab ganny apele toultan pou benefisy pou sa bann proze.

Donk pou Grand Anse Praslin *Father & Son* in dir mwan poudir zot pou rann nou, nou slab avan lafen lannen. E *ice plant* in arive. I ankor Mahe nou pe esper sa slab fini set pou nou kapab pran li Mahe pou li met lo la.

E 1mwan, 6 semenn kekfa pou *commission* li, mon mazinen tre byento dan tre pe de temps bann peser Praslin i ava satisfe. E an menm tan nou pe aranz en pe nou bazar.

I annan en pe progre lo negosyasyon pou nou fer sa *gear store* pou nou remet li an plas. Donk sa i *ok*. E mon konnen poudir Onorab Gill osi e Onorab Poris zot satisfe vwar ki mannyer keksoz pe bouze Baie Ste Anne. Baie Ste Anne i en gro proze.

En dimoun in dir mwan ler mon ti Praslin, be akoz ou pa'n donn sa Grand Anse donn sa ki pli pti Baie Ste Anne ? Be non. Baie Ste Anne i merite. I merite sa bann lenfrastruktir e i annan en gran kominate peser. E nou pe fer plas pou bann vander legim tou.

Donk mon santi poudir zot pa'n ganny rezete. Plis ki sa zot pe ganny byen gete alors mon krwar poudir lannen prosenn pou en bon lannen pou Praslin. Mersi.

MR SPEAKER

Mersi Minis. Onorab Gabriel.

HON CONRAD GABRIEL

Mersi Mr Speaker. Bonzour Minis ek ou *panel*. Bonzour tou zabitan La Pointe Larue. Minis mon pe koz strikteman pou mon bann zabitan La Pointe Larue.

Nou devlopman dan distrik, nou vvar poudir i annan proze bazar Cascade, Anse Aux Pins. E menm Roche Caiman en pe partou, partou. Pou bann zabitan petet pe sey demande kan ki Pointe Larue petet nou kapab ganny en bazar pou nou zabitan?

E an menm tan i a relev en pes a bann dimoun ki ti'n perdi en pe dan sa laliny lapes. Zot a *get back on track*. Zot a retournen. Fer nou kominote en pti pep li vivan. Mersi Minis.

E baze lo la i annan serten detrwa zofisyе ti vin fer en pti rankont kot nou dan ou Minister detrwa mwan pase, so far nou pa ankor ganny okenn larepons.

Petet ti a bon ou eksplik nou en pti pe ki dan sa Bidze or a longer ditan, ki pou annan pou zabitan La Pointe Larue? Mersi.

MR SPEAKER

Mersi. Minis ki Bidze pou Pointe Larue?

MINISTER JEAN-FRANCOIS FERRARI

Onorab repet mon dernyen kestyon ki nou sipoze zwenn trwa mwan pase kot Minister. Sorry mon pa'n gannyen sa bout la.

HON CONRAD GABRIEL

Serten zofisyе ti vini baze kot SFA. Ti fer en pti visit kot bazar aktyel i ete. Be solman nou pa ankor ganny nanryen *so far*.

MR SPEAKER

Mersi. Minis.

MINISTER JEAN-FRANCOIS FERRARI

Briyevman Mr Speaker, Mr Speaker mon krwar mon bezwen admet ki pa tou distrik ki pou ganny menm kalite facilite. Pa tou distrik. I vreman pa posib pou ou donn partou.

Par egzanz ler nou pe gete nou pe fer en proze Anse La Mouche e nou pe ankouraz nou bann peser Anse Boileau *join* ansanm, akoz zot annan menm problem ki Anse La Mouche. E an menm tan nou pe sey gete ki mannyer nou pou ed Onorab Baie Lazare. Donk i annan serten priyorite.

E mon konnen ki i annan lespas ki'n ganny reserve omwen Cascade. Anse Aux Pins mon pa asire me omwen Cascade, akoz mon konnen poudir i annan peser La Pointe Larue ki'n bouz Cascade e ki zot ava ganny en plas pou zot devlop zot biznes.

Me La Pointe Larue *obviously* i pa lo radar la deswit la. Annou finis a de kote, sa de lebra Anse Aux Pins ki pre avek La Pointe Larue, Cascade ki pre avek la Pointe Larue. Annou fini sa de, apre nou ava gete si nou kapab fer en pti keksoz pou sa. So mon demann ou en pti pe pasyans silvouple. Mersi.

MR SPEAKER

Mersi. Onorab Lemiel.

HON SYLVANNE LEMIEL

Mersi Mr Chair. Bonzour Minis ek ou delegasyon. I enn zot priyorite stratezik petet pou lannen 2022 *onwards*, me selman mwan mon ti a kontan konnen dan zot Bidze 2022, dan zot demars pou zot devlop sa *marketing strategy*.

Enkli ki zot in dir pou met an plas en *marketing unit* dan Departman Lapes, pou *boost up* en pti pe lenportasyon pwason. E bann prodwi pwason. Leksportasyon pwason zot in mete wi.

Eski larzan in ganny mete petet dan Bidze 2022 pou zot kapab akonpli sa demars? E si wi ki konponan larzan ki annan dan sa Bidze pou zot kapab fer sa? Mersi.

MR SPEAKER

Mersi. Minis. PS i a reponn wi.

PS FISHERIES ROY CLARISSE

Mersi Onorab. Annefe pou sa devlopman sa *Marketing Unit* sa I finansman ki pe ganny fer anba sa proze *SWOI Fishery* ki ganny finanse par *World Bank*. Mon napa *the quantum* avek mwan. Me selman mon a kapab fer ou ganny sa sif Onorab. Mersi.

MR SPEAKER

Mersi. Mon annan de Manm ankor ki ti'n lev lanmen pou kestyon. Mon pa pe koup zot kestyon net. Mon pou pas lo *next section* la Departman *Blue Economy* tan ki menm panel.

Si nou annan letan nou a kapab retourn lo kestyon lo *fisheries*. Akoz nou pou pran en sel vot ansanm. Mon krwar sa i permisib.

DEPARTMENT OF BLUE ECONOMY**MR SPEAKER**

Minis mon pou envit ou pou fer ou lントro diksyon lo Bidze pou Departman *Blue Economy*. Les mon a rod son detay silvouple. Wi Bidze pou Departman *Blue Economy* ki lo Paz 88 ziska 93 pou en total 97milyon R440mil. Minis.

MINISTER JEAN-FRANCOIS FERRARI

Mersi Mr Speaker. Mr Speaker parey mon'n dir pli boner Bidze Departman *Blue Economy* i paret en Bidze ki gro ki bokou. Me selman i pa en Bidze -. I pa bann sonm ki fonksyonnel ki pe ganny servi pou *management* Minister.

PS Racombo i ava eksplik zot akoz nou *manage* en kantite – nou resevwar en kantite *Grants and other support* sorti aletranze, ki nou Departman i *manage* e osi ki i pas avek bann Lazans tel ki Labank Devlopman e lezot Lazans pou zot kapab *manage*.

Lo kestyon *wages and salaries* zot ava vvar i annan en logmantasyon R431mil. Alors sa mwan mon kapab dir zot ki i konsern transfer en *accounts staff from Ministry of Finance*, ki Minister Finans in *dedicate* avek nou. Ki nou prezan nou bezwen – ki Departman *Blue Economy* ki bezwen peye.

Apre nou'n realize ki ti annan 3 *staff* ki zot saler pa ti pe reflekte zot konesans, zot kapasite. Zot pos. Pa ti balanse avek zot pos.

Alors nou'n demande pou nou kapab aziste sa 3 saler. E sa antou i fer R180mil pou lannen prosenn ki Minister Finans in aksepte. Sinon pou lezot *capital outlays* e *travel* eksetera, in reste plizoumwen parey.

E mon ti a kontan reponn zot. Mon pa pou pas lo enn par enn, me selman i annan en *overall decrease* Mr Speaker dan nou Bidze *management budget*. Mersi.

MR SPEAKER

Mersi. Mon a pran kestyon bann Manm. Onorab Pillay ou a konmans avek ou kestyon.

HON SEBASTIEN PILLAY

Mersi Mr Chairman. Mersi pou bann larepons ki mon'n gannyen pou Departman Lapes. E bonn sans pou ou negosyasyon avek Linyon Eropeen Minis.

Mon ti a kontan *go back to* sa size *Blue Bond SWOI Fish*, *Blue Bond SeyCCAT*, *Blue Bond DBS* avek *Development of the Blue Economy MSME's value chains*. An tou i annan 90milyon 788mil ki'n ganny mete dan sa Bidze. 35milyon apepre 36milyon – Sorry 90milyon ki'n ganny mete. 47milyon ladan i pou *Blue Bonds SWOI Fish*. Eski nou kapab ganny en pe detay lo repartisyonnman bann pli gro konponan depans? Ki mannyer sa *Blue Bonds SWOI Fish* pe marse? Ki mannyer i pe performen?

Dezyenmman i annan sa *Blue Bonds SeyCCAT*. Ki 7.5milyon mon prezimen sa i pou lenvestisman osi avek *Blue Economy*. Mon ti a kontan konnen konbyen Seselwa oubyen lekel bann dimoun ki pe eksprim lentere pou *accede* avek sa 7.5milyon? 7.5milyon pa parey 47milyon.

So i enportan pou nou konnen ki kantite aktivite pe annan an relasyon avek sa de konponan. Sa *Blue Bond DBS* mon prezimen i sa enn ki *DBS* i *disburse* atraver prosedir ki'n ganny etabli. Kot ou bezwen *submit* en proze avek SFA. Si mon korek? Si mon pa korek ou ava koriz mwan.

Me lefe ki *DBS* ki pe fer *disbursement*, eski ou kapab dir nou ozordi konbyen dimoun ki'n kapab ganny akse avek sa *Blue Bond DBS*? Ti annan 31milyon 2021.

La i annan ankor 30milyon. So eski sa i fer 61milyon, oubyen eski i annan larzan ki pe *carry forward* sorti 2021 ziska sa lannen? Zis parey sa *Blue Bonds SWOI Fish* ti annan 36milyon an 2021 la I annan 47milyon ki pe ganny mete. So nou ti a kontan konnen ki mannyer sa pe – ki'n arive, si i annan ki pe *carry forward*?

E lot sa *MSMEs value chain* si ou kapab donn nou en leksplikasyon? Mon konnen ozordi bann akter ki pe fer sa travay. Me menm konsern ler ou koz ek bann operator, se *market*.

Se pou vwar en marse pou zot vann zot prodwi. Ler nou dir prodwi zot *catch*. Menm peser artizanal pe ganny menm problem. I annan ki vann lo bann bazar avek dimoun.

Me nou konnen osi ki pri nou pwason ler i ariv lo bann marse enternasyonal, sa ki kapab arive atraver - mon pou dir - sa bann *middlemen* son pri tre eleve. So eski sa pe ede pou fer ki bann peser oubyen bann dimoun ki pe fer bann aktivite ladan i kapab ganny akse ek bann *market*, pou vann sa pwason a sa pri ki zot osi kapab ganny en return ki pli eleve? Mersi Mr Chairman.

MR SPEAKER

Mersi. *PS* ki pou reponn. Wi *PS*.

PS BLUE ECONOMY KENETH RACOMBO

Bonzour Mr Speaker. Bonzour tou Onorab. Mersi Onorab pou ou kestyon. Si ou permet mwan pou mwan eksplik ou ki mannyer sa bann *non-financial assets* i marse.

So dapre lagreman ki nou annan avek *World Bank* Onorab nou sipoze donn *DBS* 2milyon Dolar tou le lannen. Selman son *equivalent in Seychelles Rupees*.

So basically la si i aprouve pou nou donn li 2022, *DBS* pou annan li 10milyon Dolar *equivalent in Seychelles Rupees* pou li donn bann *investors* ki enterese dan *value addition*.

E so far, yes pa ankor *disburse* nanryen pou sa larzan. Me selman the demann pou li i bokou plis ki sa fasilite ki annan kot *DBS*.

E en rezon pou sa i basically bann envestiser ki ti pe demande, zot *main concern* i zot ti napa later pou zot fer zot faktori. E parey ou konnen Gouvernman in dedye en morso later kot *Zone 14*, kot byento sa bann kare pou ganny *earmark to 7 investors*.

E si sa i prosedir parey nou'n plan sa 10milyon i riske ganny *taken up very fasilman*. So sa demann i la kot *DBS*.

Prezan pou *SeyCCAT*, *SeyCCAT* nou oblize donn zot 500mil Dolar tou le lannen. E zot, zot submit bann *Calls for Proposal* pou bann Seselwa ki enterese fer resers dan *Blue Economy*.

Blue Bonds SWOI Fish li i akoz anba Departman *Blue Economy* i annan en *unit* ki *World Bank* in *set up so basically* sa i pou zot *project management*. Epi any form of consultation, e parey oparavan ou'n tande from *Fisheries* zot anvi *set up the Marketing Unit*.

So sa Blue Bond SWOI Fish li i cater pou capacity building. I cater pou consultancy epi project management. Ok. Sa bout kot ou vwar development of Blue Economy micro, small, medium enterprises sa i basically pou develop the marine bio technology sector in Sesel.

I pa link ek lapes li. So basically nou pe fer –yes sipoz ki nou'n gannyen from ADB nou'n in fact ganny nou 1million Dollars. E sa proze pou last pou 3an. E sa larzan ki nou'n mete i sa larzan ki nou bezwen pou 2022.

E i pou cater pou bann aktivite ki nou pa'n fer in 2021. So basically nou bezwen identify the landscape of marine bio technology industry dan Sesel. Build up e strategy, train san enterprener epi train the trainers. Epi set up en incubator pou any envestiser ki anvi antre dan marine bio technology. E sa proze pou sipoze fini in 2023. Thank you.

MR SPEAKER

Mersi. Wi silvouple klarifikasiyon pou nou kapab move on Onorab.

HON SEBASTIEN PILLAY

Mersi. Wi so si mon konpran byen teknikman la i annan 150 baze lo exchange rate ozordi, i annan R150milyon anba DBS avek bann larzan ki an Blue Bond.

Akoz ou dir mwan si ou donn zot 2milyon Dolar e zot pa ankor servi. I annan sa R150milyon. E ki sa i sipoze al ver sa value added process ki sipoze al a gran lesel. E ki Seselwa i kapab apply pou sa.

Pou le moman i pa ankor bouze me i pou bouze eventually, ok? So mon kontan nou pa pe ganny tape kot i fermal par sa ki pe arive. So mon konnen poudir nou ava kontinyen travay pou fer – avanse. Sel keksoz ki mon ti ava kontan demande.

Se eski tou bann akter dan lendistri i konpran ki mannyer pou zot ganny akse avek sa band fon? Akoz sa ki mon osi pe tande se ki R150milyon me i paret poudir detrwa akter ki pe revolve otour sa lapse devlopman dan sa lendistri. Mersi Mr Chairman.

MR SPEAKER

Mersi. PS ou a reponn.

PS BLUE ECONOMY KENETH RACOMBO

Mersi Mr Speaker. Onorab pou reponn ou kestyon bann ki pe ganny akse akoz i annan bann kondisyon parey *any loan* ki ou apply kot DBS. Bann ki pe ganny akse avek i bann *unfortunately* zot kriter i bezwen ou annan 10poursan kontribisyon.

So mon pe mazinen i pou bann *big player in the game* akoz *maximum* ki nou kapab donn zot i 3milyon Dolar *equivalent in Seychelles Rupees*. So mon pe mazinen 10poursan of 3milyon Dolar i *substantial amount of money or investment*. So obviously i pou bann *big actors*. Mersi.

MR SPEAKER

Mersi. Onorab Cosgrow.

HON WALLACE COSGROW

Mersi Mr Chair. Mr Chair mon kestyon i lo *program SP 2. Maritime boundary delimitation*. Mon vwar i annan e alokasyon 1milyon R588mil. Eski PS i kapab akoz mon pa vwar gran aktivite anba la. Me plito pou kit ou a krwar en seksyon *running*.

Eski PS i kapab dir nou ki bann lavansman i annan dan sa domenn? E si i annan larzan apard sa ki mon pe vwar la dan Bidze pou *deal* avek *Maritime boundary delimitation*. Ki bann lavantaz benefis nou annan dan sa *joint management area*? Si mon pa tronpe *around*

Mon dezyenm kestyon i an term sa *Blue Bond DBS*. Zis pou *extend* en pti pe lo la. Avek *Blue Bond SWOI Fish*. Si PS i kapab dir nou dan sa trans larzan ki *DBS* i annan *available* pou pret sekter prive eski napa en kondisyon.

Or eski zot pa kapab met en kondisyon ladan kot zot kapab annan en bout dan sa trans. Ki pret avek bann pli pti antrepreneur ki pa kapab *afford* sa 10poursan ;- petet parey ou'n eksplike parey *Leader Lopozisyon* in koz lo la. Dan en mannyer ki sa larzan i a kapab ganny partaze en pti pe an zeneral dan sekter *Blue Economy*?

E *Blue Bonds SWOI Fish* si PS i kapab zis dir nou lekel bann aktivite ki anba *Blue Bonds SWOI Fish* e ki zistans in arive? Akoz mon konnen i en proze pou en sertern letan avek *World Bank*. Ki zistans in arive? Lekel bann proze? Konmsi pou pli kapab konpran en pti pe konmsi *in terms* *Blue Bonds SWOI Fish* me nou pa konnen kwa ki pe vreman arive anba la. Mersi bokou Mr Speaker.

MR SPEAKER

Mersi Onorab. PS.

PS BLUE ECONOMY KENETH RACOMBO

Mersi Mr Speaker. Mersi Onorab pou ou kestyon. So Onorab lo sa *sub program ki deal with maritime boundary delimitation* parey ou pou okouran wi son sonm ki nou'n mete i en pti pe *disproportionate* avek son lot programm ki nou annan anba Departman *Blue Economy*.

Me parey ou pou konnen *most of nou boundary delimitation in more or less fini ganny fer*. Prezan *the GMA initiative or the GMA laranzman* ki nou annan avek Maurice la i ganny siorte par *UNDP through en amount 2.2million*.

So basically parey ou okouran so nou annan *the joint management framework* kot nou pe *set up nou bann legal framework*. Ki mannyer nou pou *operate*. Sa i *outstanding*.

Me selman i annan bann aktivite parey *recently* nou'n demande pou nou kapab eksplor *sea cucumber* dan sa rezyon, ki *Maurice* in *accommodate* nou tre byen.

E osi nou annan en *series of bann bato* ki'n al fer resers laba. Nou annan *data* me selman *again* parey ou konnen lokalman nou napa dimoun pou *read* sa bann *data*.

So basically kantmenm nou pou anvi konnen ki annan laba, nou napa *expert* pou *read* sa bann *data*. Me selman pou reponn ou kestyon *yes*. Me Selman sa unit i ti pti i annan de dimoun. Me selman i annan en komite nasyonal ki siport Departman pou sa. *Ok?*

Pou *Blue Finance* sa bout ki al kot *DBSwi* i annan en provizyon nou fek negosye avek *World Bank*. Kot zot kapab met *R2milyon available to working capital* pou bann pti biznes ki anvi servi sa sipor.

E pou ou ganny *working capital up to 2milyon* ou pa bezwen annan *more or less any* kontribisyon *per se*. *SWOI Fish Unit* so basically sa parey mon ti'n dir avan i *cater* pou *the project management unit*. Akoz i annan 4 staff. E zot renimirasyon i dapre *World Bank*.

E osi i annan bann *capacity building* ki ganny fer. Par egzanp *in regards to monitoring control and surveillance*. E osi i annan bann par egzanp osi anba sa fon pou kapab *cater* pou bann lekipman ki bann akter dan *fisheries value chain*. Mersi.

MR SPEAKER

Mersi. Onorab Woodcock.

HON WAVEL WOODCOCK

Mersi Mr Speaker. Minis mon kestyon i lo menm laliny ki Onorab Cosgrow in demande kot i konsern sa bann diferan *bonds*. I annan *Blue Bond SWOI Fish*, *Blue Bond SeyCCAT*, *Blue Bond DBS*. Apre osi i annan sa finansman pou *development of Blue Economy MSMEs value chain*.

Mon kestyon i – mon konnen poudir serten porsyon sa bann larzan sirtou *Blue Bond DBS* i ganny servi pou *finance*, pou donn *working capital* bann diferan biznes. Bann proze ki annan pou fer avek Lekonomi Ble.

Mon kestyon i eski Minis ou satisfe dan lepase lafason ki sa bann larzan in ganny servi? Eski i annan en *oversight* ou Minister ouswa Departman *Blue Economy*, i annan *oversight* lo sa bann larzan ki'n ganny donnen? Si vreman sa bann larzan pe ganny servi dan lafason ki i merit ganny servi? Mersi.

MR SPEAKER

Mersi. Minis.

MINISTER JEAN-FRANCOIS FERRARI

Mersi Mr Speaker. Mr Speaker konman en Minister nou napa – nou pa kapab annan sa pretansyon ki nou kapab azir parey en regilater, en labank, en keksoz koumsa.

Alor se pou sa rezon ki nou partner avek *DBS*. E *DBS* li i fer son *due diligence* e i fer son travay parey en labank. E mon ti a kontan dir avek ou ki dan lepase in annan de keksoz ;

In annan serten labi, serten *loan* ki'n ganny donnen nou konnen akoz. Bokou an 2014/2015 e nou konnen akoz. E apre zot pa pe ganny rann. In annan labi ladan. In annan mank swivi par bann direktiv ki ti sorti pli o. Ki fer ki in annan en pe dezord.

Mwan ler mon'n arriv dan Minister Lapes mon langazman avek *DBS* se pou fer sir ki tou keksoz i retourn anba kontrol. E ki nou re get tou dimoun. Nou re eksplik zot ki en *loan* se en keksoz ki ou bezwen peye. Ou bezwen ranbourse. Si ou annan bann difikilte, si I

annan *Covid* ou vini ou eksplike ou ganny en *relief*. Ou ganny en *delay*. Ou ganny en *re scheduling* keksoz koumsa.

Me sa bann larzan se bann larzan ki nou bezwen *accountable for*. Sirtou bann larzan *World Bank* se pa bann larzan ki – I pa pou nou sa. Nou, nou bezwen rann kont lo sa bann larzan.

Alors nou'n fer sir ki nou annan. Nou'n re donn *DBS* son lotonomi, son Lotorite pou li fer sa bann travay. Byensir avek en leker. Akoz en labank Devlopman i pa parey en labank komersyal. Pou konpran bann difikilte ki bann dimoun i pas ladan e permet zot *reschedule*, e permet zot re ganny en dezyenm sans.

Donk mon kapab dir ou ki dan le pase ler serten – si ti annan *loan* ki ti pe ganny pran pou lapes ki ti al dan *guest house*. In arive dan lepase be pa pe arive ankor sa bann keksoz.

So mon krwar tou keksoz i drwat e mon santi ki nou pe al dan en bon direksyon. E menm nou bann kliyan i konpran ki keksoz i bezwen mars drwat. Mersi.

MR SPEAKER

Mersi. PS i le azout keksoz? *Please.*

PS BLUE ECONOMY KENETH RACOMBO

Wi Mr Speaker mersi. Akoz i *donors money* Onorab i deza annan en *procurement plan* ki'n deza ganny *agree*. E i annan en *Steering Committee*. E pou ou lenformasyon *Steering Committee* i annan *both* reprezantan Finans.

E parey anba *Blue Finance* i annan reprezantan *World Bank*. E pou *SMSEs*, *value chain* vi ki en larzan sorti kot *ADB* nou annan reprezantan *ADB*. So ou pa pou kapab *effect any spending* ki *outside the procurement plan*. Mersi.

MR SPEAKER

Mersi. E kote isi ti Onorab Labrosse? Onorab Adelaide alors.

HON FRANCOIS ADELAIDE

Yes Mr Chair. Minis ouswa *PS Lekonomi Ble* se ganny reveni atraver lanmer. E i annan en pti problem la ki bann peser pa al lapes 8er-4er be zot plito *around the clock*. E i annan en problem kot either Lekonomi Ble ouswa Lapes ki zot bezwen anrezistre 8 er a 4er sansan zot napa dwa sorti.

Eski dan sa Bidze i annan petet larzan ki petet pou amelyor sa servis? Pour ki ler en peser i sorti be it 4er bomaten i kapab anvoy son dokiman ki i kapab konnen poudir in sorti lo lanmer.

E mon dezyenm kestyon mon pe trouve anba sa bann programm *Blue Bond* la i annan bokou larzan. E pa ganny mwan mal Minis, me mon anvi konnen, nou'n trouve i annan de ansyen Prezidan, ki ler zot in sorti zot in al anba sa bann programm.

Eski i annan enn ant sa de ex-Prezidan ki'n benefisyen anba sa bann *Blue Bond* la ki nou pe gete? Mersi.

MR SPEAKER

Mersi. Minis.

MINISTER JEAN-FRANCOIS FERRARI

Ok. Mersi Onorab. Ou dezyenm kestyon ansyen Prezidan Michel, ansyen Prezidan Faure tou le de in fer en fondasyon pou promot devlopman dan Lekonomi Ble. Nou napa problemm avek sa. Nou kontan. Nou kontan nou vvar poudir zot pe debourye e pe fer en promosyon ki kapab benefisyen Sesel.

Me selman mon pa okouran ki okenn finansman pe sorti dan larzan piblik. Ou ki zot menm zot, zot in fer okenn demann pou ganny larzan sorti dan sa bann fon pou finans zot lorganizasyon. Mon krwar i pa ti pou apropiye.

E mon vvar Vis Prezidan Meriton osi i annan en lentere dan Lekonomi Ble. In pran kontak avek – a en serten moman in pran kontak avek nou. Donk nou, nou ankouraz bann dimoun pou al dan sa domenn.

Me selman parey ou'n remarke mwan larzan piblik ler mon dormi mon met anba mon zorey. Personn pa pou vin - napa – sa i ganny fer dan en fason drwat e tout an ankourazan tou dimoun pou partisip dan devlopman nou pei.

Lo kestyon kontrol e permision, e reglementasyon pou al lapes, Onorab ou konnen dan sa moman kot i annan en lalit vreman tre for kont lapes ilegal e trafik drog. Prezidan in demann nou kot lapes pou nou osi anmenn nou sipor.

E par ler sa sipor ki nou anmennen i en lenkonvenyans pou peser. Vreman i en lenkonvenyans pou peser. Akoz ou konn nou bann frer peser zot kapab deside la pou la pou zot al – zot get mare zot get kouler lesyel, zot get laroul, annou ale.

Me selman pou sa bann mwan ki pe vini la, annou ankouraz zot pou zot swiv sa bann reglemantasyon. Nou ava fer sir ki nou ganny konplent par ler ki zot telefonnen, napa personn ki pran. Pou pran zot lenformasyon konmkwa zot le al tel landrwa. Personn pa reponn telefonn. Zot anvoy en *text* pa arive.

Nou ava fer sir ki sa bann lasenn komunikasyon transmisyon i mars byen. Dan en fason ki nou pa met plis *burden* lo bann peser.

Me selman i esansyel e i pou pli esansyel a lavenir ler sa Lendistri i devlope pou nou gard en pe lareg. Metod travay ki nou tou nou dakor. Ler nou ale nou konnen kot nou pe ale. Nou konnen ler nou pe retournen nou fer konnen poudir nou'n arive.

Sa bann keksoz koumsa pou fer sir ki napa labi e ki nou resours i ganny *manage* dan en bon fason. E mon krwar PS i lo *Board SFA*. E kot *SFA* i annan en zefor kontinyel pou nou ogmant sa servis. I pa ankor parfe. Mon aksepte i pa ankor parfe me i annan bokou zefor ki pe ganny fer. E i annan bokou sikse osi ki pe ganny fer.

Par egzant zot konnen poudir enn bann landrwa kot in annan kontrovers. Kot in annan keksoz in ganny dir e nou menm nou nou'n vvar poudir, par egzant Bidze pou *fuel incentive* ti 20milyon.

Ler ou kalkile konbyen ki'n depanse ti 35milyon en lannen, 25milyon en lot lannen. Konmsi sa bann keksoz koumsa osi i *link* ansanm. Pou nou fer sir ki sa kip e al lapes nou konnen zot pe al lapes. Zot kalifye, zot gannyen.

Sa bann dimoun ki annan bann benefis nou anvi zot kontinyen gannyen. Me selman nou pa anvi bann ki pa sipoze gannyen, bann ki en pep li – bann zwer ki en pep li ou konnen ki mon oule dir. Konmsi sa ki i merite i gannyen sa ki pa merite pa vin met lanmen dan sa poban. Akoz sinon i afekte bann peser ki bann *genuine*, ki bann senser. Ki bezwen sa lankourazman pou zot travay.

Alor tousala i mars ansanm. Annou kolabore bann peser avek Lotorite Lapes. Nou ava *improve* nou sistem. Me selman pou le moman sa bann kontrol i bezwen la.

MR SPEAKER

Yes ou le azout en mo?

PS BLUE ECONOMY KENETH RACOMBO

Mersi Mr Speaker. Onorab dan devlopman sekter *Blue Economy* nou valoriz e nou bezwen tou nou akter e tou nou *stakeholder*. I annan lespas pou nou tou dan sa devlopman.

E pou reponn spesifikman ou kestyon lo kote si i annan enn ant sa de fondasyon ki'n benefisy wi. *The James Michel Foundation* i deza benefisy anba *the Blue finance the Grant part*. Kot zot pe fer en *Seagrass Mapping exercise together* avek *Deakin University*. Mersi.

MR SPEAKER

Mersi. Wi Onorab en klarifikasiyon si ou annan.

HON FRANCOIS ADELAIDE

En pti klarifikasiyon. Menm Minis pa konnen. Petet dir nou konbyen ki in gannyen? Mersi.

MR SPEAKER

Ou konnen konbyen PS?

PS BLUE ECONOMY KENETH RACOMBO

Mon napa sa *figure on top of* – la avek mwan. Me selman Mr Speaker i pa kapab plis ki R1milyon akoz sa facilite i *allow* ou pou *apply maximum* R1milyon. Mersi.

MR SPEAKER

Mersi. Onorab Mondon.

(*Interruption*)

MR SPEAKER

Mersi pou lord silvouple. Mersi pou lord. Onorab Mondon ou kestyon.

HON TERENCE MONDON

Mersi Mr Chairman. Mon kestyon osi baze lo Lekonomi Ble. Baze lo travay ki zot pe fer e ki zot planifye pou lannen prosenn pou sa Bidze 90milyon R165mil, e baze lo lentere ki bann dimoun pe montre diferan kategori parey ou'n eksplike. Ki prozeksyon zot annan lo litilizasyon sa Bidze pou lannen prosenn?

Eski zot pou kapab mon pe mazinen servi tou sa Bidze? Ouswa ki poursantaz vreman zot pou antisipe pou itilize? Mersi.

MR SPEAKER

Mersi. Minis ou pou adrese?

MINISTER JEAN-FRANCOIS FERRARI

Onorab tou i depan lo ki vites ki sa devlopman dan sa *Zone Value Addition Fish Processing Zone* i ale. E mon kapab dir avek Lasanble poudir mon pa satisfe vites ki i pe ale. Akoz i annan kantite bann baryer administrative ki fer li en pe difisil pou nou bouz vit. E de ki nou lo nou kote nou'n fini larg bann dimoun, nou'n fini montre zot kote zot later i ete.

Selman nou bezwen *survey*, nou bezwen donn zot zot dokiman later pou zot al labank. Avek tousala i pran en ta letan. I en proze ki mwan mon pa pou *slack* lo la.

Me selman mon konnen e mon ti annan enn mon envestiser Seselwa dan mon biro bomaten menm, ki pe dir mwan be kan pou arive? Kan nou pou ganny nou later?

I pa osi fasil ki sa. Prosedir ti long. Mon tan Onorab Pillay pe dir i dalon. I pa dalon kontrer nou'n pas en bon pe letan pou nou pran sa bann later ek zot bann dalon ...

(laughter)

(Interruption)

MINISTER JEAN-FRANCOIS FERRARI

... ki ti'n pran sa later pou zot fer bann keksoz ki napa nanryen pou fer avek lapes lo la. Alors reste ou trankil Onorab Pillay mon pe koze.

MR SPEAKER

Un instant. Onorab Pillay ou a tenir lord? I sa bann komanter ki ou fer *off-mic* ki fer problem. Fodre ou konpran.

HON SEBASTIEN PILLAY

(Off-Mic)

MR SPEAKER

Onorab Pillay ou menm ou ki'n konmans sa. Minis annou pa al dan en deba lo sa size. Termin avek kestyon sa Onorab silvouple.

MINISTER JEAN-FRANCOIS FERRARI

Mersi Mr Speaker. Wi nou pe fer tou pou nou kapab *allocate* sa bann later. E sa i ava swiv par *disbursement* sa bann *loan*. Mon asire *PS* in dir nou poudir lentere, lapeti pou sa bann *loan* i la. I zis zot bezwen sa lankadreman pou zot kapab benefisy. Mersi.

MR SPEAKER

Mersi. Nou pou termin kestyon la e nou pran vot lo Bidze pou *Ministry of Fisheries and Blue Economy* ki lo paz 83 ziska 93 pou en total 108milyon R66mil.

Manm ki an faver lev lanmen silvouple? Mersi pou lord. Napa Manm ki kont. I annan Manm ki kont? Non.

Vot lo Bidze pou *Ministry of Fisheries and the Blue Economy* lo Paz 83 ziska 93 pou en total 108milyon R66mil, 28 Manm in vot pour, 0 kont e en abstansyon. Alor sa Bidze in aprouve par Lasanble.

Mon remersye Minis e son delegasyon *Blue Economy* pou zot partisipasyon. E mon swet zot bon kouraz dan zot travay e bon kontinyasyon. Nou a aret la pou bomaten. In ariv apre midi nou aret la. E nou a repran travay 2er. Mersi.

(BREAK)

SEYCHELLES BROADCASTING CORPORATION**MR SPEAKER**

Bonn apremidi tou Manm. Bonn apremidi tou dimoun ki pe swiv nou. nou pe pran Bidze pour *Seychelles Broadcasting Corporation*. Madanm Reporter nou ava envit delegasyon pour antre silvouple.

Bon, bonn apremidi delegasyon *SBC*. E nou annan avek nou ozordi- e mon swet zot la byenveni; Mr Berard Dupres *Chief Executive Officer*. Ms Denise Horace, son *Financial Controller*. E nou kontinyen annan osi bann zofisyen Minister Finans ki ti avek nou bomaten. Bon, Bidze *SBC* i lo paz 75 ziska 81 pour en total R132milyon 731mil. Mon ava envit *CEO* Dupres pou entrodwir son Bidze silvouple. *CEO*.

CEO SBC BERARD DUPRES

Mersi Mr Chairman. Bonn apremidi Mr Chairman. Bonn apremidi tou Manm Onorab, tou Manm piblik ki a lekout lo radio e televizyon SBC bonn apremidi. Manda SBC se pour organiz e donn en servis difizyon radyo ek televizyon piblik Seselwa. Pou pas lenformasyon edike, e egey Manm piblik e osi asire ki i annan en reprezantasyon ekitab bann divers lopinyon.

Son *lezistasyon i dapre Lartik 168 nou Konstitisyon ki fer provizyon pour en servis radyo e televizyon, ki ganny son Bidze avek Leta, me ki endepandan.

Lalwa ki gouvern SBC dan *SBC Act 2011* ti azout 3 lobzektif spesifik pour nou medya nasyonal.

- 1) prezerv laliberte medya.
- 2) asir en devlopman balanse dan difizyon radyo e televizyon.
- 3) elev standar zournalizm.

Dernyen fwa ki mon ti devan sa Lasanble an Avril sa lannen, mon ti osi tous lo rol SBC dan katriyem pilye, nou la demokrasi. Mon somer an Avril i reste pertinan Mr Chairman. E sa se ki mandan SBC i pa pou zis enformen, edik e egey nou lodyans, me ki rol SBC konman en parti prenan dan progresyon nou la demokrasi e proteksyon drwa endivid i egalman enportan - si pa pli enportan.

Mr Chairman mon'n refer sa pwen dan konteks sa ki pe pase an se moman dan nou pei. Sirtou lo rezo sosyal, kot respe pour lopinyon e drwa nou prosen, i dan en defisit alarman.

Mr Chairman mon ava prezan fer detrwa not lo Bidze SBC pour 2022. Ou'n nonmen ki total ki pe ganny propoze pour 2022 i R132milyon 731mil. I enportan pou note ki dan sa sif total R31milyon i reprezant konponan *Grant* pour konstriksyon *SBC House*.

Bidze operasyonnel pour SBC i al lo en total R101milyon. Ladan, R56.95milyon i pour *wages and salaries* ki reste preski menm parey pour 2021, sof en logmantasyon 500mil pou *cater* pour bann gratwite tradisyonnell.

Anba kou pou *staffing* SBC pa ti ganny okenn alokasyon pou pey konpansasyon son *staff* ler zot kite ou retrete. Sa ti fer ki envayableman nou ti toultan annan en defisit dan nou Bidze *staffing*, akoz nou ti bezwen pey sa sorti dan nou alokasyon total ler *staff* i kite. E in annan en bon nom.

Mon byen kontan pou note- pou not desizyon Gouvernman ki konpansasyon pour staff SBC pou ganny santralize anba *Consolidated Fund* parey lezot antite servis piblik.

Pou *goods and services*, sa sif i 44.6milyon. I byen pou note ki konpare avek bann lannen presedan kot sa sif in reste 30milyon pour 5an, ki *funding pour goods and services* ti ogmante par 6milyon pour sa lannen 2021. E pour lannen 2022 par 7.5milyon. Spesifikman anba alokasyon pour *minor capital outlay*. Mr Chairman sa en lendikasyon tre ankourazan ki Leta in konmans rekonnet bezwen SBC pour moderniz son bann lenfrastriktir teknolozik, pou sipor sa konverzans nimerik ki i pe pas ladan.

Pour 2021, parti sa alokasyon- savedir sa lannen, ti pou nimeriz nou arsiv ki ti dan en leta enkyetan. Pour 2022, pli gran parti sa alokasyon i pou SBC ofer en servis *OTT*; - savedir en servis *online* oubyen parey nou petet kapab mazinen, par kab.

Mr Chairman en servis *OTT* ki enkli en servis *Video on Demand* in en lobzektif stratezik kle pour SBC. En servis *OTT* pou ede sofgard relevans nou medya nasyonal, kot nou bann lodyans, sirtou nou zenn, i konsonm konteni ki zot anvi, ler zot anvi lo *platform* ki zot anvi.

Apard ki fasilit akse avek bann programm ki SBC i prodwi, en servis *OTT* i annan gran potansyel pou ogmant reveni ki SBC i resevwar. E ki byen bezwen pou bous bann trou ki son alokasyon anyel pa arive kouver. Avek sa Mr Chairman mon ava termin mon lentrodiksyon e mon remersi tou bann Manm pou zot lekout.

MR SPEAKER

Mersi. Nou pou prezan pran kestyon bann Manm. Mon a envit bann Manm ki annan kestyon pou lev lanmen silvouple. En moman tenir en pti moman. Wi tre byen.

Lo kote *LDS*, personn pa'n lev lanmen pou demann kestyon e Onorab Henrie in apros mwan lo lapar *Caucus LDS* pou eksplik mwan ki zot Manm pa pour lev kestyon lo Bidze *SBC*, me selman zot a pran loportinite pou fer en *statement* pou piblik konpran akoz zot pa pe lev kestyon lo Bidze *SBC*.

Donk, mon pou pran kestyon lezot Manm avan, e dan plas bann kestyon mon a permet Onorab Henrie fer en *statement* pour eksplik zot pozisyon. Onorab Pillay ou annan en pwen lo sa? *Sorry?* Anr ou pe- *yes* tre byen.

Bon, *ok* nou a komans avek bann kestyon. Mon pa sir lekel ki'n lev lanmen selman mon konnen Onorab Gill ti enn bann premye.

HON CHURCHILL GILL

Mersi Mr Chair. Bonn apremidi *CEO* avek ou *panel*. Ler nou ti pe diskit Bidze 2021 mon ti fer sorti serten konsern konsernan biro Praslin. E sa letan mon ti ganny dir ki ti napa finansman *available* pou kapab adres sa bann konsern ki ti annan.

E la dan *building and infrastructure* mon vwar i annan en R31milyon. Eski pou sa bann defayans ki mon ti fer sorti lannen pase pour Bidze 2022, i annan alokasyon pour nou kapab adrese? Vi ki mon war i annan R31milyon la ki'n ganny mete. Eski si sa i zis pour Mahe? Mersi.

MR SPEAKER

Mersi Onorab Gill. CEO.

CEO SBC BERARD DUPRES

Mersi pour ou kestyon Onorab. Sa R31milyon parey mon'n dir dan mon lentrodiksyon, i zis pour *SBC House* Onorab. Nou rekonnet ki i annan en pe amelyorasyon nou bezwen fer pour Praslin, e sirtou petet ganny en nouveau landrwa kot nou kapab *relocate*.

E nou sityasyon 2021 pa'n permet nou rod sa lespas pou fer li i toudmenm, espesyalman la ki i pertinan, pou nou gete dan 2022, kote nou kapab rod sa lespas pour nou kapab ganny en landrwa pli gran, pli afordab pour nou kapab bouz nou lekip ki dan sa pti landrwa parey ou ti mansyonnen lannen pase.

MR SPEAKER

Swivan, Onorab Gill wi.

HON CHURCHILL GILL

Yes, mersi *CEO* pour ou larepons. Me selman pour benefis bann dimoun Praslin ki pe ekoute, ler nou ti diskit dernyen Bidze, mon ti ganny dir pou dir ti napa. La ou dir zot a get lespas. Eski sa i en komitman, oubyen i en keksoz ki ou mazinen apre zot pou bezwen al gete? Mersi.

MR SPEAKER

Mersi Onorab Gill. CEO.

CEO SBC BERARD DUPRES

Onorab mon napa alokasyon *funding* pour spesifikman Praslin sa lannen. E i annan en ta keksoz ki nou demande ki nou pa gannyen. Parey ou konnen i annan *ceiling*.

Prezan nou ki nou gete, ler nou annan en pe lespas, nou zwe avek, nou triyange baze lo priyorite.

E parey dan sa lenstans la, nou a bouz Praslin lo priyorite. Nou a gete ki mannyer nou kapab- lo well lo lalis nou a gete nou a revwar, nou a *revalidate* son pozisyon lo bann keksoz parey mon'n dir taler. Ler nou annan lespas fiskal ki nou kapab bous bann trou kot nou kapab. Mersi.

MR SPEAKER

Mersi. Mersi CEO. Onorab Aglae kestyon?

HON EGBERT AGLAE

Mersi Mr Speaker. Bonn apremidi CEO ek ou *panel*. CEO mon premye kestyon i konsern en pe servis ki *SBC* i *provide*.

Premyerman mon ti a kontan demann ou, an se ki konsern zot stasyon radyo, in en kestyon ki mon'n demande dan le pase tou. Eski en desizyon an term Bidzeter in ganny pran kot i konsern sa servis *AM* ki ti dan bann Leta ki pe- sinal deteryore.

E dezyenmman kot i konsern *staffing*, mon war pou dir zot annan en Bidze ase rezonnab mon kapab dir, kot i konsern *staffing*. Eski an se moman, *staff* ki ou annan i ase pou fer marse ou bann diferan Departman dan ou lorganizasyon? Sa i enn.

E dezyenmman, kot i konsern *training* pour bann *staff*, sirtou mon war i annan 1/2 bann zenn ki pe antisipe pou form par ou lorganizasyon. Eski sa konponan osi pe ganny byen zere pou fer ki i annan sa larelev kot i konsern nou *national broadcaster*? Mersi.

MR SPEAKER

Mersi Onorab. CEO.

CEO SBC BERARD DUPRES

Mersi Onorab pour ou kestyon. Bann kestyon pertinan. Stasyon radyo *AM* ler mon ti anonse sa lannen nou ti sipoze pe fer *feasibility*

study ki ti ganny *commissioned* par en *development committee* Gouvernman pour li, avan i fer en desizyon ki pou arive avek.

Sa *feasibility study* in fini, nou pe esper en rapor ki pou avan sa lannen. E la baze lo rekomandasyon sa rapor nou a met devan Gouvernman ki bann rekomandasyon pour zot konsidere- *the way forward* pour radyo AM.

Antretan nou ti dir pou dir nou pou bouz Radyo Sesel lo *Paradise FM* ki li son *tender* i ankour, i *ongoing* la. E nou'n ganny *commitment* ki menm si *funding* pa ti ankor *allocate* akoz ti pou ariv an lannen 2020.

Nou pa'n kapab akoz *COVID* e kou lo la. Pour annan serten *virement* ki pou fer ki pou *at least allow* Radyo Sesel pou annan 2-3 frekans lo *FM frequency* pou *mitigate* en pe sa problem resepsyon.

Desizyon pou bouz e pou- Bidzeter i pirman dan lanmen Leta pou deside ki i pou fer ek sa baze lo rekomandasyon ki pou annan par dan sa *feasibility study*.

Lo kote *staffing* i enteresan akoz i annan bokou parti prenan enkli Minister Finans ki'n dir ki nou *staffing* son kou e son kantite i bokou par son porsyon nou Bidze. E nou sa lannen nou'n fer en travay pour nou gete kote nou kapab redwir *staff*.

E nou'n fer li en fason kot nou'n pa konpromiz nou servis ki nou donnen, me selman frenm 2-3 *post* ler *staff* in ale. So nou'n annan en rediksyon *staffing* sa lannen e i enportan ki nou montre nou bann *stakeholders* ki nou annan sa lentansyon pour nou kapab *as lean as we can*.

So nou'n arrive fer sa e in annan 21 *post* ki'n frenmen sa lannen. E ladan nou pe revwar e kontinyen gete ki mannyer nou kapab fer pou revwar nou bann servis ki nou donnen. Ankouraz *multi-skilling within the team-* ki en dimoun i kapab fer en pe plis. Me sa osi i vin avek son Bidze ki i bezwen ankouraze. S

So nou'n fer sa. I annan landrwa kot nou santi pou dir i annan *staff* ki nou ti a kontan anplis. Parey dan *newsroom*. Nou ti demande pour Bidze sa lannen, nou pa'n gannyen. E nou konpran sa. So nou bezwen travay avek sa ki nou annan, ki kapab *afford* nou sa kantite *staff* ki nou annan an se moman, dan sa sitiasyon ekonomik ki nou ladan.

Training nou fer en kantite Onorab. An se moman la i annan en *Cohort* apepre en douzenn *recruit*. Dimoun ki'n zwenn *SBC* sirtou dan

zournalizm. E nou pe al entansif ziska lafen lannen la avek *training* dan nou *learning center* preski toulezour.

Mon krwar i Zedi ki zot pa la pou donn zot *training* dan zournalist. I annan ki *part-time*, i annan ki *full-time*. Nou annan en bon pe lalis *training* ki nou'n fer sa lannen. E nou kontinyelman ofer dan tou kad. E pa zis dan zournalizm dan SBC. Mersi.

MR SPEAKER

Mersi. Wi klarifikasyon Onorab?

HON EGBERT AGLAE

Mersi *CEO* pour ou larepons. *CEO* si mon pe konpran ou, eski ou pe dir nou pou dir Minister Finans atraver Gouvernman pe demann ou pou fer en restriktirasyon dan en sans, pour ou kapab *bring down your Budget?* E ki an menm tan osi, mon war lo zot *advert* kot zot pe osi *recruit*. Eski sa ki ou pe dir mwan, ou bezwen fer restriktirasyon pou koup ou Bidze, be selman an menm tan i annan serten pos ki pe *advertise* menm. Mersi.

MR SPEAKER

Mersi. *CEO* ou kapab adres sa?

CEO SBC BERARD DUPRES

Tou le de Onorab. Ou'n ganny li byen. Depi 4 an la ler nou ti komanse, lobzektif prensipal ler ou pe fer transformasyon, i annan kad ki kekfwa ou bezwen. E pou ou ganny sa kad la, ler ou pe koze par egzanp pran *multi-media* dan *digital*, ou bezwen *recruit* li.

E pour ou kapab *recruit* li si ou napa lespas fiskal. Ou bezwen les en pe ale oubyen *retrain* en pe. So ou bezwen annan sa balans.

E sa bann *advertisement* ki nou pe fer la i pour bann *post* ki deza egziste, pou zis bous sa bann trou si i annan ki'n ale oubyen ki'n kite. E nou pe kontinyen revwar nou striktir. Eo kour sa bann 2-3 lannen nou'n annan en *shift* dan *skillset towards* bann ki en pe pli *agile* lo kote elektronik, teknik ek *digital*. E nou war pou dir sa pou kontinyen.

So ler nou annan lespas, e sirtou lo zournalist e *front end* sa nou pou kontinyen gete kot nou kapab. Be sa bann *advert* li i pour bann *post* ki nou bezwen, swa bann dimoun in ale.

MR SPEAKER

Mersi *CEO*. Onorab Lemiel.

HON SYLVANNE LEMIEL

Mersi Mr Chair. Bonn apremidi *CEO* avek ou delegasyon. Mr Chair koman *SBC* i katriyenm pilye nou demokrasi, mwan mon pou siport Bidze *SBC*. E an menm tan *SBC* zot manda osi i pour zot pas lenformasyon e lenformasyon kredib avek pep Seselwa. So alors mon krwar zot bezwen tou sa sipor posib pour zot kapab fer byen zot louvraz e fer li san lenterferans.

Mon annan en lenformasyon mon ti a kontan gannyen avek *CEO*. An tan ki konsern ou *Strategic Priorities 2022 a 2024*. Ou pe dir ki koman enn ou bann stratezi priyorer, 2022 an montan, *SBC* pe plan pou amelyor son bann sityasyon *funding*.

E sa i enkli angaz zot dan bann novo loportinite zener reveni. Mwan mon ti a kontan konnen, e ganny en lenformasyon, oubyen donn mwan serten legzanp lo ki kalite keksoz ki zot pe mazinen al fer konman *SBC*, pour zot kapab al zener plis reveni? E an menm tan, amelyor bann kalite servis osi ki pe ganny donne? Mersi Mr Speaker.

MR SPEAKER

Mersi Onorab. *CEO*.

CEO SBC BERARD DUPRES

Onorab premyerman mersi pour ou sipor. Lo sityasyon *funding-loportinite* prensipal i li menm li sa *OTT service*. Sa servis *OTT* ki nou pou lanse 2022 e avek larzan ki nou pou gannyen *hopefully* pour nou fer sa. E ki mannyer sa i pou fer, se ki pou annan en konponan kot ou pou kapab *subscribe* pou ganny bann servis *Video on Demand*.

Savedir avek en *fee flat* par mwan, en dimoun nenport ki kote i ete; Sesel, aletranze, i met son *username and password*. I pey ou en *fee-* parey *Netflix* i kapab konsonm nou larsiv, nou *back catalog of* konteni *as much as they want*.

Sa i en model ki nou pe eksplorie. Deza i annan en bon pe *trial* nou pe fer pour nou vin ladan.

Sa nou krwar i- nou konteni i nou prodwir ki nou annan. Sa se-napa personn ki annan. E nou'n tande pou dir annan- met li deor, les dimoun vwar nou bann arsiv.

Bezwen me dan en fason kontrole lo en *platform* ki kontrol akse avek. An menm tan sa dimoun ler i pe konsonmen, i pe pey en *subscription* tou le mwan.

Sa is a bout lo *Video on Demand*. *Basically*, pour en dimoun kapab get nou bann arsiv, enkli nou bann resan program ki nou fer. Ou kapab dir li menm li i en louvertir pou lemonn antye, konteni ki *SBC* i prodwir.

E ler mon pe dir louvertir lemonn antye, en dimoun ki koz Kreol Moris or en lezot landrwa i kapab vwar lanmizik Seselwa, pe vwar dramatik Kreol or lezot ki *sou-titre* e konsonm sa. E i ouver laport pour nou kapab fer plis ankor.

An menm tan i ouver laport pour *advertising* lo sa bann konteni endividyle baze lo kantite *views* ki ou war. E i kapab anmenn nou preznan akoz nou konnen pou dir *advertising* tradisyonnal lo *linear platform* in desann. Dimoun i fer son own *advertising online*. Me ler nou pou al dan sa lespas, nou kapab fer *targeted advertising* pour diferan *demographics*. E dir avek bann *advertisers*, be gete; nou annan nou swa mil, 5mil, 10mil dimoun ki pe *subscribe*. E otomatikman sa ou lodyans ki ou pe kapab war.

So i anmenn en loportinite parey mon pe sey dir- diferan pour ou kapab fer en *targeted advertising*, ki bann dimoun ki anvi *advert* i konnen mon annan 10mil dimoun pe get mon *advert* dan en sel kou.

Sa i sa 2 prensipal Onorab. Mersi.

MR SPEAKER

Mersi CEO. Onorab Cosgrow.

HON WALLACE COSGROW

Mersi Mr Chairman. Bonn apremidi *CEO* avek ou *staff*. Mr Chairman, medya *is the 4th Estate* of nou Demokrasi. E mon krwar i enportan ki nou konman en lasanble nou donn sipor medya.

Malgre tou son difikilte petet ki zot resevwar, selman mon krwar i enportan ki nou siport medya. E mwan osi mon zwenn avek Onorab Lemiel pou dir ki mon pou siport zot Bidze, malgre bann difikilte ki annan.

Mon ti a kontan demann 2 pti kestyon CEO, Premye kestyon, mon remark dan ou *wages and salary*, mazorite bann seksyon ladan, letan mon get an detay i annan swa en *decrease* ouswa napa en *increase*. *Apart for news, current affairs ek sport* i annan en pti *increase* apepre R500mil.

So, going forward CEO eski ou kapab dir nou ki plan zot annan petet pou kontinyen donn bon reminerasyon zot bann staff? Sirtou bann ki dan *background*, bann staff teknik ki dan *background* ki zot pa neseserman pa pe ganny war lo televizyon toulezour.

Ouswa lo radyo, me selman zot osi donn en sipor ki enportan ki kapab *keep the service running*. So ki plan zot annan? Akoz mon pa pe war dan Bidze sa lannen, e menm bann lezot lannen ki vini pour zot.

Mon dezyenm kestyon. Kan *SBC House* pou pare pou zot *move* ladan? E ki provizyon Bidzeter zot pe fer pou kapab antre dan *SBC House*? Akoz mon pe get 2022, 2023, 2024, mon pa pe war provizyon bidzeter. E i riske koz en problem pli tar ler zot pou antre dan zot nouvo lokasyon. Mersi.

MR SPEAKER

Mersi Onorab. *CEO*.

CEO SBC BERARD DUPRES

Mersi Onorab, premyerman pour ou sipor e pour ou bann kestyon. Lo kote *wages and salaries*, i vre sa ki ou *note* i pertinan Onorab. Ler ou dan en sityasyon kot ou ganny dir ou saler i gro konpare avek ou Bidze *goods and services overall* e pe kontinyen *pick up*. I difisil pour ou kapab ganny sipor pou an *increase* dan saler.

E nou pa kapab nou, sirtou sa lannen, sityasyon lekonomi pou demande. E i vre ki *going forward* nou war li en pe vreman difisil pou fer sa. I annan 2 fason ki mannyer ou kapab- swa ou ganny larzan pou ou fer li, swa ou redwir ou kou *overall* ki ou kapab donn en pti git anplis pour *staff*.

E si nou pran legzanp sa lannen, nou'n kree en pti git lespas baze par sa rediksyon pou nou *keep* sa *ceiling* ki nou annan la. Pou nou pa mont par lao. Ladan pou nou vwar ki mannyer, parey ou'n *point* en pti git to *news and current affairs*, en pe pou revwar zot *Scheme of Service*.

E li, li menm in zener en pe deba entern; akoz zis *newsroom*? Akoz zis zournalist? E i pertinan kestyon, akoz bann lezot nou pa pe gete. I pa ki nou pa pe gete Onorab, i zis ki nou napa larzan pou gete. Me selman, lo bann *case-by-case basis*, ler nou war nou bezwen *incentivize* bann ki *pe go over and above*, sa nou fer li tanzantan e toultan, a la limit ki nou Bidze i fer li.

So i annan en pe lespas pour nou kapab fer sa. Nou dan en an kour en revizyon nou *staffing* parey mon'n eksplike boner ki kapab *allow* - Pli nou *modernize*, pli nou annan bann lekipman ki *allow* nou to fer keksoz en pe pli efikas. Pour nou kapab *raise the overall*, me selman donn plis - *incentivize* plis. *Incentivize* plis ki i annan dimoun ki petet pe fer en pe plis e sa tou kou nou tant pou rekonnnet e donne.

So i vreman difisil pour nou kapab. E nou pa pou kapab donn en *commitment* akoz pa nou ki *fund*. Pour sa lannen nou'n demande. Nou'n demann en *amount* sibstansyel, me parey ou konnen i *above* nou *ceiling* e i pa'n ganny aprouve.

E nou rekonnnet nou dan en sityasyon ekonomik difisil. E nou a gete ki mannyer i ete pour 2023 si i annan lespas. E nou pour kontinyen demande *overall*.

Akoz i byen. I annan en ta bon travay pe ganny fer, pa zis nou bann *frontline staff* me *back office* e enkli nou bann operater teknik ki mon le rekonnnet la zisteman ki ou'n nonm sa.

Lo kote *SBC House*, i annan en *delay* ki nou, nou konsernen avek. So kan nou pou antre, ti sipoze 2019, 2020. E la sa *delay* i konsern *SBC* bokou. E an vi ki nou pa pe ganny *commitment fully* kan i pou fini, mon krwar i pou bezwen annan serten diskisyon avek Minister Finans lo kote bann *requirements*, pour sa *building*. E nou'n deza annan sa diskisyon.

Par egzanp, i annan provizyon pour *partitioning* dan Bidze 22. Ler nou pe koz *partitioning*, pa pour nou al met bann separasyon, pou ferm en *open office*, me pou kre lespas pou tou nou bann *staff*.

Mon krwar ti eksplik sa *earlier this year*. E apre i annan ki'n mete en pe pou bouze si nou pou bezwen. Mon krwar ker i pli kler kan, e ki bann lezot modalite, mon sir nou pou kapab anmenn en *figure* pli egzakt, ki nou kapab prezant devan Minister Finans e Gouvernman pour dir be la la, kou an zeneral pour *SBC House*.

Par egzanz, elektrik i enn ki pertinan, e i pou kout sa ki i koute. Alors la nou bezwen vini prezante pou dir ki nou annan en defisit lo elektrik.

So i pou bezwen targete. I vre ki i napa bokou ladan. Be i annan 2. Enn pour *partitioning*, ek lot pour nou revwar nou sistenm *playout*. Mersi Onorab.

MR SPEAKER

Mersi. Onorab Pillay.

HON SEBASTIEN PILLAY

Mersi. Bonn apremidi CEO ek ou Delegasyon, bonn apremidi tou dimoun ki a lekout. Mr Chairman avan mon konmanse, mon relasyon avek SBC i toulstan en *love and hate relationship*. Mon pa zanmen toulstan satisfe.

E sa i normal akoz se sa natir kot mwan mon ete, se ki dan politik nou pa pou zanmen toulstan satisfe avek *broadcasters* avek zournalist. Nou tou nou pou toulstan anvi zournalist *carry* sa ki nou, nou dir.

Spesifikman dan ou Bidze, i en Bidze ki *relate* avek tou ou bann travayer ki travay SBC. En kantite dimoun ki fer zot louvraz menm ziskan tar, e zot devoue. So kestyon ki mon annan pou ou, mon le vin spesifikman lo lankadreman ou bann travayer e anba ou bann *wages and salaries in cash*.

E mon vvar pou dir provizyon i R9milyon 392mil. E ladan ou *basic pay* i 6milyon. Zis klarifye, sa 6milyon i pour bann dimoun ki tonm anba sa programm 1, *Government Management and Administration* korek?

E mon ti a kontan petet ou dir nou, an relasyon avek sa, ler - mon konnen ou'n donn serten, detay serten lenformasyon lo lezot landrwa an se ki konsern travayer. Mon vvar osi lo *current affairs and sports* ou annan en lot provizyon R9milyon. Savedir around 18milyon, plus sa 2 milyon, 20 milyon.

So en gran konponan ou Bidze i al dan *wages and salaries* e dan *TV and Radio Program* sa i *the major component which is almost 17 milyon*.

When it comes to sa bann konponan ki ou pe dir mwan la, e ler par egzanz mon pran *TV and Radio Programs* par egzanz prodiksyon programm e travay ki bann zournalist e bann *cameraman* i fer. Eski

SBC in kapab ankadre bann dimoun ki pe fer sa louvraz dan en fason ki reminerasyon ki zot pe gannyen, pour travay ki zot fer in *improve*?

As oppose to petet kot zot ti ete oparavan, given ki- mon pe met ou dan en pozisyon difisil me, given ki sityasyon pri lavi in sanz en kantite, e demann lo zot par bann dimoun pou kapab fer sa travay e fulfill bann lobligasyon sa travay in ogmante? Sa mon premye kestyon.

Mon dezyenm kestyon i *regarding overtime*. Zot annan en *Overtime Policy* dan SBC mon prezimen ki gid bann fason zot donn *overtime*. An se ki konsern bann *staff* ki petet bezwen siport bann *staff* ki al lo *field*, eski zot osi zot ganny loportinite pour ganny provizyon pour *overtime*, o moman ki zot pe fer zot travay?

Apre mon annan en kestyon Mr Chairman, lo size *SBC House*, en? E la mon pou anmenn ou osi an se ki konsern *retained earnings* SBC. Eski ou dan en pozisyon pou dir nou *retained earnings*?

Mon krwar SBC in toultan annan en provizyon, sa ki zot fer zot garde pou zot remet dan zot Bidze, si mon pa korek ou ava koriz mwan. Esaki zot in vwar en amelyorasyon dan *retained earnings*?

E eski sa i kapab ganny servi pou ki zot *move* dan *SBC House* dan en dele letan pli vit?

Akoz ler mwan mon'n *visit* zot *Headquarters*, bann lezot dimoun ki vin kot zot, ou toultan vwar ki i annan- malgre bann *staff* SBC i fer zot mye pou fer zot travay dan sa *confines* ki zot ladan. Pa ki mon toultan satisfe avek me mon dir zot fer zot mye ver zot travay, Ou vwar i annan en difikilte kontrent lespas.

Menm pou fer *interviews* parfwa avek sertern dimoun ou bezwen servi the *right background*, i difisil antre dan en pti lasanm. I annan bann difikilte reel ki zot rankontre.

So eski sa i en provizyon ki zot kapab servi pour zot bouz pli vit dan sa *SBC House*? Mersi.

MR SPEAKER

Mersi Onorab. *CEO*.

CEO SBC BERARD DUPRES

Mersi Onorab pour ou kestyon. Ou bann kestyon e ou sipor pou Bidze. Mon a pran rever, akoz *SBC House* i en keksoz pertinan. Mon krwar ou'n get en pe bann konsern ki nou, nou annan.

Premyerman pli ou *delay* Hermitage, an krwayan ki ou pou bouze, ou pa pe envestir dan son *upkeep*. Premyerman.

E anplis ki sa, i ti deza annan bann kontrent ki pa ti ideal pour en stasyon *broadcasting*. E ou menm ou, ek tou lezot ki vini i vwar.

So par egzanp, zis en legzanp sa, si ou pou al re aranz *studio* pou met *lighting* pou sa- ou krwar ou pe ale lannen prosenn, ou pa kapab pran larzan met dan en *studio* la. Ou bezwen espere ou dir nou ava met lannen prosen. Nou ava ganny sa enn ki pe vini.

E senp. *Furniture*, tou bann lezot keksoz ki pe gannyen ou dir be tenir, pa envestir, nou pe ale. Be ki arrive, over 2-3 2an la, ou war ou pa pe met larzan ladan. Akoz, lekspektasyon ki ou pe doub *pay*.

E i vreman difisil sityasyon pour nou bann *staff*. I pa *the most conducive environment to work*. Sirtou bann ki *at the back office*. I annan lespas ki vreman kontrent. E nou'n la koumsa, wi petet redwir en pe *staff* i pa pou *achieve* sa ki nou anvi *achieve* sa ki nou anvi *achieve* lo kote *improve* lanvironnman travay Hermitage.

Pour nou fer sa i pou demann en kou en pe pli konsiderab, ki nou reveni i kapab *afford*. Be eski i byen pour nou fer sa? Akoz Reveni ki nou gannyen i li menm li pa ase. Laranzman orizinal se ki reveni pou pey programm pour ou aste programm.

E nou pandan sa dernyen 4an nou'n fer plis ki sa. Nou'n pey *deficit* lo *DTT*, nou'n pey l'investisman dan teknolozi kot nou pa'n ganny larzan pou fer li avek nou reveni.

E nou'n *exhaust* li. E an se moman ou pe mars lo, ou kapab dir *overdraft of* ou reveni pou ou kapab *keep up* pour ou pey bann keksoz. Zis pou fer okenn dout, nou napa rezerv reveni. E sa ki nou gannyen, nou bezwen pour nou bous sa bann trou ki mon'n fer referans avek *earlier*.

E si nou pa pe bouze 2022 dan *SBC House*, sa pwen ki ou'n leve, sa bann konsern ki ou'n leve pou kontinyen *increase* e nou pou bezwen anmenn sa devan bann ki kapab donn nou Finans, pour nou kapab aranze Onorab.

Lo kote *overtime*, *overtime* i en *entitlement* legal li. So tou dimoun ki fer *overtime* i bezwen ganny *overtime*. Sa i napa bouze lo la. Ki'n arrive dan bann *scheme of service*, se *commuted overtime* in ganny *consolidated*. E *commuted overtime is the norm* dan *SBC*.

E i annan lezot seksyon ki napa sa dan zot *Scheme of Service* e zot, zot ganny pay *incidental overtime*. Napa - pa gannyen *overtime* si ou pa pe *work overtime*.

Ou'n mansyonn en pe lo bann anplis, ki nou pe fer anplis pour bann ki pe travay en pe plis. Ler mon ti vini nou ti remarke poudir menm sa *overtime* pa ti ase, konmsi ler ou donne as *commuted*.

E nou ti dir i annan landrwa kot dimoun pe donn bokou dan 7 zour- zot pe travay dan en semen zot pe travay 6-7 zour an plis. An plis sa erdtan ki zot fer anplis pandan lasemenn, nou ti entrodwir en *Scheme; 6 and 7 day working*.

So ki ou fer, sa *commuted overtime* i kouver ou 5 zour ki ou travay *overtime*, apre si ou travay sisyenm ek setyenm zour, dan kad loperasyon, nou pey ou sa. E sa mon krwar i anmenn en pe *fairness*, pou redres enpe sa sityasyon anplis ki ou'n dir ki nou bezwen get en pe.

Nou lespas fiskal pa'n permet nou fer plis ki sa Onorab. Me menm ladan nou'n war nou an defisit pou seye donn en pti pe plis kot nou krwar i merite. E sa nou'n toulstan sousye, e toulstan nou pou gete kote sa ki pe fer anplis i bezwen ganny plis e revwar.

Nou annan en ta *proposal* nou ti'n mete dan bann *Scheme of Service* ki nou pe revwar e anplis pou nou gete, me malerezman i pa posib. Akoz nou'n ganny *cap* nou *ceiling*, so nou bezwen *make do with what we have at the moment*. Mon krwar mon'n reponn tou ou kestyon Onorab. Mersi.

MR SPEAKER

Mersi CEO. Onorab Uranie.

HON ROCKY URANIE

Mersi Mr Speaker. Bonn apremidi CEO ek ou delegasyon. Bonn apremidi tou koleg Onorab e tou Zabitant Zil Pros a lekout. CEO eski ou santi ki sa Bidze pe fer alokasyon pou kouver otan posib Zil Pros parey La Digue ek Silwet?

Apre mon vvar anba *sub program 2, TV and Radio Programs* i annan sa ki nou apel en *participation fee*, selman mon pa vvar naryen pour lannen pase ni 2022, 23 e 24. Prezan mon pe rode, en leksplikasyon ki savedir sa *participation fee*, akoz i la? E akoz nou pa pe war naryen pou tou sa bann lannen? Mersi bokou.

MR SPEAKER

Mersi Onorab. CEO.

CEO SBC BERARD DUPRES

Mersi pour ou kestyon Onorab. Lo kote *participation fee* mon ava demann *FC* pou pran en pe letan pou gete akoz i pa avek mwan. Mon a reponn ou konsernan La Digue avek Silhouette an premye lye.

Bidze *SBC* i pour *SBC* an zeneral. E i pa target okenn rezyon pou pei an zeneral. I pa target okenn rezyon spesifik. Sepandan, parey ou konnen, nou en pe sousye pour bann Zil Pros. E nou annan programm ki kouver en pe ki pe pase laba.

Nou annan en pti tim laba Praslin e nou definitivman vvar nesesite la avek kontrent *staffing*, pour nou anvoy en lot Zournalist pou kouver Praslin ek La Digue.

E sa i akoz sa enn ki ti pe donn nou sa sipor, li i pa personnelman kapab fer li. Menm si i en *staff SBC*. Prezan nou pou repran en pe, en *assigned* zournalist pou Praslin ek La Digue.

E mon krwar dan sa konteks finansyer ki nou ladan, sa i *maximum* ki nou kapab fer Onorab. E si i annan bann aktivite, oubyen bann lezot key anplis ki demann en serten ranforsman sorti Mahe sa tou kou nou fer. Si i annan en aktivite en pe pli o nivo- ki demann en pe plis resours. Sa nou fer li.

E petet akoz *COVID* osi nou pa'n ganny sans vvar sa mobilizasyon *SBC*, ler i neseser pour nou al Praslin oubyen La Digue. Me selman nou pou fer li. Nou pou *as much as possible* kouver Praslin ek La Digue. E si i annan defayans lo sa kote osi, i nou bann parti prenan zot menm osi, tou kou i kapab *feedback*, pou dir be la ou pe mank en pe akoz nou pa anvi kit nou bann Zil Pros. Mersi Onorab. Mon a demann *FC* pou reponn ou kestyon parske...

MR SPEAKER

Wi. Wi *Financial Controller* ti pou eksplik en keksoz wi. Ou'n pare?

FINANCIAL CONTROLLER DENISE HORACE

Bonn apremidi Mr Chairman avek tou bann Manm Onorab. Annefe lo sa kestyon *participation fee* i pa sipoze la, akoz son bann depans i ganny abzorbe par *TV and Radio programs*. An briyevman i par egzanp ler i annan serten dimoun i partisip dan en programm, mete en *band*, nou bezwen pey zot. Be sa in ganny abzorbe anba nou lot *lined item TV and Radio programs*. Mersi.

MR SPEAKER

Mersi *Financial Controller*. Onorab Vidot prezan.

HON AUDREY VIDOT

Mersi Mr Chair. CEO bonn apremidi avek ou delegasyon. Bonn apremidi tou dimoun ki a lekout. CEO mwan mon pa pou vot kont ou Bidze, me par kont mon annan konsern ki mon le met dan ou latansyon.

Ou'n dir pou dir, Bidze pa ase. Mon rapel dan sizyenn Lasanble osi letan mon'n la, plizer repriz nou'n met serten konsern. Ou'n dir ki Bidze pa ase. Me i annan 2 pwen ki 2 mon koleg lo sa kote latab in fer resorti.

La vi ki ou Bidze in mont plis ki ti ete lannen pase, *still* nou pa pe vwar komitman kan sa bann problem pou ganny adrese. 1) i sa ki Onorab Aglae in fer resorti. Wi i annan *issues* lo nivo Mahe ki i annan serten landrwa, ki i pa akseptab ozordi ki nou pa pe ganny ditou koneksyon *AM*.

E dezyenmman, mon koleg Onorab Gill in fer sorti en pwen, mon krwar osi- e mon pou tonm dakor ek li ki i pa akseptab ozordi, dan sa lepok ki nou'n arive, i annan serten landrwa Praslin ki pa pe ganny akse avek programm *SBC*?

Nou pe dir koneksyon a tou dimoun pour ganny lenformasyon, so nou bezwen rod fason vwar ki mannyer resours e zot annan en *Board* met presyon pou vwar ki mannyer zot kapab adres sa bann *issues*.

Lot pwen dernyen ki mon le fer sorti - an referans avek travayer, zot saler. Nou annan travayer ki plizer lannen avek *SBC*. Dan sa Bidze, eski i annan ki pou ganny *increment*? Oubyen- dan *recruitment* zot pe fer wi, me promosyon ki vin avek en *increment*, eski i annan ki pou benefisyé avek sa Bidze? Mersi.

MR SPEAKER

Mersi Onorab. *CEO*.

CEO SBC BERARD DUPRES

Mersi Onorab pour ou kestyón. Mon a pran li an revers. Saler si i annan pour *staff* ganny *increment* oubyen promosyon. Promosyon i en prosesis *out of* revwar ou fonksyon. E sa i annan toultan dan *SBC* pour bann ki nesesar pour sa *post*.

Nou pa zis donn promosyon akoz ou anvi ganny promosyon. Sa i arive toulstan pour sa bann dimoun. Mon krwar ki ou pe referans si pou annan logmantasyon lapey pour zot. Pour sa bann ki la tou sa letan.

Me- mon'n eksplike pou dir nou annan en *ceiling*. E si sa *ceiling* pa permet nou, i permet nou pou zis kapab pey sa bann saler travayer la, nou pa kapab fer naryen. Toulezan nou *submit requirement for realignments and increases*.

E persepsyon ki mon pe gannyen se ki, nou pa pe lager ase pour sa. O kontrer pa fodre nou eksplik nou lager an piblik. Me nou osi nou sousye, nou *aware*. *Scheme of Service* depi 2015 i la.

Nou'n seye lannen apre lannen pou revwar, me revwar in vin avek en fon, en *increase*. E petet, sa kestyon, sa konsern, ti a pli bon ou adres li avek sa ki donn nou larzan. Akoz i pa pe donn SBC larzan pou donn saler ek nou logmantasyon?

Akoz pa nou ki *fund SBC*.

Nou, nou met nou Bidze, nou demann nou *requirement*. E si nou gannyen nou dir mersi. E si nou pa gannyen nou kontiyen fer kler ki i annan en *need for it*.

Onorab i vre ou'n dir 4an oubyen tou sa letan nou pe vini nou pe koz lo saler. Mwan mon kapab ranvers en pti git me vi ki tou sa letan mon'n vini mon pa'n *successful*, ki led mon pe gannyen avek bann Onorab parey ou, pou osi donnen met presyon pour sa?

Akoz mwan tou sa 4an mon'n la, tou sa ta presyon mon'n gannyen konsernan saler. Si mon ti annan kapasite, lontan mon ti'n fer pou kapab arive.

Mon pa krwar i annan en mank volonte lo kote SBC. E mon pa pou koz pour Minister Finans. Si i annan sa nou konpran la sirtou la dan sityasyon ki bezwen annan en *capping*. E pa mwan ki pou fer sa direktiv. E nou'n tande Minister Finans in dir pour 2022 pou napa. So i pa dan mon lanmen Onorab. E nou bezwen get li obzektivman sa sityasyon.

Mon'n eksplike taler pou dir ler nou fer rediksyon dan *staffing* sa lannen pou kontrer pou donn en pe en serten endikasyon pozitiv Minister Finans ;- ki nou pe gete ki mannyer pou redwir nou *staffing*, ki nou'n kapab aranz nou *staffing*.

Ki'n kree en lespas. Ladan i annan en pe, nou'n dir nou pou sey gete ki mannyer nou kapab aranz *Scheme of Service* en zour. E i

annan en parti ki nou pou gete pou- menm ki nou kapab *reward* bann ki *deserve*, pandan sa lespas ki nou ki'n kree.

Dan nou *submission* pou Minister Finans nou'n mete realokasyon *realignments and salary increases for staff who deserve it*.

So, ler i retournen i dir *not funded*. So levidans i la, i an ekri si nou le get ladan nou kapab gete. Be la la sityasyon e nou bezwen- pa pou kapab met- *paint a picture* ki pa le ka, ki *rosy* so pou donn okenn promet. E mon krwar nou bezwen regete fason ki lannen ale lannen vini nou pe demann *CEO* ki pe fer kan larzan pa ek li. Mersi.

MR SPEAKER

Ok *CEO* mon krwar ou'n ase eksplik sa pwen.

CEO SBC BERARD DUPRES

Lo kote resepsyon avek Praslin avek aske pour tou sa- mon sousye avek sa enn ki Onorab Gill in dir konsernan *Zimbabwe* lannen pase. Nou pa'n *ganny in touch* ek ou. Nou'n fer en pe travay. E travay lo la se pou met en *gap filler*. Problem i enn pou fer avek *frequency* sa landrwa.

Parey ou konnen i annan en bann lekipman eronotik dan sa landrwa e nou pou bezwen fer ki sa *issue* lenterferans i ganny minimize. Nou pe pran lekipman pour nou bann sistèm *DTT* Mahe- akoz nou napa larzan. Pran enn, remet li, *rob Peter to pay Paul* konmsi, pou gete ki nou kapab fer pou Praslin e dan rezyon *Zimbabwe*. Nou ti fer pou Silwet akoz nou ti annan *spare*. So i pa mank en volonte ankor, i sityasyon mannyer i ete.

Lo kote resepsyon AM an zeneral ankor, mon'n eksplike *AM service frequency*, son resepsyon i vreman pa bon, in deteryore. Nou'n ganny demande ler nou ti vin soz ti pou kout 5 a 6 milyon apre in monte, in desann, pou fer sa *relocation*.

Kestyon ki bann parti prenan in demande be akfer nou bezwen al fer sa *relocation*, al fer en *feasibility study* avan, ki mon'n dir pe fini la. Apre nou a met devan Gouvernman pou dir ki pou fer avek. E la *funding*, ankor, pa dan mon lanmen. I dan lanmen Gouvernman pou deside si pou donnez oubyen non.

Me antretan mon a profite met en pti *advert* pou zafer SBC Radyo Sesel, parey nou'n sey fer Onorab. Pou dir ki Radyo Sesel i lo nou *channel DTT*. Ou kapab ganny li bokou pli kler si ou ti pou ganny

li lo sa *AM service*. Sa bann ki annan *DTT zis tune* lo la. Mon konnen ou pa mars ek sa radyo i la dan sa- i la i lo nou bann *radio apps* e i *online*. E pour le moman se tou ki nou kapab dir pou ofer pou donn en bon servis resepsyon.

Mon pa pe neseserman tap kalot dan sa ki ou'n dir Onorab. Mon osi i konsern mwan tre bokou. Me i annan en limit ki ou kapab fer ler ou napa finans pour ou kapab adres sa bann problem, e mon fotespere nou ganny en pe pli konprenezon- i byen ki i ganny leve pour nou kapab remet li lo latab pour tou konnen. E mon apresye ki i ede pou kapab klarifye en pe nou sityasyon lo sa bann size. Mersi Onorab.

MR SPEAKER

Ok, mersi CEO. Klarifikasyon Onorab? Fer li vitman silvouple.

HON AUDREY VIDOT

Wi, zis mon ti le dir avek CEO, CEO mwan mon konpran mon. Letan ou'n dir ou pa anvi lager an piblik, i enportan pour piblik konpran. Sanmenm sa mon'n demann ou sa kestyon. Akoz ler ou ou laba, ou pe lager pou ou ganny finansman, piblik la deor i pa konnen li.

So pa pran li personnel. E i enportan ki tou dimoun i konnen. So i dan ou lavantaz pou war pou dir wi *Board* pe lager pour son travayer. La i annan en nouveau Gouvernman nou a regarde si preznan dan lezot Bidze zot a donn ou.

MR SPEAKER

Mon krwar nou'n kouver sa pwen. Mersi. Kestyon Onorab Gabriel.

HON CONRAD GABRIEL

Mersi Mr Chair. Bonn apremidi CEO e Delegasyon. CEO zis ou a koriz mwan petet. Mon pe fouy dan sa Bidze la mon pa pe war en *lined item, travel cost* pou *overseas*, mon pe bann keksoz en pe lo domestik plizoumwen. Mon krwar SBC i kouver bann *events* deor. Zis si ou kapab eksplik sa Lasanble petet ki mannyer sa i marse silvouple. Mersi.

MR SPEAKER

Mersi. CEO.

CEO SBC BERARD DUPRES

Mersi Onorab mon ava demann *FC* pou klarifye pou ou kestyon silvouple. Mersi.

MR SPEAKER

Mersi. *FC* i a klarifye.

FINANCIAL CONTROLLER DENISE HORACE

Onorab ou kapab repet ou kestyon silvouple, akoz mon pa'n byen ganny en konpran.

MR SPEAKER

Petet *CEO* i kapab eksplik ou.

FINANCIAL CONTROLLER DENISE HORACE

Ok Onorab. Parey ou konnen *travel cost* pou sa lannen ti'n ganny tire dan Bidze e nou pa'n fer okenn provizyon pour lannen 2022, an vi an koneksyon avek restriksyon *COVID*. Mersi.

MR SPEAKER

Wi Onorab Gabriel ou le klarifye?

HON CONRAD GABRIEL

Zot annan- mon war i annan en *lined item* pour *training* pou R400mil ladan. Eski sa bann *training* pou deroul lokalman or zot pou bezwen al rod laprouvasyon *whenever* zot pou bezwen *travel*? Zis donn nou en pe leksplikasyon.

MR SPEAKER

CEO ou kapab adres sa vitman silvouple.

CEO SBC BERARD DUPRES

Training i vre i kouver lokal ek *overseas*. Annefe *overseas travel* i annan 2 konponan parey ou'n dir. 1 pou fer kouvertir bann levensnman si i annan. Sa si i annan nou pou pran li dan nou *program budget* akoz i form parti dan programm.

Pour *training*, nou pou bezwen priyoritize, e si i annan nesesite pou pey li nou ava apel li lo priyorte depandan ki mannyer nou kapab servi nou Bidze limite ki nou annan.

MR SPEAKER

Mersi CEO. Bon, mon'n ganny tou Manm ki'n lev lanmen pou demann kestyony. Prezan mon a kapab pran *statement* ki *Caucus LDS* i le fer par Onorab Henrie. I pou napa *follow-up* oubyen klarifikasyon lo sa size oubyen deba. Me selman, parey koutim, mon pou permet CEO pou donn en komanter lo la si i santi i le donne. Onorab Henrie.

HON GERVAIS HENRIE

Mersi Mr Chair. Parey ou'n dir sa ki mon pe al lir i akoz nou pa'n entervenir lo sa Bidze. E pour bann dimoun ki nou reprezante, nou le zot konpran akoz nou'n pran sa desizyon.

Pou Bidze 2021 Mr Chair, *SBC* ti antite ki ti resevwar mwens vot an faver son Bidze pou en senp rezon. Mazorite Manm *Caucus LDS* pa ti siport son Bidze, akoz i annan en persepsyon- menm plis ki en persepsyon ki *SBC* pa pe azir dan en fason balanse. Dan lafason ki i pe prezant bann size ki kouver avek emparsyalite ki satisfer popilasyon antye.

Zot ava rapel, mwan personnelman mon ti dir ki i annan en lerozyon dan konfidans piblik Seselwa, dan *SBC* koman *state broadcaster*. Mon ti sizere ki bann *policymakers* depi Brans Egzekitiv ziska sa Lasamble, zesyon e *Board SBC* i adres bann mankman dan Lalwa, pou asire ki *SBC* konman katriyem pilye nou demokrasi, i annan sa kad legal ki regilasyon ki prezerv li konman sa lenstitisyon ki nou oule vvar li evolye e progres ladan pandan ventyenm syek.

Nou pa satisfe ki in annan ase zefor dan sa direksyon dan bann mwan ki'n pase. E nou pa konvenki ki *SBC* pe regard nou konsern avek lirzans. Nou rekonnert bann zefor personnel lo lapar sertern pratikan medya dan sa lorganizasyon.

Nou ankouraz zot pou kontinyen fer en diferans. Nou rapel parol CEO *SBC* an Avril, ler i ti avoue ki i annan amelyorasyon ki *SBC* i bezwen fer. Pou sit son parol i ti dir;

“Nou bezwen ganny sa balans byen. Nou bezwen *être* emparsyal.” Fen sitasyon. Alor Mr Chair *Caucus LDS* i oule dir avek zesyon e osi *Board SBC*, ki nou santi i ankor annan en mankman. E ki i ankor annan en pe zistans pou ale, avan ki tou dimoun i aksepte *SBC* dan son vre sans.

Nou pa'n satisfe avek zot zefor an 2021. Nou pare pou donn zot lespas pou amelyore e travay avek zot kot i neseser. Sirtou atraver

Komite Medya Lasanble Nasyonal. Kekfwa sa in en pe nou lafot, konman en parti ki dan Gouvernman. Nou pa'n angaze ase avek SBC. Nou pa'n donn zot ase koudmen pou sa semen ganny fer pou anmenn sa balans avek enparsyalite osi vit.

Alor nou pe rekomande ki Gouvernman i met an plas en sistem komunikasyon ki pli efektiv. Kot tou MDAs i pli angaze avek SBC pou asire ki zot mesaz i pli byen ganny kominike avek piblik.

Pou nou ki asiz lo sa kote latab, nou pare pou donn SBC en lot sans pou prouv son lekor. Fodre ki zanmen nou blyie ki nou parti in lager depi premye zour, pou retourne laliberte lekspresyon dan nou pei. E la Mr Chair mon pe fer referans avek partikilyerman lensidan le 3 Oktob 2006.

Pandan ki kkatriyem Lasanble Nasyonal ti pe diskit lamannman dan *Broadcasting and Telecommunication Act*.

Dizon Prezidan Larepublik ansanm avek Minis Dezinyen, lezot aktivis e siporter ti koule akoz sa lalit. Ou menm Mr Chair, ou ti ganny detenir par Lapolis sa zour, akoz sa lalit pou annan en SBC endepandan.

Nou'n lager pou ki *Board SBC* i vin endepandan. Nou'n al Ankour kan ti fodre. Wi, nou oule ki SBC i raport lo realite nou pei, me nou oule ki i fer li avek balans. Sa pa zis dan konteks *educate, entertain and inform*, me pou SBC reformen e vin vreman endepandan, enparsyal, profesyonnel e etik.

Mon oule rapel *panel* ki lannen pase *LGB* ti dekrir SBC zeneralman konman en bon *independent broadcaster* e en bon *national broadcaster* ki nou tou nou rekonnnet.

Me i ti osi, demann sa lorganizasyon dirize par Mr Dupres pou envestir ankor plis zefor, pou fer sir ki tou bann keksoz ki ganny prezante, i ganny prezante dan bonn fwa, e avek sa balans ki neseser.

7 mwan pli tar Mr Chair, *Caucus LDS* pe fer ankor menm pledwari, akoz pour la senp rezon ki nou pa satisfe ki'n annan sa zefor. Kantmenm- e sa i pa zis lo nou kote. Lo lot kote nou antann Onorab Vidot sit-

(*Interruption*)

MR SPEAKER

Order! Order! Onorab Henrie terminen.

HON GERVAIS HENRIE

Mon pe *wrap-up* Mr Speaker, si lot *Leader Lopozisyon* pa ti enteronp mwan. Sa ki nou pe dir i pa zis lo nou kote-

MR SPEAKER

Terminen Onorab Henrie.

HON SEBASTIEN PILLAY

(*Off-Mic*)

MR SPEAKER

Non Onorab. Onorab Pillay mon pe *order* ou reste trankil. Mon'n donn li permisyon *ok?* Mon'n donn li permisyon. Mon pe demann ou reste trankil les nou a fini. Les nou a fini. Nou pa pe ouver deba lo la! Terminen Onorab Henrie.

HON GERVAIS HENRIE

Mr Chair nou'n antann lot kote latab atraver Onorab Vidot ki'n osi sit Onorab Gill e Onorab Aglae lev serten konsern parey nou lo sa kote. E pou fini nou anvi dir *SBC* ki pou Bidze 2023 sertennman nou pa oule annan sa menm konversasyon avek sa lorganizasyon ankor, lo kote sa latab. Mersi Mr Chair.

MR SPEAKER

Mersi.

(APPLAUSE)

MR SPEAKER

Mon pa pe permet deba parmi Manm. Mon pa permet deba parmi Manm lo la, mon pe envit *CEO SBC* pou adres sa bann konsern si i vwar i kapab adrese. Mersi. Bon, les *CEO* adrese.

HON SEBASTIEN PILLAY

(*Off-Mic*)

MR SPEAKER

Ale ki *Order*?

HON SEBASTIEN PILLAY

Order 8 dan *Standing Orders* Lasanble Nasyonal, i annan en seri *Orders* ki'n prevwar ki mannyer nou dil avek Bidze kan in arive lo *Committee Stage*. Ou'n met nou *l'eau qui vive* lo sa kote latab e nou'n swiv ou direktiv.

Ou donn Manm lo lot kote loportinite pou fer en deba lo en *head*. Nou napa problem ek sa nou! Nou napa problem ek sa nou. Ou le donn li loportinite pou fer deba lo en *head*, nou napa problem.

Me sa ki mon pou demann ou prezan, *extend* nou menm kourtwazi prezan *next time*, pour nou kapab fer en deba lo en *head* parey, setou! Setou mon pe demann ou!

MR SPEAKER

Si ou annan en nesesite pou ou fer en *statement* lo en deba lo menm kondisyon, ou kapab ekri mwan e mon a konsidere. Mersi. Wi Onorab Georges mon a ekout ou pwen avan nou kapab terminen.

HON BERNARD GEORGES

Mersi Mr Speaker. Mr Speaker mon krwar ki i annan en *misapprehension* kisia ki nou pe fer la. La nou dan *Committee Stage* lo en *Bill*.

HON SEBASTIEN PILLAY

(Off-Mic)

HON BERNARD GEORGES

Allow me the courtesy please Leader of Opposition to address the House. Mon pa'n koze depi bomaten, donn mwan en sans silvouple? Mersi.

(Interruption)

MR SPEAKER

Order! Order! Nou'n ganny ase *disorder*. Onorab *LGB* fer ou pwen silvouple.

HON BERNARD GEORGES

Mersi Mr Chair. Mr Chair nou dan *Committee Stage* lo en *Bill*. Nou pa dan *Question Time* Lasanble. *In Committee Stage every Member has*

the opportunity to either ask a question, or to make a statement. Se sa Committee Stage!

(APPLAUSE)

(Interruption)

MR SPEAKER

Manm, *Order please! Order please!*

HON BERNARD GEORGES

Nou pa bezwen demann personn permision Mr Speaker, e sertennman pa *Leader Lopozisyon!*

(Interruption)

MR SPEAKER

Order please! Nou'n terminen. CEO mon ankor tenir mon lapel pour ou fer en komanter si nou santi ou bezwen.

CEO SBC BERARD DUPRES

Mr Speaker mersi. Mersi pour donn mwan loportinite pou fer en komanter. Mr Speaker mon trakase. Konman en dimoun ki ti met mon non ler ti demann *advertise* pour *post SBC*- CEO SBC, mon ti volonteer pou en rezon prensipal. Akoz mon ti vwar ki ti annan nesesite pou annan en *broadcaster* nasyonal ki enparsyel, endepandan e obzektif. Pandan sa 4an ki mon'n la, se sa ki mon'n travay pour sa.

A tou lenstans kot in annan sa lakizasyon in tous mwan personnelman. Akoz mon santi pou dir mon pa pe *achieve* dan sa demars. Me selman, annou get depi sa 4an. Depi ler sa *Board* in vini, avek nouvo ladministrasyon.

Si nou onnet ek nou lekor, demande si *SBC* la konmela i vreman pli move ki sa *SBC* ki ti la avan, konsernan lenparsyalite, lobzektif e *accuracy*? Annou onnet en nou lekor, annou dir si nou krwar senserman pou dir sa i le ka.

Dezyenmman. Ler nou pe dir, en konklizyon koumsa. E parey Onorab lot kote in dir, i annan fristrasyon, in mete, me i annan keksoz ki i war i bon. E Onorab Georges osi ti dir an Avril "zeneralman bon e zeneralman ok."

Si sa i leka, eski i pa vin en *statement 'good, but there's room for improvement'* parey tou lezot antite? E ler nou fer sa konklizyon osi, eski pa i bon nou baz li lo bann fe, levidans, legzanz? I ti ava *ok* pou vini pou fer en somer koumsa, kot tou dimoun lo medya nasyonal e dan pei in tande. E i fasil fer en konklizyon.

Me ler ou prezant bann fe pou siport sa konklizyon, i *afford* en loportinite pour sa enn ki pe ganny akize, pour li kapab reponn.

Apre ki mon ti sorti dan Lasamble an Avril, dan nou sistem al revwar tou sa bann sours konplent ki ti sorti kote isi. Nou ti al *investigate* lalipar pou gete, e *issue* i, legzanz kote i mank balans, e i pa emparsyal.

Nou'n donn *at least* en demi-douzenn sa rapor avek *Leadership LDS*. E nou pa'n *share* li an piblik akoz mon krwar ki pou dir; la la ou'n anmenn en konplent e la, la ki nou'n vvar enternman. Nou pa'n ganny larepons pou dir be non ou konklizyon pa bon, wi ou'n mentenir, ou emparsyal.

Nou pa'n gannyen sa langazman me nou'n *provide*. Nou'n fer sa zefor. *And that's an example where* dan nou sistem ki nou'n mete, nou *investigate* tou konplent. Ziska nou al pran lo *Facebook*, akoz i pa vin formel. Nou pran sa ki nou vvar lo *Facebook*, nou dir sa i bezwen annan son validite, ale *investigate*.

E lannen 2020, nou'n *investigate* 43 konplent. Sa lannen nou lo 24. E nou pa espere, parey yer mon konpran *Seychelles Media Commission*. E mon ti a kontan, e menm Onorab ou menm dir yer avek *Media Commission*, ti a bon ava dir konbyen? *Quantify these issues*. Annou dir poudir an 2020 ti annan 24 konplent kot SBC, e dan lannen 2021 ti annan en senkantenn be i pa pe amelyore.

La nou ava pran en- en keksoz ki- kalifye e met en pe *figure* lo la pou zistifye e dir. Ler nou pe koz balans- trwazyenmman nou pe koz balans avek emparsyalite. I *arguable as to* kot ou pe debout. E se pour sa rezon nou met an ekri tou sa konplent poudir be non be, totalman e lo SBC - akoz pou rezon ki mon mete- E sa *Board* osi konman nou war nou pe mal fer lo- nou'n bouz en pe lo kote nou.... Nou redrese.

Mr Chairman i annan en *commitment* par mwan, par mon tim e avek *Board* pour nou mentenir nou enparsyalite, e nou obzektivite. I pa *fair* ki en *statement* ganny fer lo sa size san donn levidans *as to why*.

E mon ti ava petet demande, donn nou byen davans *Item 1* ziskan 5, nou ava reponn e apre i ava annan en konklizyon ki petet ava vin isi. I ava dir be SBC la, la, vre ou pa'n kapab prouve pou dir ou pa'n parsyel. E la, la bann rezon. Nou'n fer. Nou'n donn zot, e i annan ankor ki pe vini. E mon demande, mon enplor zot annou fer li koumsa.

Akoz la, nou pe koz Bidze la. Nou pe koz *funding* pou SBC an zeneral. Zot pe- *Statement* i *about news*. Be SBC pa zis en stasyon ki prodwir Nouvel Mr Chair. Nou annan nou 2 stasyon radyo *Paradise FM* ek Radyo Sesel, ki tou le de pe fer en travay formidab pou enform e egey nou piblik.

Nou seksyon prodiksyon televizyon pe kontinyelman prodwir bann novo programm. An 2020 nou'n war lariate bann novo programm parey *Battle Feel*, *My Retro*, *Kwiz Nasyonal*, *Zil Elwanye Sesel*, *Konekte Zenn*, eksetera.

An 2021 nou'n rekomans programm Lopinyon, *Economic Watch* e vvar novo Magazin Lagrikiltir Rekolt, Kiltirel, Kwen Tapi, fer zot antre dan nou repertwar. Nou seksyon *multimedia* pe osi inovativ avek son bann *outputs*.

Par egzanp *Real-life Stories* ki nou poste lo paz *Facebook* i enn bann ki'n ganny vvar bokou, in ariv dan bann 50 a 40mil *views*. E lezot konteni ki poste lo bann platform nimerik pour nou bann lodyans ki isi e aletranze, sirtou.

I bon note ler mon pe mansyonn bann *platform* nimerik ki an Desanm 2017- apepre 4an pase, ti annan 3 mil *followers* lo nou paz *Facebook* pou ariv 34mil la. Lo *YouTube*, nou ti sorti lo 0 - 2017 pou ariv 21mil an se moman.

Mr Chairman sa pti kontrandi ki mon'n fer i fer le pwen ki SBC i pa zis Nouvel. I annan en kantite bon travay ki pe ganny fer par nou bann anploye. Mon kontan ou rekonné sa. Ki i byen nou mansyonn e rekonné.

E mon a profite pou envoy e mesaz nou bann *staff* SBC pou felisit zot pour zot travay ki zot pe fer. E nou rekonné e nou apresye. Tout an akseptan ki nou annan plas pour nou amelyore lo sa bann servis ki nou donn nou lodyans.

Me lanfaz pa kapab, e mon ti a voudre nou get li dan sa konteks ki i bokou plis ki Nouvel. E mon pou- mon'n mete mon somer, se nou pou *contend* sa *issue of emparsyalite* e lo mank vizibilite lo *News Reporting SBC*, akoz mwan personnelman ki ti enn bann dimoun ek *Board Members* osi ki'n vini, nou'n war amelyorasyon, e nou'n war en gran amelyorasyon. Mersi Mr Chairman.

MR SPEAKER

Mersi CEO pour ou *statement*. Pour ou komanter. Prezan nou a pran vot lo Bidze pour *Seychelles Broadcasting Corporation* ki lo paz 75 – 81 pour en total R132milyon 731mil. Manm ki an faver lev lanmen silvouple? Mersi. Madanm Deputy ou'n ganny kont? Manm ki kont? Madanm Deputy ou ti a kontan nou revot ankor? Ok. Byen. Mersi.

Vot lo Bidze pour *Seychelles Broadcasting Corporation* lo paz 75 – 81 pour en total R132milyon 731mil, 19 Manm in vot pour, 0 kont e 12 in *abstain*. Mersi. Vote in aprouve par Lasanble.

CEO avek Mrs Horace mon remersye zot pour zot partisipasyon e mon a swet zot bonn apremidi e bonn kontinyasyon. E bon kouraz dan zot travay. Mersi.

Nou a pran en pti poz teknik. E nou a kontinyen avek lot antite ki lo nou programm e sa se *The Legislature*.

(technical break)

THE LEGISLATURE

MR SPEAKER

Bon, Lasanble i a repran silvouple. Manm pran zot plas. Madanm Reporter nou'n pare pou lot antite. Alor ou ava envit delegasyon *Legislature*.

I en plezir pou swet byenveni nou prop koleg pour Bidze *Legislature*. E zot Bidze i lo paz 100 ziskan 106 pour en total R40milyon 478mil. Mon ava envit Madanm Clerk pou fer l'introdiksyon lo son Bidze silvouple.

CLERK TO THE NATIONAL ASSEMBLY TANIA ISAAC

Mersi Mr Speaker. Bonn apremidi Mr Speaker. Bonn apremidi tou bann Manm e tou dimoun ki a lekout. Bidze pour Lasanble Nasyonal. Lasanble Nasyonal in ganny li en Bidze R40.478milyon ki reprezent

en logmantasyon 3.04milyon konpare avek Bidze Revize pour sa lannen 2021.

Me selman mon anvi met dan latansyon bann Manm e osi Piblik ki pe ekoute ki sa i *still* 3 milyon an mwayenn ki nou ti gannyen dan nou Bidze 2020.

Sa Bidze i pou deservi apere 50 *staff* Sekretarya. 35 Manm e 35 *Constituency Clerks* ki trouve dan 2 program. 1 i *Governance, Management and Administration*. E lot i *Members Support Services*.

Bann landrwa ki'n ganny ogmante i dan *wages and salaries* e sa i pour *End of Contract Payment* pour bann *staff* ki lo kontra.

Apre i annan dan *goods and services* ki tonm dan *consumables* akoz logmantasyon pri dan bann komodite ki nou bezwen fer lazisteman.

I annan logmantasyon dan *advert* ek donasyon e sa pou ganny servi pou *PR* e *Media Operations Unit*, pour zot kapab fer plis bann *marketing* e *advertising*. Apre i annan logmantasyon osi dan bann prodwir netwayaz e osi nou *internet cost* ki'n monte en pti git akoz in annan bann *virtual meetings* ki *staff* ek Manm i fer plis. E sa in *increase* en pti git nou *cost* pour *internet*.

Dan *other goods and services* osi i annan en logmantasyon apar 1.840milyon. Sa i akoz nou'n bezwen pey bann *Constituency Clerks* akoz lannen prosenn zot pou ariv lo zot *end of contract-* zot *2-year contract* ki pou fini. Nou bezwen pey zot.

E apre nou'n vwar en reazisteman dan *extended constituency support*. Sa in arive en sonm R1.595milyon. E in annan en logmantasyon dan *minor capital outlays*, e sa i par R609mil e sa i pour en *software* pou en *Firewall* pour nou.

Landrwa ki'n annan rediksyon, sa i dan *transportasyon and travel cost*. E apre nou'n vwar dan *maintainance* ek *repairs*.

Mr Speaker vwala sa en pti *summary* lo nou Bidze e prezan nou pare pou pran okenn *comments* oubyen klarifikasiyon from *Members* ki mon *Budget team* ki avek mwan nou kapab reponn. Mersi Mr Speaker.

MR SPEAKER

Mersi Madanm Clerk. Mon a pran kestyon bann Manm. Lekel ki annan kestyon silvouple lev lanmen? En pti moman, tenir en pti

moman. Mersi. Wi mon'n arive Onorab Lemiel kot ou. Wi me selman mon pa'n nobou sezi lekel ki'n lanmen premye.

Alor sa ki mon pou fer mon a return parey nou abitye fer. Ziska konmela mon'n tenir lord ki zot in lev lanmen. Me pour sa voyaz nou ava- mon konmans avek Onorab Vidot.

HON AUDREY VIDOT

Mersi Mr Speaker. Mr Speaker mon kestyon pour Madam Clerk, lannen pase letan bann Bidze ti pe pase pour serten bann lekipman ki bann Manm ti pou servi dan *next cohort or sa*, in annan ki bann lekipman ki pa'n gannyen.

Eski zot pe konsider petet ki akoz sityasyon *COVID* ki zot in reaziste zot Bidze ki dan Bidze 2022, bann Manm pou ganny akse avek sa bann dokiman ki zot bezwen pour travay avek anba sa Bidze pour kote lekipman?

Dezyenmman prenan kont ki nou konnen i annan sa *House Committee* ki annan bann travay ki bann Manm ti pe fer, eski i annan bann konsiderasyon ki zot in deza enplimant li, ki zot in enkilke li dan sa Bidze ki la 2022? Mersi.

MR SPEAKER

Mersi Onorab Vidot. Madam Clerk.

CLERK TO THE NATIONAL ASSEMBLY TANIA ISAAC

Mersi Mr Speaker. Mr Speaker pour bann lekipman pour bann Manm ki zot ti pe demann nou, i annan en bon pe ki nou'n ganny *take up* dan sa Bidze pour sa lannen.

Pour lannen prosenn nou pa'n vreman mete lekipman adisyonnel pour bann Manm, eksepte sa ki annan pou fer avek *internet costing*. Sa nou'n entegre dan nou Bidze pour lannen prosenn.

E apre bann *proposal* ki bann *House Committee* pe travay lo la, sa i annan en bon pe ankor an diskisyon ki *House Committee* pe diskite. Me selman an menm tan nou an diskisyon avek Lofis Speaker, ki en bon pe sa bann *proposal*, son lofis pe *take up*.

E sa i pe fer an konsiltasyon avek Minis Finans e osi avek bann *donors* ki kapab *sponsor* en bon pe sa bann *proposal* ki *House Committee* pe travay lo la pour le moman. Mersi Mr Speaker.

MR SPEAKER

Mersi Madam Clerk. Onorab Zialor ou kestyon?

HON NADDY ZIALOR

Mersi Mr Chair. Bonn apremidi tou dimoun. Madanm Clerk mon pou bref. Parey ou konnen lannen pase letan ou ti vin devan nou Lasanble, ou ti enform nou ki *broadcasting* pou nepli dan ziridiksyon *Media House* Nasional, me pou bouz Lasanble Nasional.

Petet ki bann travay ki'n ganny fer? E eski i annan Bidze provizyon la pou ganny fer pou lannen prosenn, pou *buffer* en pti git sa travay ki pe ganny fer, dan nivo lo nou Lasanble Nasional *Media House*? *Thank you.*

MR SPEAKER

Mersi Onorab. Madam Clerk.

CLERK TO THE NATIONAL ASSEMBLY TANIA ISAAC

Mersi Mr Speaker. Mersi Onorab pour ou kestyon. Wi i annan en kantite travay ki pe fer pour Lasanble vin endepandan. E *already* nou'n fer en bon pe travay parey zot vwar, parey nou ti dir lannen pase, nou deza annan nou en *Media Operations Unit* ki nou annan 3 *staff* ladan.

E deza nou pe fer serten travay kot nou pe azout ankor en *staff*-en *Production Officer* ki nou ti'n ganny Bidze lannen pase ki nou'n fini *recruit*. I pou kommanse byento. E sa i pou zwenn.

E parey nou'n dir, zot in vwar dan nou Bidze ki nou'n met serten sonm larzan pour nou kapab fer *advertising and production*. E sa i pou fer ki Lasanble a vin endepandan dan la fason ki i *broadcast* son bann aktivite.

I pa pou vedir ki Lasanble pou pas zis *Sittings* prezan, me i pou kapab fer bann prodiksyon par egzanp kot bann Manm endividyalman pe fer zot travay - *Oversight*, prezantasyon e osi zot rol Lezislatif. E nou kapab fer plis.

Akoz an se moman nou pa kapab fer, zisteman akoz ou ti mank en serten lekipman, apre nou ti mank bann *staff* apropriye pou fer li. Me selman dan sa enn Bidze, in *cater* en pe pou serten bann lekipman, pou apre lo kote *staff* osi. So nou kapab *beef up*.

Me selman sa zafer Lasanble vin endepandan, i en keksoz gradyel ki nou pe travay lo la. Pou le moman nou pe fer *gradually*.

Nou pe ogmant nou kapasite, nou *staff*, nou pe ogmant nou bann lekipman ki nou annan. E *eventually* nou pou *totally independent* dan lesans ki nou pou annan sa *broadcasting unit*.

Me pour le moman sa i pe ganny fer ant *Media Operations Unit* ansanm avek *PR Unit*, ki zot pe travay ansanm pou fer sir ki bann Manm zot ganny sa *visibility* ki zotdevret pe gannyen.

E sa nou pa pe koz zis lo kote pou montre zot, me osi lo kote nou *website*, lo kote *Facebook* e lezot bann *Social Media Platforms* ki nou kapab montre bann travay ki bann Manm i fer. Mersi Mr Speaker.

MR SPEAKER

Mersi Madam Clerk. Onorab Aglae.

HON EGBERT AGLAE

Mersi Mr Speaker. Bonn apremidi *panel Lasanble*. Premye kestyon mon anvi demande. Kot i konsern *recruitment*, mon war nou pe annan ankor en pe *recruitment* ki pe ganny fer. Petet zis pour met a latansyon Lasanble, petet ki bann pos ankor ki mon kwar lasanble i bezwen ki zot pou *recruit in the near future?* Sa i enn.

Dezyenm i konsern lespas li menm. Ou konnen ki nou travay mannyer nou travay isi, e sirtou pandan bann *Committees*. Petet ki zot pe mazin fer? Mon konnen zot annan sa proze ekstansyon *Annex*.

Petet donn en pti pe detay lo ki faz in arive, pour ki a la venir nou ava annan ase lespas pour nou kapab fer serten nou bann travay komite.

E dernyen, kot kou elektrisite ki annan sa 646mil, eski sa vot li menm li ki mon war i reste 2022 pou parey 23 i pou parey. Eski sa i anliny avek sa pano soler ki nou'n mete, ki pe ed nou *maintain* sa kou li menm li? Mersi.

MR SPEAKER

Mersi Onorab. Madam Clerk.

CLERK TO THE NATIONAL ASSEMBLY TANIA ISAAC

Mersi Mr Speaker. Mr Speaker mon pou reponn sa 2 premye kestyon, apre mon ava les sa trwazyenm kestyon ganny reponn par *DG* pou *Corporate Services and Facilities*.

Lo kote *recruitment*, mon napa sa lalis bann *recruitment* ki nou'n demande. Me selman zis pou met a latansyon Onorab ki nou pa'n ganny dan nou Bidze okenn larzan pou *new recruitment* pour lannen prosenn.

Me selman nou'n ganny en pti pe pour promosyon, 1-2 ki nou ti annan depi 2020 ki prezan ki nou'n gannyen sa lannen, nou dir mersi pou sa.

Selman mon ava fer ganny lalis, lalis bann *recruitment* ki nou ti annan ki nou ti'n mete depi 2020, me selman ki nou pa'n ganny okenn *funding for them*. So ou ava konnen.

E bann *recruitment* ki nou pe fer la nou annan sa *Production Officer* ki parey mon'n koz lo la, nou ti annan. Nou ti annan 2 *research position* ki Manm ti demande depi 2020 ki dan 2021 nou'n gannyen.

E mon krwar setou bann nouvo pos vreman ki nou'n gannyen. Me selman nou ava donn dan lalis pour 5an ki nou annan.

Lo kote *Annex*, petet mon pa konnen si i ok pou mwan demann Mr Speaker pou donn en pti pe apersi lo sa *expansion*. Non, pa posib? Ok.-

MR SPEAKER

Madanm Clerk, *DG* in par dan nou diskisyon lo *Annex*. I a kapab donn sa ki i kapab. Si bann Manm i le plis lenformasyon, apre mon a kapab *supply* atraver nou *House Committee*. Mersi.

CLERK TO THE NATIONAL ASSEMBLY TANIA ISAAC

Ok Mr Speaker so mon ava les *DG* reponn sa 2 kestyon. Mersi.

DG CORPORATE SERVICES AND FACILITIES GODFRA HERMITTE

Mr Speaker mersi. Mersi. Onorab pour ou kestyon osi. Wi i annan 2 proze annefe ki nou ti pe travay lo la. I annan nou *Auxiliary Building-* en facilite ki nou ti oule fer la deryer. E mon bezwen onnet avek mon lekor ki nou'n demande pandan katriyem fwa la, e malerezman nou pa'n gannyen dan Bidze pour nou kapab *go ahead* avek.

Kot i konsern *Annex*. *Annex* i en gran proze, pou met sa 2 *wing* avek Lasanble avek bokou facilite ladan. E nou ti'n *move* pour nou

demann en larzan, pour nou kapab met detay plan ater e apre swa demann Gouvernman, ou get bann posibilite *sponsor* me malerezman osi nou pa'n gannyen.

Selman parey Speaker fek anonse, i annan sereten travay ki pe ganny fer. Nou pe revwar sa plan. Zisteman yer nou ti annan en *meeting* avek *Planning*, ki pe ed nou ladan.

E nou'n donn zot konsep. Annefe sa osi i enkli *Chamber*, ki nou prevwar lafason ki bann latab i plase. E zot pou travay lo sa bann diskisyon ki nou'n fer. I lo sa konsep ki nou met devan zot.

E zot pou prezant nou avek en plan en pe pli detaye lo *Chamber* me osi avek *Annex* - en mannyer ki son kou i ava vin bokou pli ba e ki posibilite Gouvernman i a kapab *sponsor* dan kelke lannen ki pe vini. Mersi Mr Speaker. Mersi Onorab.

Wi Mr Speaker i annan en lot pti kestyon wi konsernan zafer pano soler ki'n mansyonnen. E parey zot konnen nou'n deza anonse, nou annan sa travay ki'n ganny fer, e in ede pou koup nou Bidze elektrik par lanmwatye- 50pourstan.

E osi nou annan en proze ki nou pe kontinyen fer *for the Assembly to go green*. E nou'n sey to fason posib pour nou kapab rod bann resours *within* nou Bidze. E parey zot konnen nou toulstan annan en *ceiling*, e nou sey travay *within* sa *ceiling* ki Finans i donn nou. E kot nou pou kapab fer sereten amelyorasyon lo sereten proze pour nou kapab *go greener*. Nou pou fer li. Mersi Onorab.

MR SPEAKER

Mersi. Onorab Letourdie ou kestyon?

HON JANY LETOURDIE

Bonn apremidi. Mersi Mr Speaker me mon pa ti'n lev lanmen.

MR SPEAKER

Be si ou pa ti'n lev lanmen mon satisfe. Eskize mon'n fer en fot. Anr ti Onorab Mondon? *Sorry*, Onorab Mondon ou kestyon.

HON TERENCE MONDON

Mersi Mr Chair. Mr Chair mon kestyon ti zisteman menm kestyon ki Onorab Zialor in demande. E mon pa pou repete. Met lanfaz lo sa *Media House* pou okip zot pour zot kapab vin pli endepandan.

Be selman mon oule profite pou remersye Madam Clerk avek son lekip pou kontinyen zer byen nou Bidze, e avek menm legzizans ki nou, nou demande ki tou bann Minister i fer.

Mon krwar i en moman pou remersye zot pour la fason ki zot pe zer nou Bidze. Mersi.

MR SPEAKER

Mersi. Mon krwar son kestyon in fini ganny adrese- son pwen ki in fer. So nou a kontinyen avek Onorab Sandy Arissol.

HON SANDY ARISSOL

Mersi Mr Chair. Bonn apremidi tou dimoun a lekout. Bonn apremidi lekip Lasanble Nasyonal, byen kontan pou vwar zot isi devan.

Premyerman mon ti a kontan montre lapresyasyon avek Sekretarya, pou enn mon Manm ki annan en abilite spesyal pou fasilite ki zot in met a son dispozisyon. Mon ti a kontan lo nou Caucus, dir zot mersi bokou pour sa.

(APPLAUSE)

HON SANDY ARISSOL

E mon ti a kontan profite pou dir zot mersi pour sa pti aktivite spesyal zot ti organize pour nou bann zonm, parske byen rar- tou kou zot fer zis pou fanm menm. Be nou sa voyaz bann zonm nou byen apresye sa pti aktivite ki zot ti fer. Alors lo kote lo mon bann zonm mon ti a kontan dir ek Sekretarya mersi bokou, enkli Mr Chair tou.

Kestyon ki mon ti a kontan demande se an relasyon avek logmantasyon Bidze. Ou konnen, Minister Finans li, toultan i zwe ek nou Bidze li. I fer monte, ennler i fer desann, ennler i kit lanmenm, ennler i fer retournen.

Be mon ti a kontan konman Minister Finans i la, pou mwan demann zot; eski Madam Clerk ou kapab dir ek nou si logmantasyon zot in donnen - Mon re demann ankor sa kestyon an relasyon avek travayer kot Lasanble Nasyonal. Eski sa logmantasyon i annan pou fer avek anploy plis travayer? Pou donn sipor sirtou lo bann komite ki nou annan kot Lasanble Nasyonal.

Ler mon get FPAC par egzanp, se nou Chair ki fer tou bann *typing*, met tou keksoz annord. E mon mazinen lezot komite osi

parey. Eski sa provizyon logmantasyon ki nou'n gannyen dan sa lannen, ki Finans in mazin nou in donn nou en pti logmantasyon? E eski sa pe prenan kont nouveau travayer pour Lasanble Nasyonal?

Dezyenmman mon ti a kontan demann an relasyon avek *internet*. Eski sa logmantasyon ki nou'n gannyen pou fer provizyon pou *upgrade* en pe nou sistem *internet* ki nou annan kot Lasanble Nasyonal pour ki i pa loke, ennler i ganny latou, ennler i pa vin ditou, anvi ki pour le moman, napa bokou vwayaz me nou pe tou keksoz *virtual*.

E mon trwazyenm e mon dernyen, mon ti a kontan met lanfaz lo a ki Onorab Aglae in demande an relasyon avek bann *wings* ki nou pe mazin annan. Eski dan sa diskisyon ki nou'n fer avek Finans, Finans i konpran nou konstrent ki nou gannyen an term lespas kot Lasanble Nasyonal?

Par egzanp kot *LDS* nou annan 24 Manm e nou landrwa i tipti, i sere. Eski dan sa diskisyon ki Madam Clerk avek ou Delegasyon zot fer avek Finans, eski Finans i konpran nou konstrent lespas, pou ed nou- pa pou ganny plis larzan pou Manm, nou pa pe rod sa - me pou donn nou facilite pour nou kapab fer nou travay en pe pli byen. Mersi bokou Mr Chair.

MR SPEAKER

Mersi Onorab. Madam Clerk.

CLERK TO THE NATIONAL ASSEMBLY TANIA ISAAC

Mersi Mr Speaker. Mersi Onorab Arissol pour ou bann kestyon. Mon a pran sa premye 2 ankor enn fwa, e mon a les DG pour sa zafer *extension project*.

Lo sa Bidze, sa Bidze li menm li i napa vreman gran logmantasyon. Si ou pou konpar li avek 2020 i annan en *decrease*, pa vreman en logmantasyon *as such*.

Akoz si ou pou gete, bann landrwa ki nou'n ogmante, i plis bann landrwa parey bann *office expenses*, ki annan pou fer avek lenflasyon vreman, letan ou pe gete an zeneral.

Parey kot *other use of goods and services*, i sa akoz bann dimoun ki lo kontra i annan pou fer ek zot saler. Ou bezwen donn zot, zot *end of year contract payment*.

So ou pou vvar sa bann landrwa kot i annan sa bann logmantasyon, i vreman akoz sa bann- bann logmantasyon ki ou bezwen fer akoz i standar pou fer.

Sel logmantasyon ki mon kapab dir sa R609mil pou sa *software* ki nou'n annan. Me selman an zeneral non. An zeneral non Nou Bidze an zeneral pa'n vreman ogmante.

Apre lo problem *internet connection*, sa wi nou'n realize nou annan en problem. Me selman nou problem nou *internal connection* i vin osi avek nou *building*. En pe pou fer avek *maintenance* nou *building*, akoz nou annan en bann koneksyon *wiring* ki nou vvar ki pe anpeste ganny byen sa koneksyon internet. E nou *IT team* pe travay tre dir, pou zot kapab vvar ki problem.

Akoz ennler letan ou pe aranz en landrwa, ou vvar pou dir en lot landrwa bann difil in kase. E bann difil ki'n la depi letan ki 2009 ler sa *building* ti ganny fer. E ou vvar pour ou kapab re aranz tou sa bann koneksyon i pou en kantite larzan, ki nou pou bezwen al demann Finans. Dan sa letan sityasyon ekonomik kot nou été, i pa fasil pour nou kapab fer sa kalite renovasyon ki nou, nou anvi.

Me selman nou pe fer li par bout, par faz. E zot pou vvar pou dir i annan en kantite travay ki *IT* pe fer. E zot pe met pare dan bann landrwa ki sipoze ganny plis *internet*; parey dan *Chamber*, dan bann koulwar kot bann Manm i servi. Dan bann *Conference Rooms* kot nou konnen zot pou servi.

Nou pe asire ki menm si nou annan sa bann problem, me selman bann Manm zot pe kapab ganny akse ek *internet* pour zot desarz zot bann responsabilite ki zot annan.

Me selman nou *very aware* e nou osi tou nou pa vreman apresye la fason ki *internet* pe marse. Me selman Sekretarya pe fer son mye pou donn sa servis alaoter ki bann Manm i ekspekte *from the Secretariat*. E mon ava pas avek *DG* preznan pou koz lo sa bout *extension* ankor.

MR SPEAKER

Yes *DG* mersi wi.

DG CORPORATE SERVICES AND FACILITIES GODFRA HERMITTE

Mersi Mr Speaker. Mersi Onorab. 2 pti bout pour mwan azoute lo la. Konsernan sa *internet*, yes sa *package* ki nou lo la in fini ganny *basically* revwar.

Nou'n annan en long diskisyon avek *service provider* e avek en *mail* ki mon ti anvoy kot Madam Clerk avek son laprouvason, nou pe al *double* lakantite *GB* ki nou pe servi la aktyelman, pou fer sir ki i napa sa bann- parey zot menm zot bann Manm Onorab i interpret li koman, loke. So sa i pou fer sir ki zot pe ganny sa servis lo en *top class*.

So kot i konsern lofis, wi i form parti sa *expansion* Lasanble Nasyonal. Mon krwar pou dir Finans i konpran bezwen Lasanble Nasyonal. Me mon krwar parey mon'n deza dir avan, e la avek letan definitivman sa kou in vin *double* ankor. So nou pe koz dan R200 ekek milyon ki petet pour lemoman, i pa posib pou Finans kapab *afford* nou.

E vwala kot Mr Speaker in vin ek sa nide pour nou revwar sa plan, sey senplifye li avek bann keksoz ki nou pli bezwen. Tir en pe lafoli grander ladan fer li en pe pli reel, e son kou i ava desann ki nou a kapab *afford* li dan bann lannen ki pe vini. Mersi.

MR SPEAKER

Mersi DG. Onorab Pillay.

HON SEBASTIEN PILLAY

Mersi Mr Chairman. Mr Chairman mon le komans par demann mon kestyon par dir mersi pour bann *staff* Lasanble pou sipor ki zot donn nou bann Manm.

Souvandwa ler nou la anndan ankor pe travay, i annan bann dimoun deor ki fer sir ki bann sipor ki nou bezwen i la. So mon le remersye Clerk Lasanble avek son lekip pou sipor ki zot donn tou Manm ek mon swete zot kapab kontinyen fer sa travay.

En keksoz osi ki enportan ki mon le *remind* publik la deor se ki souvandwa ler nou, nou ankor pe travay la, i annan *staff* Lasanble ki reste deryer ziskan tar pe siport nou. E petet mon kestyon i pa vreman adrese avek Clerk Lasanble Nasyonal me plito avek Minister Finans.

I ava fer aepre 8an aepre la, ki Lasanble i vvar li dan bann sirkonstans kot i pe sit an deor bann *normal Sitting hours* lamazorite lenstitisyon Leta.

E akoz ki Minister Finans ler zot apros deba avek Lasanble Nasyonal zot pa zanmen apros li dan en lapros, pou regarde ki bann sipor adisyonnell i bezwen?

Akoz tou bann diskisyon ki nou nou'n gannyen avek bann dimoun lo *management* isi kot Lasanble, se sa *ceiling, ceiling, ceiling* e i pa vreman pran kont bann sipor ki nou bezwen.

Annou pran par egzanp; i annan plizer travay ki nou bann komite pe fer. Mon konnen entervenan avan mwan in tous lo la. Me mon ti a kontan Minister Finans i *weigh in* lo la en kou.

Plizer travay ki bann komite pe fer, i annan bann komite ki fer bann sesyon *live*. E pou lenformasyon piblik, parfwa se nou bann Manm ki bezwen konplent bann *transcriptions*. Nou bezwen *actually* al ekrir, ekout sa e reekri, akoz nou napa ase *staff* ki kapab donn nou sa sipor akoz *staff* Lasanble i *extended* en kantite lo lakantite travay ki zot pe fer. So eski i annan en posibilite pou donn Lasanble serten sipor adisyonnell dan sa domenn?

Dezyenmman Lasanble in etablir son prop *Broadcasting Unit*-Manm avan in demann kestyon lo la. Me eski nou vvar loportinite oubyen posibilite pou donn serten lekipman adisyonnell, pour zot kapab fer sa travay?

Akoz i annan en kantite keksoz ki lasanble i kapab fer, promosyon bann keksoz koumsa- pour travay Lasanble ki- *staff* Lasanble mon war zot, zot konpetan, me lekipman ki nou napa, ki manke pour zot kapab fer sa travay. So mon ti a kontan demande eski sa i posib?

En pwen dan Bidze ki konsern mon Mr Chairman se- ler mon regard lespas ki nou nou annan, pour Lasanble kapab anmenn serten resours pou fer travay adisyonnell, i vreman limite. E souvandfwa se bann lofis ki bezwen fer bann *savings*, parey pour mwan.

Nou bezwen sey fer bann *savings* pou kapab siport serten keksoz ki Lasanble pe fer. So eski Minister Finans ler i angaze dan preparasyon Bidze par egzanp, ler nou regard pour *minor capitals* nou napa naryen anba *minor capitals*. Mon pa konnen si pa Lasanble ki'n demande, oubyen si i provizyon ki ganny mete dan Bidze.

So petet avek ou permisyon Mr Chairman, mon ti a kontan ganny petet en pti lesplikasyon bref par Minister Finans, ki bann sipor adisyonnell nou kapab gannyen? Mersi Mr Chairman.

MR SPEAKER

Mersi. Mon krwar ou ava apresye ki kekfwa *Comptroller* ki la i pa annan toutafe soz pou li sa- selman i a fer sa ki i kapab. *Comptroller*?

COMPTROLLER GENERAL IRENE CROISEE

Mersi Mr Chair. Mersi Onorab pour ou kestyon. Ler nou get Bidze Lasanble Nasyonal, nou get li ansanm avek tou lezot Bidze bann MDAs e *fiscal space* ki annan. I pa vedir ki nou pa donn Lasanble Nasyonal me nou donn en lot.

Konsernan – parey *even* Minister Finans nou bann *staff* i travay ziskan tar, be selman nou pa *remunerate* zot. So ler nou pe get Bidze en *entity*, nou get li an term *fiscal space* ki *available*.

E sirtou la parey pou 2022 nou konnen nou ankor dan en sityasyon ekonomik ki enstab. I still annan *risk out there*. Be selman nou a gete pour lannen 2023 ki bann sipor adisyonnell nou kapab mete.

Me selman nou en pe *flexible* lo kote Bidze Lasanble Nasyonal. Nou konnen sa lannen 2021, zot in annan *savings* e zot in demann nou pour *reallocate towards* bann lezot bann *expenses* ki zot annan an term priyorite e nou'n *allow*. So nou pa sitan *rigid*, nou *allow* en pe fleksibilite osi. Mersi Mr Chair.

MR SPEAKER

Wi lekel pwen ki ou santi? Wi Onorab.

HON SEBASTIEN PILLAY

Mersi Mr Chairman. Mr Chairman i annan sa pwen lo lekipman, ki mon ti a kontan *at least* nou ganny en larepons. Si i annan en langazman Minister Finans pou ed nou, ed Lasanble Nasyonal avek provizyon sa bann lekipman.

Apre mon pa tro apresye sa larepons fleksibilite *regarding savings*. Si *savings* in ganny fer par egzanp anba lofis *Leader Lopozisyon* pa egzanp. E nou napa lezot keksoz pou al depanse. Lasanble i bezwen depans li pou fer en keksoz avek.

Mon pa vvar si sa fleksibilite pa kapab ganny *extended to a* permisyon ki Lasanble Nasyonal i annan, pour li fer sa bann depans- Sekretarya i annan pou fer sa bann depans dan bann *areas* ki nou bezwen depanse, pou fer lavi *staff* e lavi Manm pli fasil dan travay ki zot pe fer. Mersi Mr Chairman.

MR SPEAKER

Mersi. Madanm Clerk i le pran laparol?

CLERK TO THE NATIONAL ASSEMBLY TANIA ISAAC

Mr Speaker mon ti le zis retourne lo sa zafer lekipman ki Onorab *LOTO* in koz lo la. Wi ti annan 1-2 lekipman pou *Media Operations Unit* ki nou ti'n demande, nou ti'n *submit* avek Finans, pour nou kapab agnny en pe larzan.

Me selman, *unfortunately* nou pa'n gannyen dan nou Bidze pour sa lannen, pou bann rezon ki Ms Croisee in koz lo la. Me selman nou pe *hope* ki lannen prosenn nou ava re demann ankor, nou ava re fer demann e petet i ava ganny repran an konsiderasyon. Mersi Mr Speaker.

MR SPEAKER

Mersi. Ms Croisee ou napa naryen pou azoute la? Mersi. Kote isi, Onorab Esparon ou ti'n lev lanmen ou? Wi *ok* - ou kestyon?

HON REGINA ESPARON

Wi Mr Speaker mersi. Mersi Mr Chairman. Mr Chairman anba *current challenges* mon'n vwar en komanter ki met '*inadequate office space*' avek *meeting room*- ki i vre. Parfwa ki letan nou annan *meeting*, nou napa ase *meeting room* pour nou kapab fer nou *meeting*.

E mon konpran ki *DG* in eksplike pou dir *Annex* avek *Auxiliary building* pa pou vin komela. Me ki mon pe panse mwan? Parski an se moman nou pe servi plis bann *meeting rooms* ki anler. I annan 1 anler zot pe servi.

E prenan kont ki nou annan Manm ki otreman kapab. Mon konnen pou dir anba *maintenance and repairs*, nou ti ganny nou 765mil lannen pase, e sa lannen in koupe nou'n ganny zis 558 mil.

E ki mon ti pe panse mwan, si anba sa *office building cost* la, pa ti kapab annan laranzman pou fer pou ganny en pti *lift* pou mont anler.

Parski parfwa vreman, bann dimoun ki otreman kapab pou mont anler dan sa bann peron, i vreman difisil. Mon konnen i pa bokou sa sonm ki la.

Me ki kalite demann nou kapab fer atraver Minister Finans pou ogmant sa pou ki *at least*, letan nou pe esper *Annex* fer, i ava annan

en larzan ki kapab ganny met,e pou met en pti *lift* pou bann dimoun ki annan problem otreman kapab pou mont anler. Mersi Mr Speaker.

MR SPEAKER

Mersi. Madam Clerk ou a adres sa.

CLERK TO THE NATIONAL ASSEMBLY TANIA ISAAC

Mersi Mr Speaker. Mersi Onorab pour ou kestyon. Sa sizesyon annefe i en keksoz ki nou ti'n diskite *internally*. Akoz nou ti'n mazinen ki nou pou bezwen fer en pti pe sanzman, pour nou *cater* pour nou bann Manm. Pou fer sir ki zot tou zot kapab ganny akse avek bann *meeting rooms* e kapab kontiny zot travay ki zot ganny mandate pou fer.

E sa zafer *lift* nou ti'n konsidere. Me selman apre letan nou'n konsilte *Planning* nou get son *feasibility*, nou'n get son pri ki annan, e nou'n vwar pou dir sa pou bezwen tonm dan en *minor capital* e i pou kout en kantite larzan ki Finans zot in fini konpran- zot pa pou anvi *entertain* sa proze an se moman dan sa sityasyon ekonomik ki nou ladan.

Me selman ki nou pe fer an se moman nou pe met li dan sa plan *extension*. Ki *at least* ladan i ava annan sa *lift*. Me pour le moman pou nou *cater* pou sa- pou nou Manm ki pa kapab *access* anler, nou pe sey *as much as possible* pou fer bann *meetings* ki li i ladan, pa anler lo *top floor*.

Me nou fer li lo *ground floor* e nou pe servi *Members Lounge*, oubyen nou servi *Minister's Receiving Room*. E bann lezot landrwa ki petet i fasil pou li, pou li pa bezwen mont anler. Mersi Mr Speaker.

MR SPEAKER

Mersi Madam Clerk. Bon avek sa nou a kapab pran Bidze lo *Legislature*. Ki lo paz 100 ziskan 106 pou en total R40milyon 478 mil. Manm ki an faver lev lanmen silvouple? Mersi, okenn Manm ki kont? Byen, vot pour *The Legislature* ki lo paz 100 ziskan 106 pou en total R40milyon 478mil; 30 Manm in vot pour, 0 kont e 0 abstansyon. Donk sa Bidze in ganny aprouve par Lasanble. Nou a pran en poz la e eski nou kapab kontinyen 4.15pm? 4.15 nou a repran? Mersi.

(BREAK)

OTHER GOODS AND SERVICES

MR SPEAKER

Bon pour sa peryod nou annan plizyer *item* ki santralize. E zot pou ganny pran par en Delegasyon Minister Finans. Madanm Reporter mon ava demann ou pou apel delegasyon silvouple.

E mon swet byenveni Mr Patrick Payet - *Secretary of State*. Ms Irene Croisee - *Comptroller General*. Ms Astride Tamatave- *Deputy Comptroller General*. Ms Noella Vinda - *Acting Director Public Budget Management*. E Madam May-Paul Rosette - *Director Public Accounts*.

Nou pe pran plizyer laliny Bidze parey mon'n dir. E nou a konmans avek *other goods and services* ki lo la lo paz 34 seksyon 2. E sa Bidze total i pou en sonm R107milyon 915mil. SS Payet ou a konmanse silvouple.

SS PATRICK PAYET

Mersi Mr Chair. Bonn apremidi Mr Chair e tou Manm Onorab. E tou dimoun prezan bonn apremidi. Mr Chair pour sa *budget line other goods and services*, premye konponan ki lo la ki lo paz 34, nou annan *Government Overseas Travel* pour la valer R5 milyon.

Dan sa *budget line* ki nou'n mete, nou'n met zis en provizyon. Parey zot konnen tou bann - letan zot in diskit Bidze Lofis Prezidan i annan en alokasyon ki nou'n mete pour bann *PSs and CEOs* e pour bann Minis anba Lofis Prezidan, si i annan *travel 2022*.

Me osi nou'n met en provizyon pour tou lezot teknisyen dan Gouvernman. Si i annan bann lezot *travel* ki zot fer, parey nou'n fer pour sa lannen.

Anba *Professional and Consultancy Services* en total R24milyon. Parey zot pou vwar sa i en rediksyon konpare avek Bidze 2021. E nou'n met serten provizyon pour *Enforcing Visit of Dignitaries* pou la valer R3 milyon. I zis en provizyon ki nou'n mete parey sa lannen.

E parey zot vwar sa lannen Bidze i 1.2milyon provizyonnel me selman i pli ba bann depans ki'n ganny fer.

En lot provizyon dan sa *other goods and services* i alokasyon *advertisement and publicity*. I zis en lot provizyon li osi. Sa i en provizyon ki nou'n mete si i annan okenn sityasyon ki kekfwa napa en Bidze dan en *particular MDAs*. Me nou'n met li ladan.

Par egzanp, nou konnen nou'n bezwen fer bokou *awareness programs* ki nou pe fer la lo *beneficial ownership*. Me akoz i pa is *specific* pour Minister Finans, ouswa FIU ouswa Rezistrar Zeneral. So nou met en pe sa Bidze santralize.

Dan *Cleaning Services* i annan en alokasyon R69.9milyon. Parey Minis in anonse dan son ladres Bidze, nou pe fer legzersis, en *assessment*, pour nou vvar ki mannyer, si nou pou kit *Cleaning Services* parey i ete ozordi, ouswa nou pou fer alokasyon dan bann Minister, tou bann *cleaners* ki egziste ozordi, ki nou konnen sa i pe ganny *administer* par *Cleaners Corporative*.

So sa i en legzersis ki nou pe fer, e nou ekspekte konplet sa legzersis par lafen sa lannen. E apre nou pou diskit avek *Cabinet of Ministers*. E *once* en desizyon i vini, nou pou *share* sa rapor avek Lasanble Nasyonal *once* ki nou pran en desizyon.

Nou'n fer provizyon anba *National Day Celebration* R5milyon. I zis en provizyon ki nou'n mete pour lannen 2022. E sa sanmenm sa ki fer sa total Mr Chair R107milyon 915mil. Avek sa Mr Chair nou pare pou pran okenn kestyion lo sa *budget line*. Mersi.

MR SPEAKER

Yes, bann Manm ki annan kestyion? Onorab Aglae i kapab komanse.

HON EGBERT AGLAE

Mersi Mr Speaker. Bonn apremidi SS ek ou *Panel Finans*. Premye mon le leksplikasyon. Kot i konsern *Professional and Consultancy Services*, mon war poudir i annan en gran rediksyon pour lannen prosen. Apepre 24 milyon ki'n bidzete. Petet en pti pe leklersisman detay lo la.

Apre SS ou'n nonmen pti git lo sa *Cleaning Services*. Mon konpran direksyon ki Gouvernman pa al pran. Ki vedir ki an atandan, nou pou vot lo en Bidze ki mon kapab term li konman provizwar la.

E ki apre nou riske vvar sereten sanzman ki pou arive, eski sa ki ou pe sey dir nou? Mersi.

MR SPEAKER

Mersi Onorab. SS.

SS PATRICK PAYET

Mersi Mr Chair. Mersi Onorab pour sa kestyon. Lo kote sa dezyenm kestyon *Cleaning Services*, nou'n met sa provizyon. Me si i arive par egzanp Gouvernman *once* ki nou fini fer sa analiz profon, en desizyon i ganny pran pour nou *transfer* sa bann *cleaners* dan zot *respective MDAs* kot zot pou ete. E sa nou pou fer li kekfwa dan *midyear review*. Nou a fer sa bann alokasyon.

So nou pou pran sa Bidze apre nou pou *allocate* lidan tou bann Minister konsernen. So sa nou pou fer 1 kekfwa dan *midyear review* letan nou a vin ankor dan Lasamble. Me definitivman nou pou *share* sa lenformasyon avek zot *once* i konplete.

Lo kote premye kestyon. Dan Bidze 2021 lo *Professional Consultancy*, nou ti annan en provizyon ki nou ti fer pour bann Enzenyer ouswa bann *Project Officers*. Ti annan apepre 12 zot ki zot ti anba *Professional and Consultancy* ki zot it pe ed bann Minister.

Sirtou sa- zot ti sorti *Sri Lanka-* bann *Sri Lankan*. E avek sa novo Lazans ki'n formen- lazans lenfrastruktir, nou'n transfer sa Bidze kot sa Lazans.

So apepre letan ou regarde, zot Bidze par dimoun ti apepre R610mil. So nou'n transfer li. Apre dezyenm avek Labank Mondyal, nou ti travay avek zot lo kote *Results-Based Management*. Ki zot ti pe asiste nou lo en ... ki zot ti pe asiste nou avek bann *technical expertise*.

Menm si Gouvernman pe al fer son *full rollout* pou *Results-Based Management*, nou pe diskit avek zot ki Gouvernman pa bezwen pey zot pour sa servis.

E sa Minis i annan diskisyon ki i pe fer avek *the Executive Director* Labank Mondyal. E li in dakor, be selman tou sa la i an diskisyon avek son bann teknisyen. E sanmenm sa ou vwar sa gran bas dan Bidze pour lannen 2022 konpare avek 2021. Mersi.

MR SPEAKER.

Mersi. Napa ankor kestyon lo- ou annan kestyon Onorab Pillay wi?

HON SEBASTIEN PILLAY

Mersi bokou Mr Chairman. Bonn apremidi SS avek ou delegasyon. Sa ki mwan mon le klarifye, mon vwar ou'n koz lo sa *Government Overseas Travel* ki 5milyon. E ki *end of year* 2021 ti 10.1milyon. E eski ou pou kapab donn nou an total- savedir konbyen Gouvernman i antisipe depanse lo *overseas travel*?

Akoz si nou pe enkli sa 5milyon avek bann lezot repartisyonnan *cost* ki anba lezot landrwa. I pou fer en son marse sibstansyel.

Prezan i annan sa 69milyon ki konsern *Cleaning Services*-apepre 70milyon ki konsern *Cleaning Services*. Onorab Aglae in fer en komanter ki nou pe aprouv sa Bidze, selman nou pa konnen mannyer pou ganny repartisyonnen.

So eski ou kapab dir nou an relasyon avek bann dimoun ki annan zot travay pour le moman, e ki pe ganny peye atraver sa vot. Eski sa bann dimoun pou kontinyen ganny peye?

E eski sa in fer provizyon ki si i annan en remaniman, mon prezimen i bezwen annan bann *compensation for past service* ki bezwen ganny peye. Eski sa pou ganny peye anba la? Oubyen sa pe ganny pran anba bann lezot vot konpansasyon ki pa la?

Apre sa zafer *National Day Celebrations*. Ou dir nou ou'n met en provizyon 5milyon. Si sa pa ganny fer, *then* sa larzan pou re ganny servi. Me Lasanble Nasyonal nou pa pou konnen dan ki landrwa sa larzan i re ale.

So ki mekanizm ou pe met an plas pou fer ki sa 5milyon ki'n ganny met anba *National Day Celebrations*? Nou ganny met okouran dan ki *area* ki i al ganny depanse apre, si i pa ganny servi dan selebrasyon Lazournen Nasyonal, akoz prenan kont ki sityasyon *COVID* i ankor serye. *Hopefully* nou get *past* sa enn *scare and then* nou kontinyen. So eski ou kapab donn mwan en pe detay lo sa 3 kestyon pour le moman? Mersi Mr Chairman.

MR SPEAKER

Mersi Onorab. SS.

SS PATRICK PAYET

Mersi Mr Chair. Mersi Onorab. Lo kote *National Day Celebration*, parey mon'n dir sa i zis en provizyon. Me si i arive ki napa depans-akoz sa Bidze i ganny administre dan Kod santralize kot Minister Finans. Ki arive dan sirkonstans, *during the Mid-Year Review*, parey zot okouran letan nou prezant zot avek *Mid-Year Review statement*, nou dir zot lekel sa bann vot ki annan *budget cut* e lekel ki annan *budget additional* ki nou vin demann Lasanble.

So definitivman dan *Mid-Year-Review* zot pou vwar si i arive ki kekfwa dan plas zis 5milyon pou vwar- kekfwa ou bezwen zis

1milyon, ou pou vwar en *budget cut* ki pou ganny redwir, e definitivman sa pou ganny met okouran avek Lasanble.

E en keksoz ki nou pe fer osi se, letan nou pe travay ek sa bann-enplimant par egzanz sa *National Day Celebration*, son *Code* li menm, kekfwa *once* ki nou konn en pe plis detay nou kapab *through FPAC* fer zot ganny en pe bann dokiman, ki bann depans ki zot pe al depanse anba sa vot.

So letan kekfwa i a vin *the Committee* in zwenn e i konnen kwa ki son bann aktivite ki i pou fer, nou kapab share en pe avek zot sa lenformasyon.

Dezyenm kestyon lo *Cleaning Services*. Pour le moman ki mannyer nou'n met Bidze, i dapre *existing services* ki zot pe *provide* avek *MDAs*. So tou sa bann *cleaners* i lo la baze kot zot ete dan bann *respective MDAs*.

Me selman okenn provizyon nou pa'n mete, si i annan okenn konpansasyon. Me sanmenm sa ki nou anvi konplet sa legzersis. Fer sa analiz, fer sa *review*. E pran sa desizyon letan kekfwa dan *during the Mid-Year Review exercise*. Pour nou regarde si nou bezwen servi okenn konpansasyon *Code* santralize ki egziste ouswa kit li parey i egziste ozordi. Si en desizyon i ganny pran.

So pour le moman nou pa'n pran okenn alokasyon me selman si i arive nou bezwen pey konpansasyon, sa i kapab ganny fer dan *Code* santralize ki egziste anba *other wages and salaries*.

Lo kote *overseas travel*. Anba Lofis Prezidan nou'n met- i annan *Overseas airfare* 4 milyon, *subsistence* 5milyon ki fer en total 9 milyon. E apre i annan sa *Code Government Overseas Travel*, 5 milyon. So sa an total ki nou ekspekte depanse pour *overseas travel* pour lannen 2022. Mersi Mr Chair.

MR SPEAKER

Wi Onorab Pillay, klarifikasyon?

HON SEBASTIEN PILLAY

Mersi Mr Chairman. Mon le retourne lo sa size *Cleaning Services*. Eski sa ki ou pe dir nou la, an relasyon avek sa 69milyon- pre 70milyon ki pe ganny peye? Lentansyon se fer sa bann dimoun kontiny lo en *continuous service* olye annan en *break*, ki apre i ava annan *additional payments*? Akoz si mon pe swiv ou byen, si i annan en *break, then* ou pou bezwen vini *Mid-Year either* demann nou Bidze

adisyonnель pou peye, akoz ou pa pou kapab *essentially via*, akoz si konpansasyon in ganny vote pour sa lannen, in kalkil baze lo bann konpansasyon ki *due*.

So eski ou kapab dir nou, prenan kont ki sa sanzman i in *pending*, ki kantite letan Minister Finans avek Gouvernman pou pran, avan ki zot kapab donn nou en desizyon an relasyon avek sa bann dimoun- avek sa bann *cleaners* ki ozordi pe fer sa travay?

E konman en reasirans pou reasir zot ki zot Lanplwa i ankor la, e ki zot pa pou perdi zot Lanplwa. Prenan kont ki i annan en kantite keksoz ki ganny dir, e ki souvandfwa ler keksoz i ganny dir dimoun i kapab enterpret li dan en serten fason. Mersi.

MR SPEAKER

Mersi Onorab. SS.

SS PATRICK PAYET

Mersi Mr Chair. Mersi Onorab. Mr Chair, lentansyon sa analiz ki nou pe fer se pa pou okenn dimoun perdi son lanplwa. Lentansyon, par egzanp, annou pran en legzanp letan nou'n diskit avek *Minister Foreign Affairs*. Diskisyon se zot anvi *train* sa *group cleaners* dapre zot bann prosedir protokol ki egziste.

E pou fer sir zot dan en lankadreman dapre zot stratezi pou fer sir ki zot en pe *professionalise* en pe zot servis ki sa bann bann *cleaners* i donn zot Minister e osi letan bann *Dignitaries* i vini.

Sa i en pe lentansyon lo kote Gouvernman. Par egzanp en lot senaryo se, si ou annan bann *cleaners* ki egziste ozordi bann MDAs si sou transfer zot. E sa sanmenm sa ki nou pe fer sa analiz pour nou vwar si eski ozordi nou kit zot kot zot ete, as *Cleaners Corporative Anploye* by *Cleaners Corporative*, ouswa i pli bon ki zot anploye avek sa Minister pour zot fer sir ki kekfwa bann benefis ki egziste ozordi lo kote Gouvernman zot osi zot benefisyé.

Sanmenm sa ki nou pe fer li dan sa *review*. Me selman kekfwa nou pa pe pran en desizyon sitan vit. Akoz i annan bann lezot *assessment* ki nou pe fer. Par egzanp lo kote *salary review*, i annan bann lezot *assessment*. Ki nou pe fer sir ki *at least* nou konnen konbyen sa bann kou adisyonnель i vini. Si nou fer par egzanp sa transfer dan bann *respective MDAs*. Ouswa si nou kit li ozordi kote i ete, konbyen pe kit nou.

E sa analiz mon krwar *once* ki nou konplete kekfaa nou pou kapab pran en desizyon final.

Me selman avek lekspektasyon, nou pa pe vvar okenn *cleaners* pe perdi zot louvraz. Lentansyon pa sa, me selman lentansyon pou nou revwar striktir ki egziste ozordi. Mersi Mr Chair.

MR SPEAKER

Mersi SS. Bon, prezan nou a pran vot lo sa Bidze *Other goods and Services* lo paz 34 seksyon 2 pour R107milyon 915mil. Manm ki an faver lev lanmen silvouple. *Thank you.* Manm ki kont? Lo Bidze *Other goods and Services* lo paz 34 pou R107milyon 915mil, 26 Manm in vot pour, 0 kont e 2 abstansyon.

Alor sa Bidze i aprouve par Lasable.

CENTRAL PROGRAMME OF CENTRAL GOVERNMENT

MR SPEAKER

Nou pran *Central Programme of Central Government* lo paz 38 ziskan 39 dan seksyon 2. *Summary of Expenditure Estimates* pour en total R303milyon 381mil. SS ou lentrodiksyon.

SS PATRICK PAYET

Mersi Mr Chair. So sa lot vot, *Social Program of Central Government*, parey ou'n mansyonnen Mr Chair pour en total R303 milyon 381mil. Dan sa *budget line*, bann gro depans mon kapab mansyonnen; premye i annan *Pension* avek *Special Pension payment*, pour la valer R78milyon 443mil. E *Special Pension payment* i pour en la valer R78milyon, 340mil.

Lo sa 2 vot *specific* par egzant nou annan bann dimoun ki parey zot konnen ki'n *retire*. Bann ki ti *retire* avan 1979, bann ki ti *retire* 2004 avan Fon Pansyon ti egziste. So i annan ki Fon Pansyon, baze lo Lalwa ki egziste ozordi, Fon Pansyon i peye, e i demann nou *refunded*.

Apre parey zot konnen i annan bann *Teachers, Nurses, Police Officers* ki zot, zot ganny sa adisyonnell *Pension* ki R1000mil. Sa osi i enkli. I annan sa *minimum pension* ki egziste anba Lalwa Fon Pansyon. So dimoun ki'n travay ozordi ki pe ganny en pansyon ki pli ba ki R3mil, Gouvernman li i donn sa adisyonnell. So sa adisyonnell i vin dan Bidze. Sanmenm sa ki zot vvar en pe sa *total in increase*.

Dezyenm konponan, i annan sa *Children Special Fund*. E parey zot konnen, sa fon, bann *members* in ganny apwente, e zot in fer *call of proposal* e pandan sa bann letan la, mon ekspekte *hopefully* bann dimoun ki anvi ganny lasistans ouswa bann *organizations*, zot pe fer zot soumisyon.

Bann pli gro konponan ankor i annan kontribisyon *to political parties* 6.5milyon. *National Grant for Non-Profit Organization* nou annan en alokasyon 9milyon e sa parey zot konnen nou fer en *call of proposal* e soumisyon ki nou gannyen, i annan en komite ki evalye.

E si par egzant letan ou regarde dapre Bidze, e si soumisyon, zot pa ganny sa *total*, zot fer ankor en lot *call of proposal*. E sa nou pe ekspekte kekfwa zot pou fer li premye kar lannen prosenn.

Anba *ADF Schemes* en provizyon 3milyon. Nou annan *SME Scheme* pour en la valer 50 milyon. Anba *SME Scheme*, sa i egziste avek bann labank komersyal. E bann dimoun, bann biznes ki anvi en *loan* anba sa *Scheme*, Gouvernman i *subsidies* lentere.

E parey Minis in anonse dan son ladres, nou pe revwar sa *Scheme* pou fer li *more targeted* dapre bann sekter ki nou anvi plis sa krwasans. Plis gro osi dan Lekonomi.

So aktyelman la nou annan sa prosedir ki nou *almost* konplete avek sa legzersis. Be selman nou pe al diskit avek sekter prive avek labank komersyal. Me selman nou anvi konsantre dan bann sekter parey Minis in anonse. Se bann valer azoute ouswa diversifikasyon dan *Tourism*, dan Lagrikiltir, dan Lapes, dan *Digital Teknolozi*. Apre dan *Financial Sector*, ouswa bann lezot konponan ki nou ekspekte.

Anba lot gro konponan se *Housing Finance Scheme* ki pou en total 18milyon. Letan zot konpar li avek Bidze 2021 ki ti zis en alokasyon 6.3milyon, nou'n met sa provizyon 18 milyon lannen prosenn akoz nou ekspekte letan ou konpar Bidze 2020 ek Bidze 2021, labank pa ti pe donn sa kantite *loan* akoz sirkonstans lekonomi.

Me nou ekspekte avek lekonomi ki pe- nou ekspekte fer pli byen. Nou ekspekte kekfwa labank in konmanse sa lannen, nou ekspekte vwar plis lannen prosenn ki zot pe donn *loan*.

En lot provizyon se *Home Improvement Re-roofing Scheme for Pensioners* en alokasyon 5 milyon. Nou'n met 2-3 provizyon ki nou'n fer li anba sa *Code santralize*.

Me selman letan nou pou diskit Bidze bann Minister par egzant *Youth Employment Scheme*, 5milyon anba Departman Lanplwa.

Youth Entrepreneur Scheme 1milyon anba Seychelles National Youth Council.

Apre, bann lezot provizyon par egzant bann lezot fon ouswa *Scheme-* par egzant *Seychelles Heritage Scheme* ouswa *Culture and Arts*, sa osi nou'n fer li sa alokasyon. Me selman dan Bidze dan bann Minister zot pou vwar sa alokasyon anba zot *PBB statement*.

En lot provizyon se *Laptop Scheme* 5 milyon, apre en *SME Seed Capital* pour en la valer 5 milyon. E sa Minister- en *industry investment* osi pe re vwar sa *Scheme* dan son totalite.

Nou ekspekte sa osi zot pou diskit avek sekter prive *once* ki zot konplet sa legzersis.

2 novo provizyon ki nou'n mete dan sa Bidze santralize. Premye i *Educational Loan Scheme*. E sa i pou baze en pe *similar* parey en *SME Scheme* ki Gouvernman- parey zot okouran ozordi ki i annan bann labank komersyal ki donn *loan* bann etidyan ki anvi al etidye. Par egzant bann *part-rental*, i annan ki pran avek labank komersyal.

Me selman nou vwar kekfwa avek sa bann *loan*, sa bann lentere ki labank komersyal i donnen kekfwa i en pe o. So Gouvernman pou met en striktir an plas avek labank komersyal pour zot *subsidies* en pe sa to lentere. E sa nou ankor an diskisyon avek labank komersyal.

E *once* nou konplet sa legzersis ki nou pou vini pour nou anons sa *Scheme*. E nou ekspekte fer li *by Zanvye* lannen prosenn. Nou annan en kontribisyon ki nou'n mete for *UNISEY*. Sa kontribisyon ki nou'n mete se pour nou ed *UNISEY* en pe lo kote zot revwar en pe lo zot lenfastriktir. Zot *campus*.

E osi apre bann lezot lagreman ki zot pe sinyen avek bann *training programme*. Apre pou asiste zot en pe lo zot Lenstiti Resers ki zot in mete. So en provizyon 5milyon in mete anba *Unisey*. E anba *Educational Loan Scheme* en alokasyon 8milyon.

Avek sa Mr Chair, en propozisyon pou en total Bidze R303milyon 381mil. Mersi Mr Chair.

MR SPEAKER

Mersi SS. Nou a pran kestyon bann Manm. E Onorab Woodcock in lev lanmen.

HON WAVEL WOODCOCK

Mersi Mr Speaker. Bonn apremidi SS ek ou lekip. Minis mon apresye ki anba *Social Programme of Government* i annan plizyer bann *Scheme*-

MR SPEAKER

Un instant Onorab. Mon pa konpran ki Onorab Henrie pe dir mwan.

HON GERVAIS HENRIE

Mr Chair mon ti pe fer en propozisyon parski sa i telman annan bann diferan *headings* lo sa 2 paz. Si nou ti pran li par laliny pandan en-konmsi en lord nou konpran ki nou pe-?

So si Manm i annan kestyon lo pansion, si napa nou bouz lo lot so ki- o sinon nou pou *all over the page*. Mersi.

MR SPEAKER

Well i riske pli konplike Onorab Henrie. Onorab Woodcock prosede avek ou kestyon apre nou a regarde.

HON WAVEL WOODCOCK

Ok mersi Mr Speaker. Ok, SS mon'n apresye ki i annan plizyer bann *Scheme* ki'n annan bann logmantasyon signifikan pou ed nou bann dimoun. Parey, *Housing Finance Scheme* ki'n ogmante sorti 6.3milyon an 2021 pou vin 18milyon a 2022.

SME Scheme in ogmante sorti 40milyon pou vin 50 milyon pou asiste bann biznes sirtou *loan* ou *working capital*.

Me ler mon pe get lezot landrwa sirtou bann lorganizasyon, bann *Civil Society Organization*, mon war ki i annan serten landrwa ki'n ganny koupe, ki'n ganny tire. Zot ti pe ganny asiste anba Bidze. Zot ti pe ganny en bann kontribisyon parey *CARE* ki ti R3.2milyon.

E i nepli pe ganny nanryen, ni en ptipti alokasyon i pa'n gannyen. Me selman, *CEPS* li i pe kontinyen ganny alokasyon. *CEPS* li i pe ganny alokasyon R2.377milyon.

E nou annan diskisyon dan le pase kot i konsern Finansman pour bann antite sosyete civil. Akoz sa bann larzan ki sorti- i *taxpayers' money* ki pe al kot sa bann antite.

Me eski i pe annan en *oversight* lo sa bann larzan ki Gouvernman pe donn sa bann diferan lorganizasyon? Eski zot pe servi sa bann larzan byen? Eski i pa merit annan en *oversight* lo sa

bann antite, lo sa larzan ki Gouvernman pe donn sa bann diferan lorganizasyon sisyete civil.

Apre mon lot kestyon i kot i konsern *Children's Special Fund*. Ou konnen i annan bokou dimoun ki'n *call* mwan, in demann mwan regard dan sa fon. Konmsi ki mannyer zot pou ganny akse ek sa fon?

Akoz zot pa konnen akoz zot pa al kot Gouvernman Lokal. Konmsi ki mannyer sa fon pe ganny zere? E ki bann prosedir pou bann dimoun kapab ganny akse avek Finansman ki anba sa fon? Mersi.

MR SPEAKER

Mersi. SS wi ou annan 2 kestyon la.

SS PATRICK PAYET

Mersi Mr Chair. Mersi Onorab pour sa 2 kestyon. Premye lo kote bann *Civil Society Organization*. Bann prosedir ki egziste ozordi, letan zot pe fer zot soumisyon pour zot demann en alokasyon dan Bidze, i annan *the call of-* sirtou bann ki pe fer li dapre *the National Grant Policy*. I annan en Komite ki evalye.

E lo sa Komite i annan en re prezantan Minister Finans e reprezantan *Civil Society* e apre nou annan bann Spesyalis dan bann diferans sekter. Apre nou annan en *fulltime staff* ki travay ek nou dan Minister Finans, ki i en *project officer* lo kote sa *National Grant*. Nou pa *disperse* larzan en sel kou letan nou pe fer li. So nou fer li dapre zot *project proposal*, e diferan staz proze nou fer sa soumisyon.

E menm par egzant letan sa *project officer* i ale i al evalye si i vvar sa propozisyon ki ou'n mete dan Bidze - letan ou'n soumet *for your call of proposal*, letan ou'n soumet *your proze* i pa dapre li, sa i annan en diskisyon ki- *they call* sa lasosyasyon pour zot kapab verifye en pe pli byen.

So i annan bann *cross check* ki ganny fer par sa tim. E menm par egzant zot kapab redwir Bidze, menm si zot *in approve* par egzant 1milyon. Me letan zot vvar ki i annan *savings* ki pe arive sa total 1milyon ki pou ganny soumet.

So i annan bann diskisyon ki arive, e en keksoz ki nou fer avan menm nou konmans *fer assessment*, se nou fer zot soumet zot *Annual Financial Statement*.

I annan bokou zot ki zot an retar avek zot *Annual Financial Statement*, ouswa kekfwa zot pa azour avek lareg Rezistrar Zeneral.

Tou sa la sa bann komite *members* i verifye sa bann prosedir. So i annan en pe bann *cross-check and balances* ki ganny fer.

Lo kote CARE. Parey letan nou ti diskit Bidze avek zot pour lannen 2021, e sa nou'n fer zot fer *through the soumisyon*, parey National Grant, parey bann lezot lenstitisyon. So sanmenm sa ou pa pou vwar kekfwa Bidze lannen prosenn.

Me selman zot bezwen pas parey bann lezot *civil society organization*. Mr Chair kekfwa mon'n mank enn sa dernyen kestyon. Onorab si i kapab repete silvouple.

MR SPEAKER

Children's Fund SS wi.

MR WAVEL WOODCOCK

Apre CEPS osi.

SS PATRICK PAYET

Lo kote *Children's Fund* zot in fer soumisyon. Zot in demann tou bann *organisation* pou soumet zot bann proze ki zot annan. Akoz i annan en *Policy and Guidelines* ki zot servi. Lo sa *Board* li menm i annan parey zot okouran i annan Mrs Patricia Padayachy ki *Chairperson*. E Mrs Linda William Melanie ki *Vice-Chairperson*. E Sekretarya ki zot pe ganny asiste se lo kote Departman Social Affairs.

E tou soumisyon i annan ki zot in mete dan *Newspaper last week* ouswa *2 weeks*. Me selman kekfwa letan zot fini evalye si zot vwar ki sa total Bidze ki nou'n soumet, zot pa ganny ase *call of proposal*, zot re fer ankor en *call of proposal*.

Me selman kekfwa nou a fer en diskisyon avek zot pour zot fer en pe plis *awareness program* pou dimoun okouran. Sirtou kekfwa diskit en pe avek bann *NGO*, ouswa Lasosyasyon ki kouver *specific* bann zanfan.

Lo kote CEPS i en alokasyon parey zot vwar ki nou'n kit en pe parey pour lannen 2022. So li nou'n mentenir en pe zot Bidze dapre en pe sirkonstans ki lo kote Gouvernman ki nou'n mentenir en pe Bidze, bann lezot Lazans Gouvernman. So nou'n *keep li*.

Me selman li osi nou fer *sir* ki i bezwen soumet par egzanp zot AFS, ouswa bann lezot dokiman adisyonnal. Nou pa donn zot Bidze en sel kou, 2.3 milyon dan zot kont. Nou disperse zot *on a quarterly*

basis. Zot bezwen soumet zot *cash flow*. So i annan bann prosedir ki nou met an plas an diskisyon avek zot lo la. Mersi Mr Chair.

MR SPEAKER

Mersi SS. Onorab Lemiel.

HON SYLVANNE LEMIEL

Mersi Mr Chair. Bonn apremidi SS avek ou delegasyon. Mr Chair mon ti a kontan SS i donn mwan en pti leksplikasyon lo kote *Land Compensation Tribunal*. Lannen pase i ti ganny li 2.4milyon, sa lannen ki pe vini nou pa war. Petet mon ti a kontan konnen akoz.

Laptop Scheme. *Laptop Scheme* in sorti 3 milyon in vin 5 milyon. Ki i byen, me selman mon ti a kontan ganny en pti pe leksplikasyon an term, eski zot pe mazin donn en pti pe plis ki sa *allowance* R3mil ki zot pe donn sak etidyan, or zot pe mazin pour *cater* pou bann Etidyan ki dan pli ba laklas *apart* ki S4-S5?

Petet nou pe vwar ki bann etidyan osi ki konmans dan P6 an desandan, zot osi zot bezwen lasistans. Eski sa R2milyon ogmantasyon pou fer provizyon pour sa?

Mon vwar en nouveau *Trust Fund* ki'n ganny inisyé. Sa se en *Innovation Trust Fund* ki zot in met R500mil ladan. Mon ti a kontan konnen egzakteman ki i *entail*? Lekel ki kapab al *apply* pour sa *Innovation Trust Fund*? E petet kote ki bann dimoun ki annan bann nide inovativ i kapab *apply* anba sa *Trust Fund*, kote i pou *apply*?

E apre mon war *Red Cross*. *Red Cross* nou konnen ki i pe ede dan en kantite travay, i pe ede dan en kantite keksoz. I pe ed kominate. Mon vwar ki depi lannen 2001, depi lannen 2020, 2021 son Bidze in reste 1.5 milyon.

So mon pe regarde la an 2022 osi mon vwar 1.5. Eski zot pa ti pe mazinen petet, pour regard en pti pe lo kote *Red Cross*, ki mannyer zot kapab donn li en pti pe plis soutyen? Mersi.

MR SPEAKER

Mersi Onorab. SS.

SS PATRICK PAYET

Mersi Mr Chair. Mersi Onorab pour sa 4 kestyon. Premye mon a konmans lo *Land Tribunal*. Letan nou'n diskit avek sa Tribunal, zot ekspekte konplet zot travay *by* Desanm. So rapor zot pe finalize letan

nou'n diskit avek zot. Akoz ki zot in vvar ki bokou zot bann *case*, in ganny *head by Truth and Reconciliation*. So bokou dimoun dan plas vin kot zot in al laba. Me selman zot bann *case* ki zot annan zot pe konplet sa bann legzersis by Desanm. E pour zot soumet zot rapor avek Prezidan. So sanmenm sa ki nou pa'n met okenn Bidze lannen prosenn.

Lo kote *Laptop Schemes*, menm si in *increase*, i pour bann etidyan S1 a S5 apre *Professional Centres*. Apre i pou R3mil. Me selman sa i an diskisyon avek *DICT*.

Nou kapab re diskit avek *DICT* pou revwar sirtou avek domenn teknolozi, ki mannyer nou kapab revwar en pe sa *scheme*. Si par egzanp lo kote primer, sa i bann diskisyon kekfwa nou kapab diskite avek *DICT*.

Me selman sa i en *forecast* ki nou'n ganny sa- akoz letan zot in regarde sa lannen baze avek sityasyon kekfwa *funds* ki kekfwa bann paran ti annan ti napa en kantite. Me kekfwa zot ekspekte *now* avek lekonomi ki pe refer, pti a pti ki zot ekspekte en pe plis lannen prosenn.

Me selman nou kapab diskit avek *DICT* pou revwar si par egzanp lo kote primer i ekspekte kekfwa anmenn bann lezot *level* dan primer.

Lo kote *Innovation Trust Fund*. Sa i en *Scheme* ki deza egziste, me menm si kekfwa ou pa'n war Bidze sa lannen, me selman sa i avek- avan ti anba *NISTI*, me selman la avek *Minister Entrepreneurship* avek *Industry*.

Ki bann soumisyon se lo kote bann proze inovasyon. Keftwa *once* ki- mon kapab diskit avek *PS*, *once* ki i pe vini semen prosenn pour li kapab donn enpe plis detay e ki bann proze ki zot ekspekte. E ki mannyer zot fer *call of proposal*, parey i egziste- bann lezot *Scheme* ki egziste dan Gouvernman.

Lo kote *Red Cross*. Sa i en pe nou diskisyon ki nou'n ganny zot, akoz zot pa ganny zis larzan avek Gouvernman me selman zot ganny en pe larzan ankor avek bann organizasyon enternasyonal. Me selman s ai sa provizyon.

Be i annan bann lezot *avenue* ki zot ganny ankor bann lezot *funds* pour zot konplimant en pe sa ki Gouvernman i donn zot. Mersi.

MR SPEAKER

Mersi SS. Fotespere tou kestyon in ganny reponn, Onorab Aglae.

HON EGBERT AGLAE

Mersi Mr Speaker. SS premyerman i annan en logmantasyon dan *SME Scheme* sorti 40 pou mont 50milyon pour lannen prosen. An vi ki ti annan osi pandan sa peryod *COVID* kot labank pa ti pe donnent. Eski prezant sa ki mon pe konpran, pou annan bann *disbursement* ki pou ganny fer avek serten bann kondisyon ki zot etabli?

E osi mon ti a kontan demann ou si zot pou reste avek sa bann lenstitisyon finansyal tradisyonnal ki ti pe donnent? Mon konnen parey *commercial bank* pe donnent, *Nouvobanq* i donnent. Eski nou pou osi get bann lezot labank?

Dezyenmman i annan sa *Educational Loan Scheme* 8 milyon. Ki oparavan ler mon'n *get back* pa ti egziste dan bann laliny Bidze. Si ou kapab donn nou en pe leklersisman, ki kalite finansman ledikasyon nou pe koze la? Si i lokal, si *overseas*.

Apre dernyen, i annan sa *National Grant* la, ki zot 9 milyon. Si ou ti kapab donn mwan en pti kont randi briyevman. Ziskan *maintenant* par ki sa bann *NGOs* i *apply* la. Ki kantite larzan ki ganny servi petet anyelman en pti git, e ki bann proze osi ki zot pe targete pour bann fitir aplikant? Mersi.

MR SPEAKER

Mersi Onorab. SS?

SS PATRICK PAYET

Mersi Mr Chair. Mersi Onorab. Lo kote *SME Scheme* nou'n met sa provizyon 50milyon. Me letan ou konpare avek Bidze 2021 ki ti zis 40milyon. Mr Chair kekfwa zis pou donn zot en kontrandi *of* depi ler sa *Scheme* in egziste depi 2014, e la valer 1.5 bilyon ki tou labank komersyal i fer. Me selman kekfwa i annan ki ofer en pe pli vit, konpare avek bann lezot labank.

I annan en analiz ki'n ganny fer ki nou kapab *share* avek Lasanble. Me selman letan nou'n regarde se provizyon, par egzanpl letan ou regard bann *existing loan* ki egziste ek bann labank ki la valer 1.5bilyon, sa lentere ki nou *subsidies* i apepre 42 a 43milyon. Sa lentere ki nou *subsidies*.

Savedir si ou ti pe *forecast* Bidze pour *existing loan*, i apepre zis 42 a 43milyon ki ou ti pou bezwen dan Bidze. Me avek lentansyon Gouvernman, se pou revwar an totalite sa *Scheme*, pour nou revwar

en pe plis bann lezot sekter pou vini. Met lanfaz dan sa bann sekter par al dan sa bann sekter tradisyonnal, me bann lezot sekter ki nou anvi en pe plis krwasans.

Sanmenm sa nou'n met sa apepre 7milyon adisyonnal pou *subsidies* lentere. Me selman sa bann *loan* pou ganny donnek kot bann labank.

Par egzanp letan zot ale zot- parey prosedir sa 3milyon- Premye 1milyon i ganny *subsidies* premye zot 5poursan. 2enm - sa lezot 2milyon i 7 poursan. Me i tou sa la ki nou pe revwar ek zot.

Par egzanp en keksoz ki nou pe diskite se pour le moman i annan *7 years repayment*. Kekfwa *extend* sa *repayment* pou 10an. Sirtou avek bann sekter par egzanp Lagrikiltir avek Lapes. Akoz letan ou *regard* par egzanp lo sa *analysis*, 1.5bilyon, mazorite i dan konstriksyon avek *Real Estate*, ki en la valer 776 milyon.

2enm i transportasyon 322. Me selman lanfaz ki nou anvi mete i dan bann lezot sekter. Akoz sirtou avek nou *heavy reliance* lo *tourism*. Nou anvi vvar bann lezot sekter devlope.

Par egzanp letan ou vvar *Fisheries*, zis 83milyon. Me nou'n vi sa en pe plis. Letan ou regard Lagrikiltir i zis 7.7 milyon. Nou anvi vvar en pe plis.

So this is why kekfwa nou'n met sa larzan adisyonnal. Me selman revwar li dan son totalite pou fer sir ki- koz avek labank komersyal osi. Mon konnen i annan en pe difikilte kekfwa letan bann sekter osi i soumet sa bann lenformasyon me selman travay avek zot.

Lo kote sa *Educational Loan Scheme*, lentansyon li osi kekfwa mars enpe parey en *SME Scheme*. Pou vvar bann domenn ki nou anvi nou bann etidyan i al *study*.

Par egzanp si en etidyan, lanfaz pe ganny mete kekfwa pou li al *study UNISEY*, kekfwa li i anvi i anvi al dan en lot *University* selman son paran i anvi pran en *loan* al fer li. I pa anvi pran en *loan through ANHRD* akoz sa bann *requirement* ki i pe demande, Gouvernman i kapab *subsidies* sa Degre ouswa *Master*, ouswa menm lo kote *Diploma*.

Si i annan *Diploma* ki pa ganny ofer *locally*. Ouswa menm par egzanp en *Diploma* pe ganny ofer through *Guy Morel Institute*. Ouswa *through the professional course* - par egzanp ACCA, ki ouswa ou bezwen bann dimoun dan Legal. Kekfwa li i bezwen fer en *professional course* dan Legal.

So, i en pe sa ki nou pe etidye avan kekfwa nou vin fer lanons. Me i pour tou. I pa zis pour Degre, Master, Professional Course, at Diploma, Advance Diploma.

Me selman bann ki pa pe ganny ofer kekfwa to bann *professional centers*. So sa i enpe- e an menm tan i pou baze lo en pe lo i pa pou nenport course. Me selman i pou pli *specific* dapre stratezi nasyonal ki nou ekspekte diskite avek Minister Ledikasyon, ANHRD pou fer sir ki *at least* bann domenn ki bann etidyan i swazir dapre stratezi nasyonal osi.

Avek sa Mr Chair pour trwazyenm kestyon mon ti a kontan envit Mrs Volcere lo sa kestyon lo *National Grant*. Mersi.

MR SPEAKER

Mersi. Wi Mrs Volcere?

MAY-PAULE VOLCERE

Bonn apremidi Chair. Bonn apremidi Onorab. *National Grant* lo kote son *mandate*, bann *areas* ki i targete i *goal 1 of SDG*, pour lo kote *poverty;- to end hunger - Agriculture*. Nou osi *get healthy living and promote well-being, gender equality, inclusive of quality education, and promote sustainable economic growth and productive employment.*' E osi *promote peaceful inclusive society*. Sa bann *areas* ki nou *focus on*.

Pour sa dernyen 3an ki *National Grant* in la, nou ganny apepre an *average* 30 aplikasyon par lannen. Nou fer en *proposal* avan Bidze pour nou kapab ganny en group. *And then* apre sa, premye *quarter* en lannen, nou fer 2enm *proposal* pou bann ki pa'n kapab *meet* sa *deadline*. *Anyway, on average selman over the past, disbursement* ki nou'n fer i 6 milyon par lannen.

Sa lannen in en pe pli mwens, akoz en bon pe NGOs avek *COVID* pa pe kapab ariv kot zot bann *targeted audience* pou fer bann *community activities*. So i pa'n posib pour zot kapab servi sa larzan.

This is why sa lannen nou war nou *disbursement* en pe pli ba. Me selman nou *still maintain* sa menm *budget* akoz nou ekspekte avek *economic recover and then aktivite i kapab resume, then, the NGOs can still apply the same amount*.

MR SPEAKER

Thank you, panel. Nou a pas lo Onorab Georgse.

HON BERNARD GEORGES

Mersi Mr Chair. Mr Chair mon annan 2 pti kestyon. Premye se – pa en gran sonm larzan R400 ekek mil. *IOT gratuities* ki pou ganny peye sa lannen, eski SS i kapab eksplik nou akoz Gouvernman i ankor pe pey gratwite *IOT workers*?

E dezyenmman, *CARE*. Mon vwar ki- nou ti'n ganny dir en pe pli boner ki *CARE* sa lannen pa ti pou ganny okenn larzan. E annefe napa larzan ki'n ganny mete a son dispozisyon. Me i *still* pe fer en travay, e *as far as* drog i konsernen, i annan en travay enportan ki sa lorganizasyon pe fer.

Mon ti a kontan ganny en reasirans avek SS ki kantmenm i pa'n ganny en Bidze direk, i ava *still* kapab *apply* pou *Grants from* en lot porsyon Bidze. E eksplik sa silvouple akoz mon'n donn mon lasirans avek *CARE* ki mon ti pou lager dan son kote bwat pour sa Bidze. Mersi Mr Chair.

MR SPEAKER

Mersi Onorab. Wi SS ou pou adrese?

SS PATRICK PAYET

Mersi Mr Chair. Mersi Onorab pour sa 2 kestyon. Lo kote *CARE* definitivman komitman son prosedir pour li *apply to The National Grant*. E *actually in apply e assessment* pe ganny fer pour li kapab regarde kantite i pou donnen. Me selman i *through The National Grant Committee certain*.

Dezyenm lo kote *IOT gratuity*. Wi Mr Chair, nou'n met sa provizyon akoz, *actually* sa ti en komitman ki Gouvernman in fer. Se selman nou pe revwar li dan sa totalite parey i pe ganny fer avek bann lezot gratwite.

The salary of Government is being reviewed dan son totalite. E tou bann konponan, e *actually* le 6 mon konnen *the shareholders from Thai Union* pe vini pour nou rediskit en pe. Me selman sa nou'n met en provizyon.

Me definitivman lannen prosenn nou pou bezwen revwar li dan son totalite, akoz Gouvernman osi pe revwar tou son bann *Scheme* ki egziste ozordi. Mersi Mr Chair.

MR SPEAKER

Mersi SS. Onorab pillay.

HON SEBASTIEN PILLAY

Mersi bokou Mr Chairman. Bonn apremidi tou dimoun ankor enn fwa. Mon le retourn lo sa bann provizyon ki en pe pli gro anba sa Bidze, e sa se sa Bidze mon'n war sa *lined* pansyon avek sa *Special Pension's Payment* la en?

Ok, en konsern ki mwan mon'n gannyen ki mon oule met devan ou SS se ki i annan bokou dimoun ki ti travay dan Gouvernman dan bann lannen pase- mon pe koz ou plizer lannen pase. E ki ler zot in arrive ler pou kalkil zot bann pansyon, zot pansyon ti ganny kalkile lo sa saler ki zot ti aret travay. E ozordi en dimoun ki pe fer menm fonksyon ki zot, pansyon i bokou pli o.

E i annan plizer dimoun- well i napa bokou zot konmela akoz lamazorite zot i tre avanse *in terms of* laz. Me bokou zot ti a kontan vwar si i annan en dimoun ki fer pledwari, akoz mon krwar Prezidan i annan en *say* ladan.

Sey fer en pledwari avek Gouvernman pou revwar sa kalkilasyon, pour bokou sa bann dimoun ki'n travay dan bann antite Gouvernman.

So eski i annan en konsiderasyon ki pe ganny donnen an relasyon avek sa? Sa i mon premye kestyon.

Mon dezyenm kestyon. Mon le tous lo sa pwen *Home Improvement Re-roofing scheme for Pensioners*. E sa *Housing Finance scheme* ki nou pe get 18 milyon la en. *Notwithstanding* ki sipoze annan lezot larzan ki'n ganny *allocate* pour bann *special housing or emergency housing* parey Gouvernman i dir.

Menm si nou pa konnen ki kalite *emergency housing* i pour ete, sa i pou bann *loan* ki dimoun i kapab ganny akse avek si mon pa tronpe. So eski ou pe dir nou pou dir *HFC* pou kapab ofer sa bann *loan* sa lannen? Baze lo lenformasyon ki nou pe gannyen e Bidze ki i pe gannyen. E dimoun pou kapab ganny akse avek sa bann *loan*?

E eski ou annan okenn lenformasyon avek lo lakantite pansyoner ziska la ki'n ganny akse avek sa *loan* pansyonner ki R5milyon?

Apre mon annan e kestyon an relasyon avek sa depans ki nou pe mete pour sa *SME Seed Capital* en. Annefe i annan 2 konponan ki *relate* avek kanmarad - *SME Seed Capital, and then* nou annan en lot konponan en pe pli gro *SME Scheme*. So ki fer R55 milyon.

Eski *management* sa 2 *scheme*, la fason ki i ganny fer, i pran kont larzan total ki Gouvernman pou depanse an relasyon avek *small to micro enterprises?* Or tou le de i *at a tangent?*

E alors ler en portre i ganny penn lo ki kantite sipor Gouvernman pe donnen, pour nou Lasanble konpran ki kantite larzan Gouvernman pe donnen lo sa bann *Scheme*, sa 2 keksoz i separe i pa ganny met ansanm. Mersi Mr Chairman.

MR SPEAKER

Mersi Onorab. SS.

SS PATRICK PAYET

Mersi Mr Chair. Mersi Onorab pour sa 3 kestyon. Lo kote Pansyon mon konnen vre nou'n vvar en pe sirkonstans akoz *any desizyon* ki en Polisi i ganny fer. par egzamp si en Polisi pou konmans ganny enplimante le 1er Zanvye 2022, *because of the cut-off date*, i annan dimoun kekfwa ki zot vvar li zot in ganny afekte.

I annan sirkonstans ki nou'n vvar lo la. Akoz sa nouveau *formula* ki Fon Pansyon ti fer letan ti pe an 2017. Me selman parey ou okouran ki tou le lannen i annan sa bout lenflasyon ki zot ganny ogmantasyon zot panson.

Me kekfwa sa i en keksoz ki nou a ava diskit avek Fon Pansyon, pou vvar li lo kote son totalite letan i pe fer son bann reform. Me selman nou konnen definitivman sanmenm sa ki Gouvernman ti vin lentrodiksyon sa *minimum pension* R3mil.

Akoz vre, ozordi en dimoun ki pe travay son saler i mete i R15mil. Me selman kekfwa dan 10an sa menm *post* son saler i pou'n ariv 22mil, 23mil baze lo lenflasyon.

So i arive mon konnen ki kekfwa letan ou pou kalkil sa dimoun kekfwa ti pe travay menm *level*, sirtou avek mon konnen bokou kestyon ki'n gannyen se lo kote *Teachers* ki'n *retire*, enpe letan pase, konpare avek *Teachers* ki pe *retire now*. Zot vvar zot kekfwa zot in dezavantaze baze lo sa nouveau *formula*.

Me selman sa nou kapab kontinyen diskisyen avek Fon Pansyon, pou vvar ki striktir ki nou met an plas meyer diskisyen nou kapab gannyen lo kote Gouvernman ek Fon Pansyon.

Lo kote sa *Housing Finance Scheme*. Menm si nou apel li *Housing Finance Scheme*, Mr Chair zis pou mWAn dir, sa i pa zis *HFC*

ki ofer sa *Scheme*. Sa *Scheme* i ganny ofer avek *any commercial bank*, bann dimoun ki pran en *mortgage* ki zot saler ki anba R30 mil.

So i pa zis *HFC*. So... Me selman nou'n vwar akzo bokou sa bann dimoun ki dan sa *threshold*, i *apply through HFC*.

Vre definitivman letan ou regard aplikasyon. Me selman nenport *commercial bank* osi. Zot osi sirtou par ezanp si sa- akoz par egzanp letan ou regard sa endividé, i pa pe *bank* avek *HFC*, so i ti pou pli dan son lavantaz pour li *apply* avek en *commercial bank*, akoz son *threshold* ki i kapab gannyen. Akoz mon krwar *HFC* i donn la valer zis 950mil. Me selman avek en *commercial bank* i kapab ganny plis.

Me selman *statistics* nou napa lo kote *Home Improvement Roofing Scheme*. Me selman nou kapab donn Lasanble ki kantite pansiyoner ki'n *apply*. Me selman sa, ki akoz ki kekfwa nou'n fer sa ogmantasyon lo kote *Housing Finance Scheme* lannen prosenn? Akoz nou ekspekte sirtou avek bann lezot *commercial bank* letan nou'n diskit avek zot, ki kantite demann ki zot in gannyen.

E nou ekspekte pou annan plis lannen prosenn, akoz sa lannen parey ou konnen zot pa ti pe donn sa kantite.

Lo kote *SME Scheme* avek *SME SEED Capital* definitivman sanmenm sa nou pe revwar tou le 2 sa *Scheme*. Minister Finans avek Minister Lantreprenarya avek *Industry*, nou pe fer en *total review* lo tou le 2 sa *Scheme* pou met en lot striktir an plas.

E pou fer si ki *at least* tou le lannen osi nou kapab prodwir en rapor, ki pou kapab fer li *available* piblikman ki zot pou konnen ki kalite sekter ki bann labank komersyal osi par egzanp in donnez anba sa *SME Scheme*.

E ki kalite sekter ki par egzanp sa komite in evalye bann proze anba sa *seed capital*. So sa i en diskisyon ki nou kapab travay lo la e pou fer sir ki en rapor tou le lannen i ganny fer. E definitivman nou kapab fer li *available* piblikman. Mersi Mr Chair.

MR SPEAKER

Silvouple terminen Onorab wi?

HON SEBASTIEN PILLAY

Mersi Mr Chairman. En pti pwen enportan, *regarding* sa size sa *Special Pension*. Mon pa konnen kantite letan i pou pran, me bokou sa bann dimoun ozordi i dan en laz tre avanse. E mon pe koz ou annan ki'n ariv 79 menm 80 si mon pa tronpe.

I annan en msye Anse Etoile ki *call* mwan tanzantan lo sa size osi. I ti travay kot Prizon. I annan en madanm osi in *call* mwan lo la. I annan plizyer dimoun ki'n al en pe partou, pou sey rod en rekour pou sa sityasyon ki zot ladan. So eski dan bann mezir ki ou pe pran, ou kapab mazinen pou sey donn nou en lenformasyon lo ki zistans sa sityasyon pe arive?

Si dan le pase i pa'n ganny fer, mwan mon le anbark lo en prosedir pou sey sa ki mon santi i en lenzistics anver sa bann dimoun ki'n travay, me sa letan zot pa ti ganny sa saler.

Dezyenmman en pwen ki mon ti le fer Mr Chairman, ki enportan se ki *IOT* mon'n vvar ou koz lo en serten lapros. Mon ti a kontan *remind* ou ki *IOT* sa bann dimoun sa travay ki zot fer i anmenn *dividends* pour Gouvernman.

E Gouvernman dan mon lopinyon pour mwan, i dwa en pti keksoz lo son *dividends* sa bann travayer *IOT*. So petet annou pa koup sa larzan deswit malgre *IOT* pe pey sa *13th month*. *IOT* i devret pey son 13mwan son travayer, ki baze lo son profi, lo son sa.

Me petet sa pti larzan anplis ki sa bann travayer pe gannyen, i pa ti ava en bon nide pour nou tire, akoz sa i ava osi ede pou realiz bann travayer Seselwa. I zot kontribisyon *towards* sa prodiksyon ki *IOT* in fer pou anmenn *dividends* pour nou pei. Mersi Mr Chairman.

MR SPEAKER

Mersi Onorab. SS wi.

SS PATRICK PAYET

Mersi Mr Chair. Mersi Onorab. Lo kot pansyon parey mon'n dir kekfwa nou a fer sa legzersis parey *by first of April*. Parey nou pe fer sa evalyasyon lo kote soutenabilite Fon Pansyon. So *once* nou pe fer li nou a fer li dan sa konteks osi.

Lo kote *IOT* gratwite parey mon'n dir, Gouvernman pe revwar tou sa bann *Scheme* ki egziste ozordi. Parey bann *end of year contracts*, bann trezyenm mwan, bann gratwite ki egziste.

So definitivman si Gouvernman pe regard lo kote pou li, i bezwen revwar li lo kote bann lezot ki pe gannyen. Akoz si par egzanp en diskisyon ki nou pe gannyen se dan plas donn tou sa bann gratwite trezyenm mwan, annan en *performance bonus annually* lo kote Gouvernman.

E pour nou diskit avek *IOT* la fason ki kekfwa si par egzamp sa gratwite pa pou egziste *anymore* ki zot pou gannyen tou le 5an, ki kalite performans sistenm ki zot met an plas?

So i en diskisyon definitivman nou bezwen gannyen avek *shareholder*. En diskisyon e met ater tou bann konponan, baze lo ki bann prosedir e propozisyon ki Gouvernman pe vin avek pour lannen 2022. So definitivman nou bezwen diskit li avek *shareholder Thai Union*. Mersi.

MR SPEAKER

Mersi SS. Nou a pran Onorab Henrie.

HON GERVAIS HENRIE

Mersi Mr Chair. 1-2 pti pwen. Dabor konsernan CARE. Mon apresye sa ki mon'n war dan Bidze, akoz largiman ki nou ti mete se ki i pa ganny konsidere konman en NGO eksepsyonnal me ki i al dan *National Grant* parey tou. So mon kontan ki sa propozisyon in ganny ekoute.

Mr Speaker lot pwen i konsern alokasyon pour CEPS, SCCI, *Religious Organization* avek Red Cross. Mon napa difikilte avek tou sa bann *platform* ganny en lasistans finansyel avek Gouvernman.

Me sa ki mon trakase se dan ki kad legal sa bann alokasyon pe ganny fer? Mon persyade pou dir ozordi letan nou pe koze napa. E mon propozisyon mon pe fer se ki Legzekitiv e Minister Finans i regard sa pre.

Parski ler nou pe *allocate* zot *taxpayers money*, i bezwen annan en fason pou annan *oversight*, pou annan rann kont. E i ava annan en kad legal ki egziste an nwar ek blan. Ki si demen i annan en dimoun ki le kestyionnen dan ki fason i pe arive, i kapab *refer to* sa. I ava swa en lagreman, en *MOU* ki ganny sinyen or en keksoz koumsa. Sa i dezyenm pwen.

Trwazyenm pwen, pwen ki mon'n fer tou le an depi ler mon'n asiz lot kote latab, sa lannen Avril mon'n fer ankor, se lo kestyon *Seychelles News Agency*. Zot pe fer en travay formidab ki mon rekonnet en kantite, me selman mon oule ki mon propozisyon se ki Lotorite konsernen, Minister Finans, Legzekitiv, i reflesi dan direksyon ki i annan en *merger* ki arive avek NISA.

Akoz NISA pa pe demann nou larzan dan Bidze, e alor si *News Agency* ti form parti sa lorganizasyon a long term, mon krwar poudir

zot depandans dan Bidze ti pou redwir e disparet net *if anything* konmans prodwir larzan lo zot menm.

Mr Speaker lot pwen ki mon le fer konsernan *National Grants*. *National Grants* letan mon pe get bann lenformasyon ki *available*; par ezanp an Me sa lannen, selman 2.8milyon *out of* sa 9milyon ki ti'n ganny *disburse*.

Akoz selman 11 proze ki ti'n ganny *allocate* larzan, e parey sa madanm lo *panel* fek enform nou ki 30 proze par an, mon panse la ki sa komite i bezwen fer bokou plis.

Akoz si *National Grant* sipoze pe target bann keksoz ki pou adres bann zafer *SDGs*, i bezwen koul dan bann kominote ki nou la anndan konman bann Manm Lasanble nou reprezante.

Konmela i annan bokou bann pti lorganizasyon dan bann distrik. Bann Lasosyasyon Peser, bann Lasosyasyon Fermye zot merit ganny *advised* lo ki mannyer pou *tap into* sa bann *resources* pou adres bann size *SDGs*, me an menm tan i annan latransparans dan alokasyon.

So Economic Planning should do a little bit more with regards to sa travay avek sa *National Grants Committee*.

E finalman *SEEREP Incentive Scheme* mon war li i en bon *Scheme* akoz i kapab adres endirekteman size lapovrete dan nou pei. Kot si bann lakour i ganny akse avek sa fon, zot kapab pran bann pti *loan* aste bann lekipman ki a long term i redwir zot kou *utilities* dan lakour.

E mon pe demande Mr Chair ki ankor plis i ganny fer, pou permet bann dimoun dan Kominote ki nou ki sorti la anndan ki reprezante, i konn *the availability of* sa bann *Scheme* e zot fer bann aplikasyon pou zot benefisyé anba la. Mersi.

MR SPEAKER

Mersi Onorab. SS ou ava adres sa bann pwen.

SS PATRICK PAYET

Mersi Mr Chair. Mersi Onorab pour sa 4 spesifik kestyón.

Premye lo kote sa lankadreman legal, definitivman i en keksoz ki nou a travay lo la *early next year*. Met li an plas pour fer sir ki demen osi okenn kestyón ki vini, nou konnen i dapre sa striktir legal e osi sa *oversight structure*.

Nou konnen wi i annan sa *mechanism* ki nou *liaise* avek zot diskite. Me selman kekfwa *through an MOU* parey ou'n propoze, definitivman sa mon kwar i en bon sizesyon.

Dezyenm lo kote *Seychelles News Agency* wi, i annan travay ki ti'n konmans fer. nou ti an diskisyon avek Biro Prokirer Zeneral. Me selman nou ava konplet sa legzersis *hopefully early next year*.

Me selman i annan travay ki'n konmanse lo la. Lo ki sa striktir ki nou met li an plas. Nou osi nou'n vwar ki kekfwa i pou anmenn en pe plis benefis. Si kekfwa i annan en pe *through NISA* ouswa bann lezot striktir ki egziste.

Lo kote sa *National Grant*, mon konnen ki i annan bann diskisyon ouswa bann *awareness* ki nou fer, me selman kekfwa *we need to do more*. Pour nou kekfwa mazinen lo bann posibilite parey ou pe dir lo kote *SDGs* pour kekfwa bann lezot *organization* ouswa *Civil Society* okouran ki sa i egziste, me ki mannyer zot fer zot prosedir.

Mon konnen selman sa *project officer* i annan ki par egzant zot dir kekfwa sa prosedir konmela i *too cumbersome*. I annan tro bokou *paperwork*. Me selman en keksoz ki nou diskit avek zot, nou bezwen prepar zot pour zot kapab soumet en propozisyon enternasyonalman.

Akoz i pa zis anba sa *National Grant* ki ou kapab ganny larzan. Par egzant konmela mon konnen *US* i donn bokou. So letan ou regarde ou konpar nivo bann prosedir-

(laughter)

MR SPEAKER

Ale SS terminen.

SS PATRICK PAYET

Mr Chair nou konnen kekfwa i annan bokou ki arive ki zot kapab servi sa bann striktir. Me selman definitivman i bann nouvo *Awareness Program* ki nou kapab *tap in* kekfwa en pe plis *dan community*.

Travay kekfwa avek bann lezot Minister, par egzant *Local Government and Community Affairs*. Travay avek zot pou fer zot okouran, e si en dimoun i pas dan distrik osi, i vin demann zot okenn kestyon, ouswa prepar bann *leaflets* so- e tousala kekfwa nou bezwen travay avek zot.

Lo kote *SEEREP* Definitivman mon antyerman dakor avek sa. I en keksoz ki nou bezwen kontinyen travay avek Minister responsab pour lenerzi. Akoz sa mon konnen i pou anmenn en pe plis benefis. Mon konnen letan sa ti konman ti annan bokou *awareness*, me selman la ou pa pe war.

Mon konnen i ganny ofer avek bann *commercial bank* me selman annou fer en pe plis. Me definitivman mon *share the same point of view on a travay* konzwentman avek Minister responsab. E osi bann lezot *NGO* pour zot kapab donn nou en koudmen lo sa kote. Mersi Mr Chair.

MR SPEAKER

Mersi. Bon i reste mwan Onorab Roucou. Pa Onorab Roucou alors, Onorab Adelaide. Eskiz mwan, mon mark kekfwa lo...

HON FRANCOIS ADELAIDE

Ok Mr Chair mon konnen pou dir fernwar pe fer. *Ok* SS bonn apremidi. E bonn apremidi ou lekip antye. SS vi ki nou annan dokiman devan nou la, e i pou bon pour lenformasyon piblik en, akoz i enportan ki ler nou dan Lasanble nou koz ek piblik nou eksplik zot.

La deor i annan en move vag, en move petet mesaz avek nou bann zenes. Akoz dan deba Bidze, Lopozisyon ti dir ki dan Bidze napa nanryen pour lazennes.

E sa in anvoy en move mesaz e bann zenes i konfize. Eski ou koman sa antite ki'n travay lo Bidze, ou kapab vreman konfirmen avek sa Lasanble, si dan sa Bidze i annan keksoz ki pou fer avek lazennes?

Akoz mwan ler mon gete mon war bokou bann *Scheme*. Bokou bann *fund* ki'n ganny mete a la porte lazennes. E ou konnen nou Parlmanter, ou annan 2 kote. I annan bann ki 'parle' avek bann le ki 'manter'. Nou, nou 'parle' zot, zot 'manter.'

(laughter)

HON FRANCOIS ADELAIDE

E dimoun deor pe konfize. So mon ti a kontan ou eklersi sa pou ki nou kapab konpran byen mersi.

MR SPEAKER

Onorab Onorab. SS mon pa konnen-

(Interruption)

MR SPEAKER

Order please! SS mon pa konnen ki mannyer ou pou kapab reponn sa kestyon. Petet ou kapab zis mansyonn bann *scheme* ki annan spesifikman keksoz pour lazernes ladan e Onorab i a kapab satisfe. Mersi.

SS PATRICK PAYET

Mersi Mr Chair. Mr Chair kekfwa mon a konmanse ki tou kou mon dir, en dimoun letan i regard Bidze, i pa bezwen regard li zis *specific*. Tou kou mon koz par egzant avek mon bann *relative*, ouswa mon bann koleg ki mon zwenn, ki mon dir zot toultan letan ou regard en Bidze, ou pa bezwen regard si i annan ogmantasyon saler.

Akoz souvandfwa ou regard dimoun, i dir ou koumsa be eski si ti annan ogmantasyon saler? Ki zot, zot pe benefisyé.

En Bidze ou regard li, vre i annan bann *Scheme* ki Gouvernman in met an plas, me selman lekel son bann *Fiscal Policy* ki i pe vin avek, ki *at the end of the day* i kapab anmenn en pe plis benefis lo kote pei, me selman bann endividé.

Par egzant letan ou regarde annou get zis en *SME Scheme*. En *SME-Scheme* ozordi avek bann sekter ki Gouvernman i fer en pe plis krwasans ki i pe mete. Par egzant dan *Digital Economy*. Dan *Farming*, dan *Lagrikiltir*, dan *Lapes*. Me sa i ouver pour tou. E lazernes i enkli. Ou regard bann lezot *scheme* ki devan nou se *Youth Employment Scheme* i pou ed zot annan en lanplwa pou fer sir ki i siport zot.

Akoz nou konnen par egzant i annan dimoun ouswa bann biznes, letan i pe pran en zenn dimoun ki'n sorti zis dan *professional centers*, napa leksperyans, kekfwa i en pe- i pa pran li avek sa latitud ki pe al fer sa dimoun aprann, ki demen i osi pou annan sa leksperyans.

So sanmenm sa ki Gouvernman in met sa *scheme* pou fer sir ki *at least* zot ganny anploye dan sa bann biznes. I annan sa *Youth Entrepreneur Scheme* ki *specific* pour lazernes ki zot kapab *apply* bann *loan*, par egzant lo kote *seed capital* nou konnen bokou bann lazernes i *apply*. *Laptop Scheme* mazorite bann etidyan ki dan *professional centers*.

So definitivman Mr Chair i annan bokou bann *Scheme*. E letan ou regard *Educational Loan Scheme* i pour mazorite se bann zanfan ki pe al etidye. So i pou bann lazennes. So definitivman i annan bokou ki nou'n mete dan Bidze 2022 pour lazennes. Mersi Mr Chair.

MR SPEAKER

Mersi. Bon avek sa mon napa lot Manm ki'n lev lanmen pou kestyon lo *Social Programs of Central Government*. Alors nou a pran vot lo son Bidze ki lo paz 38 ziska 39 dan *section 2*. E pour en total R303 milyon 381 mil. Manm ki an faver lev lanmen silvouple? Mersi. Manm ki kont? Tou in vote.

Lo Bidze pour *Social Programs of Central Government section 2 page 38 to 39* pour 303 milyon 381mil, 27 Manm in vot pour, 0 kont, 0 abstansyon. Bidze in aprouve par Lasamble.

Nou pe depas nou ler en pe. Selman mon war i annan 2 *item* la dan sa ki pe vini ki *one liners* mon krwar.

Nou a pran *Others SS*? Ou a fer en pti leksplikasyon lo la?

'OTHERS'

SS PATRICK PAYET

Mersi Mr Chair. Mr Chair pou *Others* i mainly sibskrisyon pour bann lorganizasyon enternasyonal ki pour en total 47milyon 250mil. Parey zot okouran i annan en legzersis ki nou'n preski konplete avek Minister Departman *Foreign Affairs*.

Dan sa legzersis ki nou'n vvar se i annan parey zot pou vvar dan Bidze, nou'n met sa provizyon 2022, me selman nou'n met en *forecast* 2023. Nou ekspekte kekfwa fer zis apepre 7milyon *savings* dapre sa legzersis.

Akoz letan ou regard mazorite nou bann *international organization*, mazorite apepre 31- nou annan nou kekfwa Mr Chair zis pou mansyonnen, nou annan nou en total 176 *international organizations* ki nou *subscribe* avek. Ki pou sa lavaler 47milyon.

Me selman letan ou regard *last assessment*, evalyasyon ki'n ganny fer, pou en lavaler 4.7milyon ki nou'n ekri bann Minister. Ladan nou annan nou, ki nou'n vvar apepre 10 potansyel pour nou *withdraw* nou *membership* ki pour en total 894.

Nou annan nou en lot total 4.4 milyon ki en total ka 26. So sa i en diskisyon ki nou pe ganny diskite avek bann Minister. I annan ki'n ganny en total apepre 4 ki *actually* bann *membership* in ganny sispann. Akoz kekfwa zot pa pe vwar sa relevan *actually*.

Selman dan sa total 176 Mr Chair ki en total 47milyon, 20 *organization* zis 20 ki en total 30.7milyon. E sa bann *organization* nou pe koz nou par egzanp WTO, COMESA, SADC, African Union, Commission de L'Ocean Indien, United Nation, Commonwealth.

So letan ou regard sa 20 organisations zot, zot pour en total 30.7milyon. So i montre ou menm si Gouvernman pou sorti ankor lo sa bann *organizations* kekfwa i pa pou anmenn en kantite benefis, akoz deza sa 20 ou pou bezwen reste letan ou regarde.

Par egzanp COMESA, SADC. Akoz sa benefis ki i anmennen. Me selman sa legzersis i kontinyen e *hopefully* premye kar lannen prosenn nou kapab konplet sa legzersis. Mersi Mr Chair.

MR SPEAKER

Mersi SS. I annan kestyon? Onorab Henrie?

HON GERVAIS HENRIE

Lo sa leksplikasyon Mr Chair ki SS fek donn nou. Dan ka bann antite ki endepandan avek- annou apel li Gouvernman par egzanp Lakour, Lasanble, eski dan negosyasyon ki zot pe fer- eski zot pou kapab obliz Lakour par egzanp, pou dir ek li pou dir non sa enn la ou pou bezwen ale. Konmsi, *how far will you go?*

E dezyenmman, ler ou pe koz benefis, akoz zisteman en komanter ki'n ganny fer souvandfwa dan Lasanble, se ki par egzanp lo nivo Diplomasi, i bezwen annan bann keksoz tanzib ki nou war. Nou'n fek fer sa remark vizavi letan nou'n ratifye lakor COI resaman. Ouswa bann Lanbasad ki nou annan.

I bezwen annan en keksoz ki dimoun Dan Lenn e Mont Buxton i war- preske la zot pe depans 30milyon. So dan sa refleksyon kwa ki nou kapab egzize ki bann lorganizasyon ouswa pei nou war plis sa *people to people's contact*. Ki preznan dimoun i dir; anr ok mon konpran akoz nou dan COMESA.

Akoz sinon i reste dan en zafer pour bann boug dan palto ki anbark dan en avyon e le. Mersi.

MR SPEAKER

Mersi Onorab. SS.

SS PATRICK PAYET

Mersi Mr Chair. Mersi Onorab pour sa kestyon. Definitivman, nou ki nou'n fer se letan nou'n soumet par egzant 1-2 sa bann *organization* ki'n annan opozisyon, nou pa'n zis koupe. Sirtou bann lenstitisyon endepandan.

Nou'n ekrir zot *formally* ki nou'n dir zot soumet bann benefis ki zot krwar ki dapre zot *assessment* ki *actually* zot gannyen avek sa bann *international organizations*.

Par egzant menm lo kote Lasanble i annan 2-3 ki nou'n ekrir Clerk e in fer son soumisyon. E sa soumisyon i ganny analize par sa Komite baze lo en striktir ki egziste.

Konmsi par egzant ki nou mete ki kantite *meeting* ki ou ale e ki kantite- sa bann *meeting* ki ou ale, lekel bann benefis ki i anmennen pour Sesel. Lo kote *advice* ki ou gannyen, *legal advice* ouswa bann lezot Konsiltan par egzant ki zot soumet, ouswa bann lezot *tangible benefit*.

So i 1-2 sa bann latab ki nou'n soumet pour nou kapab fer en pe plis analisis. Me selman definitivman ki nou anvi vvar en pe parey ou dir, ki mannyer pe tous lakominote.

Nou pa zis kekfwa zis pe monte pe al *attend meeting*. Me selman once ki sa bann *meeting* i ganny fer, ki kekfwa ou re anmenn li pou Sesel ki ou vvar plis sa benefis dan lakominote ouswa dan lekonomi li menm. Mersi.

MR SPEAKER

Mersi SS. Onorab Pillay.

HON SEBASTIEN PILLAY.

Mersi Mr Chairman. Mon pe al 'parle' en kou la. Zis pou tyek en keksoz SS, lefe ki se nou Lasanble Nasyonal ki aprouv bann trete. E se dan bann Trete ki dekoul avek sa bann *subscription*, eski nou kapab ganny sa bann detay, bann lenformasyon lo provizyon pou sorti dan sa bann lorganizasyon?

Akoz ler nou ganny sa bann Trete, souvandfwa en kestyon ki bann Manm i kontan demande- mon konnen sirtou Onorab Gill i kontan demande, se si i annan bann kou ki vin avek, pour nou al *join* serten lorganizasyon?

So si nou kapab ganny sa lenformasyon, nou ti ava vreman apresye pour nou konnen ki mannyer sa rediksyon pe vini.

Me selman Mr Chairman *otherwise* mon pa vwar gran *issue* ki zot pou bezwen fer akoz, si nou nou bezwen *still* reste dan *UN*, son *subscription* i reste o. Pou nou reste dan *AU subscription* i reste ou. Si ou pou reste *UNESCO subscription* i reste ou, so mon napa gran problemm avek sa sityasyon ki nou ladan. Mersi.

MR SPEAKER

Mersi. Well SS i ava adres sa pwen.

SS PATRICK PAYET

Mersi Mr Chair, mersi Onorab. Definitivman Mr Chair nou kapab *provide* Lasanble avek *the initial assessment* ki'n ganny fer. Mersi.

MR SPEAKER

Mersi. Mon napa lo kestyon lo sa laliny, alor nou a pran vot lo Bidze pour *Others*, *meaning Other Estimates* e sa i lo paz 41 pour en total R47milyon 255 mil. Manm ki an faver lev lanmen silvouple. Manm ki kont? Onorab Cosgrow ou ti pe vot pour? Wi azout li Madanm Clerk. Bann ki kont personn pa'n lev lanmen. *Thank you.*

Lo vot Bidze pour *Others* lo paz 41 seksyon 2 pour total R47 milyon 255mil, 18 Manm in vot pour, 0 kont e 4 abstansyon. Bidze in aprouve par Lasanble.

CONTINGENCY

MR SPEAKER

Nou a pran *Contingency* lo paz 42 pou 50Milyon. SS ou a eskplik sa enn?

SS PATRICK PAYET

Mr Chair, mersi. Lo kote sa vot Mr Chair en provizyon nou'n mete lo kote *Contingency*. Parey zot okouran i annan depans *COVID* ki'n ganny fer anba *Contingency* sa lannen. E nou'n met sa provizyon baze lo sityasyon pandemi COVID-19.

Si i arive i agrave ki nou pou bezwen fer bann lezot depans anba sa vot. So *this is why Mr Chair* ki nou'n met sa provizyon spesifik. Me

selman nou konnen, nou okouran ki kekfwa i kapab annan okenn bann lezot depans.

Par egzanp lo nou latab *actually* nou annan en *case* ki'n konplete ki Rezistrar in anvoy kot nou. Par egzanp *the case of Alain St Ange Versus Attorney Zeneral* ki pour en total 6.9 milyon.

So sa i bann provizyon ki nou'n mete, par egzanp si annan bann *court case* ki ganny arive ki nou bezwen peye. Mersi Mr Chair.

MR SPEAKER

Okenn kestyon? Onorab Cosgrow wi.

HON WALLACE COSGROW

Mr Speaker bonn apremidi. Bonswar, preski bonswar. Mr Speaker en senp pti kestyon. Dan sa *Contingency* 50milyon, si i arive ki nou pa servi li pou sa *intended purpose*, eski i annan en posibilite la - mon le deklar en lentere, mon reste La Misère. Si i annan okenn posibilite ki sa larzan i kapab ganny servi pou pey larestan konpansasyon pou bann dimoun La Misère? Mersi.

(Off-Mic)

MR SPEAKER

Mon pe demande zot, mon pa malelve !

MR SPEAKER

Mersi. Ale. Se tou Onorab ? Wi. Alor SS- wi.

SS PATRICK PAYET

Mersi Mr Chair. Pour le moman Mr Chair nou pa'n fer okenn sa provizyon, me si sa, nou kapab regard li *during the Mid-Year Review* si i arive ki kekfwa lekonomi pe refer. Mersi.

MR SPEAKER

Ok Onorab Pillay.

HON SEBASTIEN PILLAY

Mersi Mr Chairman. Mr Chairman mon ti a kontan klarifye avek PS. *So basically, Contingency* pe akt koman en *petty cash* Gouvernman dan en fason *rudimentary* met li. Ok? Be aprezan nou ki nou pa

konnen Lasanble se ki bann depans ki pou al ganny fer anba la, akoz sa i bann depans enprevi. Akoz *that's what it's called. It's Contingency.*

Ou'n mansyonn en ka ki *relate* avek Lakour. Akoz ki zot napa en lot provizyon pou Gouvernman kouver *legal fees* en lot landrwa *as oppose to* vin pran ladan dan depans enprevi?

Par egzant sa depans enprevi la, i pou par egzant en search dan bann *COVID cases*. Ou pou bezwen al tap ladan pou kapab siport Bidze *Health Care Agency* pou nou kapab *tackle COVID*. So mon santi poudir i vin en pti pe tro bokou diferan keksoz ki i pe antre ladan. So napa en lot *line item* pou nou mete.

Or akoz nou pa fer parey Konstitisyon in dir ki nou etabli en *Contingency Fund* anba en Lalwa. E i ava annan bann paramet pour ki sa *contingency* i ganny servi *from now on as oppose to* fer li koumsa. Akoz sa i annan en risk avek.

Mon dezyenm kestyon ou'n koz lo sa enn *case* ki'n ganny settled. Eski ler zot ti pe prepar Bidze zot in ganny okenn lenformasyon lo lezot *case* ki Gouvernman i annan Ankour? E ki si Gouvernman i perdi ki ankor i ava anmenn en presyon lo *Contingency Fund*. Eski ou annan sa lenformasyon?

E mon dernyen kestyon. Gouvernman ti osi annan *COVID Fund* e in osi annan Bidze *Health Care Agency*, e nou'n osi fer depans anba *contingency* pou *COVID*.

Eski i posib pou Lasanble ganny sa bann detay lo sa bann depans ki Gouvernman in fer anba *COVID*? Pou nou konnen kote sa bann depans anba *contingency* in ale egzakteman? Mersi Mr Chairman.

MR SPEAKER

Mersi Onorab. SS ou'n ganny sa?

SS PATRICK PAYET

Mersi Mr Chair. Mersi Onorab. Mr Chair pou nou regard li nou konnen ki provizyon Konstitisyon lo sa *Contingency Fund*, me selman parey ou konnen ki letan nou ti pe travay lo revizyon *Public Finance Management Act, 2012* nou ti osi met sa provizyon *Contingency Appropriation*. Ki nou ti mansyonnen ladan ki i *stated we should not exceed 3poursan*.

Ki nou ti pe fer nou se, akoz mon krwar ti annan en pe konfizyon lo sa ki egziste anba Konstitisyon. Ki sa provizyon anba Konstitisyon i parey en *petty cash* ki ankor egziste ozordi. Gouvernman i kapab depanse, apre i vin soumet ek Lasanble pou demann Lasanble Nasyonal pou demann en *replenishment*.

E souvandfwa letan ou vini kestyion ki ganny demande, be akoz ou depanse apre ki ou vin demann *replenishment*. Me sa akoz i egziste anba Konstitisyon. I *allow* ou fer li.

E provizyon ki nou ti mete avan ti aepre 25milyon. Me nou, nou vvar li kekfwa i en pe plis latransparans ki nou met li anba Bidze. Ki tou dimoun i konnen i annan sa provizyon 50milyon. Me selman sa 50milyon I ganny odite par Oditer Zeneral parey in fer.

Par egzanp parey ler ou get rapor Oditer Zeneral pou 2020, ou pou vvar i annan en *specific* seksyon zis lo kote *contingency*. Spesifikman akoz nou annan bann depans ki relye avek lasante, *COVID-related*. Me selman ki nou fer se nou fer sir ki letan nou pe rikord sa bann tranzaksyon nou pa zis rikord – nou rikord tou sa bann tranzaksyon e nou met li anba son laliny. Par egzanp si i *specific* anba *legal fees*, si i relye anba pandemik. Ouswa si i relye anba lezot konponan.

Par egzanp ou konnen i annan sirkonstans ki nou pey bann sirkonstans dezas. Sa osi i ganny kouver. So tou sa bann konponan osi, ki nou fer sir ki i annan byen rikord e ki nou fer sir ki i ganny odite. E dapre bann striktir bann lankadreman ki nou met an plas.

Definitivman nou kapab fer zot – parey nou ti fer dan *Mid-Year Review* kekfwa la nou pou kapab soumet en latest report avek zot lo kote sa *COVID Fund*. Ki kantite ki'n ganny depanse ziska prezan. E ki kantite ki'n ganny depanse anba *Contingency Fund* ki releve avek pandemic 2019.

So tou le de rapor nou kapab zis donn zot en total. Me selman parey zot konnen tou le de fon pou ganny odite par Oditer Zeneral. Me selman nou kapab *provide* zot avek sa bann detay. Mersi Mr Chair.

MR SPEAKER

Mersi. Nou a pran vot lo *contingency* ki lo paz 42 dan seksyon 2 pou en total R50milyon. Manm ki an faver lev lanmen silvouple? Mersi. Okenn Manm ki kont? Madanm Clerk. Lo vot pou *Contingency* lo

paz 42 dan seksyon 2 pou 50milyon, 23 Manm in vot pour, 0 kont e 1 abstansyon. Alor sa Bidze in aprouve par Lasanble.

TAX EXEMPTION

MR SPEAKER

I reste nou *Tax Exemption* lo paz 5 ek 6. E sa i dan *Estimates of Revenue*. E son total i pou R10milyon. SS Payet ou a eksplik sa Bidze, sa laliny.

SS PATRICK PAYET

Mersi Mr Chair. Mr Chair lo la pou sa total 10milyon sa i en provizyon ki nou mete anba *Customs duties* nou met en provizyon 5milyon. E anba *VAT* nou met en provizyon 5milyon. Sa i sirkonstans par egzant si i annan bann lagreman ki Gouvernman i annan ;- par egzant letan i pe ganny bann don. Ouswa en bann lekipman.

Me letan ou regarde akoz ou pe resewar li avek serten Pei Zanmi ki bann don ki zot pe donn nou ki pa kouver sa bann *tax konponan*. E ou, ou bezwen peye. So enn de. Sa nou met li konman en provizyon. I pa neseserman ki ou pou servi. Me selman nou met li zis an ka ki ou bezwen. E sa total i pou en lavaler R10milyon. Mersi.

MR SPEAKER

Mersi SS. Kestyon. Wi Onorab Pillay.

HON SEBASTIEN PILLAY

Mersi bokou. An relasyon avek *Tax Exemption* mwan mon oule en klarifikasyon. Sa i kouver plito bann keksoz ki tonm anba bann lagreman e bann provizyon lagreman. Me *what about bann keksoz let us say* ki bann *emergency procurement* oubyen bann *essential procurements*?

Par egzant pou Minister Lasante. *Ok let us say* i pe fer vini lekipman ki i bezwen par egzant dan *surgery*, oubyen dan en lot landrwa. Sa pa ganny *exempted* sa. Eski i pou ganny *exempted* ou i pa pou ganny *exempted*?

Mon krwar la i annan en *issue*, akoz i annan lezot antite Gouvernman ki fer vini bann lekipman esansyel. Me ki *still* i bezwen annan sa konponan *tax* lo la.

So ki mannyer sa *code* in ganny *worded* in toulstan en problem pou mwan. Akoz *Tax Exemption* i pa spesifik tou bann don ek bann sa. I en *blanket Tax Exemption* ki Gouvernman *actually* pe pey son lekor e pey SRC. E i vin en *net effect* dan Bidze.

So eski ou kapab klarifye alors si sa osi pou ganny enkli or zot annan lentansyon sanz Polisi pou enkli sa anba la? Mersi.

MR SPEAKER

Mersi Onorab. SS.

SS PATRICK PAYET

Mersi Mr Chair. E mersi Onorab pou sa kestyon. Mr Chair letan ou regard ozordi ki mannyer Lalwa i egziste i *specific* li. Par egzant bann lekipman kantmenm i annan *emergency*, me selman i *specific* son tax ki li i bezwen peye. Me souvandfwa sanmenm sa ki nou diskite avek bann Minister, ki zot osi zot bezwen annan sa laspe *planning*. Akoz menm si sa lekipman i irzan, ou'n sipoze konnen dan ou Bidze ki ou alokasyon. E ki kantite ki ou kapab *afford*.

E i annan diskisyon par egzant sirtou avek sekter Lasante ouswa sekter Ledikasyon, souvandfwa kekfwa letan zot pe ganny enn de sa bann *emergency* ki arive nou *advise* zot byen kote zot kapab fer sa alokasyon. Servi dan zot Bidze.

So souvandfwa i deza annan sa Bidze ki egziste dan sa Minister ki nou fer zot peye. Akoz *at the end of the day* i en depans ki enkli zot *tax* osi. Me selman definitivman la ki legzersis ki nou pe fer se, i arive par egzant letan ou regard en lasosyasyon.

Par egzant letan ou regard Lasosyasyon *Cancer* ou vvar ki letan zot pe ganny enn de bann don avek lezot *private entity*, sa pa kouver. E sanmenm sa ki nou pe diskite pou met en lankadreman parey Minis in adrese dan son Bidze.

Ki kalite lankadreman ki ou met an plas ki pou fer sir ki i vre. Sa endividé *private sector* i pe donn sa an bonn koz. Me selman kekfwa napa en striktir ki egziste. Me i en diskisyon ki pe ganny fer,

ki *hopefully* premye kar lannen prosenn nou kapab vin avek en propozisyon. Mersi.

MR SPEAKER

Onorab Pillay. Wi klarifikasyon.

HON SEBASTIEN PILLAY

Wi. Me selman mon le met devan SS ki i poz en problem si ler ou annan sa prosedir ki bezwen ganny fer, i bezwen pran petet en semenn. E sirtou si ou pe koz keksoz ki annan pou fer avek Minister Lasante.

So mwan mon ti ava swete akoz menm si mon pa dan Gouvernman i mon frer, mon ser, mon kouzen, mon kouzin ki pou bezwen sa servis. E mon krwar ki poudir si sa bann retar i kapab met lavi en dimoun an danze - sirtou avek lefe *COVID*.

Ki'n fer ki *shipping* in ganny *disrupted*, tou keksoz in ganny *disrupted*. Mon krwar ki i bezwen annan en zefor ki ganny fer pour ki sa *Code* i ganny elarzi pou fer ki i vin pli fasil pou retir sa bann koli ler in ariv. Anmenn li dan son landrwa kot i bezwen ganny servi pli vit posib. Sinon dimoun pou espere pou ganny en lentervansyon. Mersi Mr Chairman.

MR SPEAKER

Mersi Onorab. SS.

SS PATRICK PAYET

Mersi Mr Chair. Mersi Onorab. Mr Chair i annan bann lezot striktir ki nou diskite avek Minister Lasante, avek SRC. Par egzanp si i annan en lekipman *emergency* ki zot pe anmennen nou konnen souvandfwa ki zis zot in *advise Customs* ki zot bezwen retir sa lekipman *because of emergency*. E *Customs* in ekrir nou kot Minister Finans pou demande ki baze akoz depans Gouvernman, nou, nou kapab pey SRC direk.

So zis en *email* e ki zot kapab tir sa lekipman. E apre *during the next two days* zot fer peyman. So i deza annan bann striktir ki – e nou kapab re diskit avek lasante pou vwar si sa striktir pa pe marse.

Me selman nou konnen definitivman i zis en lantant ki nou bezwen gannyen *between* lasante, ouswa bann lezot Lazans ki annan sa bann *emergency* lekipman ki zot fer vini avek *Customs*.

Me selman nou kapab re diskite sirtou avek parey ou pe dir avek Lasante pou fer sir ki nou pa pe met Lasante dimoun an danze. Mersi.

MR SPEAKER

Mersi SS. Bon avek sa nou a pran vot lo *Tax Exemption* ki lo paz 5 ek 6 dan *Estimates of Revenue*. Pou en total R10milyon. Manm ki an faver lev lanmen silvouple? Mersi. Okenn Manm ki kont? Vot lo Bidze pou *Tax Exemption* ki lo paz 5 ek 6 dan seksyon 2 *Estimates of Revenue* pou en total R10milyon 24 Manm in vot pour, 0 kont e 1 in *abstain*. Donk sa Bidze in aprouve par Lasanble.

E avek sa nou a terminen pou ozordi. Mon a remersye bann Manm pou zot long semenn. E mon remersye SS Payet ek son delegasyon, zot partisipasyon, sirtou Ms Tamatave ki'n ek nou pou bokou la semenn.

Bon pou nou *adjourn* nou a pas dan Staz Lasanble. Bon nou *adjourn* e nou a repran travay Lendi 9 er. Mersi.

(ADJOURNMENT)